

27



IOANNIS INNOCENTII  
PETRICII  
RERVVM IN POLONIA

ac præcipuè  
Belli cū Osmano Turcarū Imperatore  
gesti finitiq̃ue

HISTORIA

ANNO M. DC. XX. & M. DC. XXI.



CRACOVIAE,

*In Officina Andrea Petricouij, S. R. M. Typographi,*

Anno Domini, M. DC. XXXVII.

67432

№ 8720



Biblioteka Jagiellońska

№ 8720





ILL<sup>MO</sup> & REVER<sup>MO</sup> DOMINO,

D. NICOLAO  
SZYSZKOWSKI,  
VARMIE NSI  
ET  
SAMBIE NSI  
EPISCOPO.

IOANNES INNOCENTIUS PETRICIUS

FEL.



Ebuit hîc infidere nomen Tu-  
um ILLVSTRIS SIME DOMINE,  
neq̃ deduci ab eo opere, quod  
Patruo Tuo sponsum destinatumq̃, non  
potes non cum cæterâ hæreditate adire.  
Ego certè sicut non nomen, ita neq̃ cul-  
( 2 tum



DEDICATIO.

tum affectumq; meum immutavi, gemino  
patrocinio hominibus magis commenda-  
turus etiam, quæ scripsi. Feres hunc in me  
errorem, si æquè dignitatum honorumq;  
ac virtutum & meritorum, translato ad  
Te omni patrimonio ac instrumento, me  
quoq; transfero, & quicquid fuit Patruus,  
in te colo. Cæterum, fatendum est, di-  
verso à vulgo scribentium more, ubi, cum  
omnes laudent, omnes laudentur, aliud  
quærendum erat, virtuti vestræ præmium,  
ne quid de magnitudine eius minueretur.  
Nam nihil hîc sine periculo fit, & tam ei  
detrahit, qui auget, quàm qui eam adducit  
seorsum. Sicut collapsus & prostratus hu-  
mi paries, tantundem facit, atq; nulli stru-  
cturæ cõmissus, & sibi relictus neglectusq;  
ita hæc

DEDICATIO.

ita hæc cum se segregat, statq; deuitans  
alienarum congressum, sola. Iam nosti  
invidiam, nosti scribentium sortem. Vbi  
de magnà virtute atq; gloriâ bonorum me-  
mores, quæ sibi quisq; facilia factu putat,  
æquo animo accipit: supra ea, veluti ficta,  
pro falsis ducit. Adeò cum laude studium  
sæpiùs afferri videtur, non fides. Quare  
nec alloqui Te vsitato more visum, cuius  
maximè interest, ne quid ex ijs, delibâsse  
hîc inquinasseuè videatur adulatio, quæ  
narro. Quam, sicut in limine statim odi &  
arceo: ita detrimentum eius non tanti fa-  
cio, hoc præmio Tibi remunerandum, vt  
posteris magis commenderis.



III<sup>mo</sup> & Reu<sup>mo</sup> Principi,  
D. MARTINO  
SZYSZKOWSKI,  
EPISCOPO CRACOVIENSI,  
DUCI SEVERIÆ.

Ioannes Innocentius Petricius.



Vnquam ego, SENATOR & PRÆSUL AMPLIS-  
SIME, conquirendorum quæ ubique gentium  
præclare gesta sunt, diligentiam improbaui: eo-  
rum tamen consuetudinem laudare haud potui,  
qui domesticorum incuriâ, externa tantum sus-  
picientes, virtutem incultâ obsolescere sinunt.

Etenim sicut non parua boni civis commendatio est, patriam or-  
nare: ita haud minor patriæ pestis, despectu suorum, emulationi &  
gloriæ viam, indoli vitam tollere. Animaduerti in tales alibi soli-  
tum legimus; & merito: Spartam enim quam nactus es, vel orna,  
vel desere. Ideoq; non tantoperè trophæa illa, arcus, corona, statua,  
virtutem ubiq; laudatarum gentium tenebant: quantoperè popu-  
larium ore reddita cuiq; gloria accendebat: ut cum se Brutos, The-  
mistocles, Leonidas, Romanos, Athenienses, Spartanos audiebant,  
à moribus suæ quæque familie aut populi, velut à natura, abire ne-  
quaquam poterat. Neq; verò nostra tempora, ea operum sterilitas  
tenet, ut externa suspiciendo, velut in alieno triumpho versari ne-  
cesse sit. Mitto enim ardens & infixum cuiq; populo fama deside-  
rium. mitto ingentes illos, qui iam annalium paginas compleuerunt  
viros. videre videor hoc, quod descripturus sum, prælio, insignes for-  
tissimorum bellatorum Duces, primipilos, aliamq; centurionum &  
militum cateruam, inter cumulos corporum armorumq;, inter ta-  
bem sanguinis, agrè per aduersa vulnera, fessaq; cadibus membra,  
animam trahentes. Quid? num virtutem illorum Manliis, Tor-  
quatis, Regulis, Sergiis donas? en Zolkeuius truncata caput adijci-  
ens dex-

EPISTOLA DEDICATORIA.

ens dextera, quarit an eam Sceuola largiris? quin & Koniecpol-  
scio, dum ad corpus collega dimicat M. Fabium aduocas? Supe-  
rantne Decij duos Zolkeuios, Korecium, Balabanum, Kasanoui-  
um, Ferensbachium, Dinophium, Wrzescium, Koualkouium, de-  
uotis corporibus in hostes ruentes? Et Lubomirscij Comitibus rara il-  
la pro patria promptitudo & liberalitas, num Q. Fabii tantum vir-  
tus est? Cedunt scilicet P. Valerio Duces Zbaranii, in planum op-  
pida agentes? Cedunt Corculis, illâ prudentiâ, illâ sapientiâ? Cedit  
Papyrio Hotkenicius illo corporis robore, illo animi? Victus fortasse  
est VLADISLAVS Princeps virtute Scipionis Africani? exhor-  
ruit funestam terram? ubi iuueni pariter, inter duorum Imperato-  
rum funera, contra formidolosum toti orbi hostem res gerenda e-  
rant. Et ne singula commemorem, quid Senatus noster? per tot ma-  
la & seruitutem orbis sospes, ingentibusq; inimicitiis superstes, cui-  
nam inuidet imperium vel libertatem? Ergo non peccaui, Præsul  
Illustrissime, dum trophæa hæc domi collecta ad templum Tuum  
Virtutis & Honoris porto; ubi ad aram vitæ & morum Tuorum,  
æterna tibi gloria, faustaq; omnium acclamationes adolentur. Non  
peccaui, inquam, siue illa, siue Te considero. Illa, heroibus tantum,  
excelsa virtuti, & talibus qualis es Tu propria: Te, ex cuius splen-  
dore, sicut aquila ex sole, ita egregia quæq; indicia sua sumunt. Ta-  
cebo enim nunc diuinas virtutes Tuas, quibus eodem loci, ubi De-  
um veneramur, inter aras & altaria Sacerdos colluces. Mittam  
honores Tuos, quibus sublimis in Regno Episcopus, & inter Episco-  
pos Senator radias. à Deo ista Tibi destinata erant, neque illis qui  
fastigia hæc conferre poterant, eligendi Tui potestas, sed gloria reli-  
cta erat: Tu hæc debita virtutibus Tuis nascendo statim meruisti.  
Transibo, quantacumq; illa sint; Clerum ad antiquum virtutis ha-  
bitum, id est, ad similitudinem Tui reformare: adducere in Episco-  
pam, dilectam Tuam Spartam, quicquid usquam egregij; tot insti-  
tutiones, tot supplicationes, tot grates, tot preces, tot tēplis donaria;  
videlicet ut omnes discerent, Deū pariter eā pietate, quā Tu colere.  
Non cōmemorabo Hierosolymitanas illas diuitias, neq; in secunda  
religionum Italia, alibi quā Roma & Bononia collocatas; à Te  
velut septem mūdi miracula, ad septem Ecclesias Cracouiam dedu-  
ctas. Ipsa templa tam præclaris muneribus cumulata, quantum  
religiō-



EPISTOLA DEDICATORIA.

religionis per Te acceperint, augustiore in dies vultu & celebritate testatur. Sed in Episcopatu quicquid Tui muneris erat fecisti: in quo nonne interfuit patria, ut Episcopum Te haberet? vide quantum adhuc intersit, Episcopum Te tantum habeat, an etiā Senatorem. Non hoc dicam, quam Tu polleas prudentiā, consilio, auctoritate; quam sis magnus in literis; quam ardens in opere, firmus pro veritate, offensionū pro utilitate publica impavidus: omnes enim ista norūt quicunq; Te norunt. Illud vnum quomodo dicam cum VLADISLAVS Princeps, contra immanem barbarorum vim, fata omnium nostrum in acie versaret: cum SIGISMUNDO Regi eodem tēdenti, ubiq; cōclamaretur ad arma; hominibusq; urbes, vilia, vici, agri nudaretur. Quid? Sensisses te Cracovia Principem Polonia urbem? arcem insignium Regiorū, illiusq; Corona, quam tibi cōmissam, capiti Regio servare debuisti? cum Georgius Dux in Zbaras, Castellanus tuus, cum cohortibus & copiis suis, cum Rege adversus hostes processisset? cum Ioannes Comes in Teczyn Palatinus tuus, uniuersum nobilium robur, sub signa & vexilla euocasset? cum Gabriel Comes à Tarnow Capitaneus tuus, cum omnis equestris ordinis flos, viri, iuuetus, velut uno agmine Regem secuti, te desererent? Habuit Te solum SZLSCOWI Cracovia, qui dignitatis & salutis suae curam, sumptus & opibus Tuis cōtracto milite, libes susciperes, atq; ad sana deū, aras, focosq; eius, paludatus Pōtifex excubares. Irem nunc inter signa & cohortes Tuas, inter vota & acclamationes, quibus Te numerosa stipatum milite, totus excipiebat populus: nisi plausus ille hominum & Tua gloria, publico consecrata elogio, late iam per omnē memoriā inculcata iret, ceteris incitamento, ut quicunq; post Te futuri sint, Tui similes sint, Tuoq; exemplo, in senatoria libertate Emilia-num, in seruāda urbe Camillū, in suscipiendo discrimine Fabiū imitentur. Ego quoq; PRÆSVLLIVSTRISIME, in hoc operis mei introitu, imitatus illos, qui magnas urbes intrātes, primum sacras ades, & dicata Numini summo delubra adeūt; ad Te primum venio. Patere ō Antistes, primam hanc meam scētūrā, nouitio partu elucubratā, magnitudini Tue sacrare. Patere hoc laboris mei rudimentum, a fauoris Tui nutrimentis incrementum sumere. Sic enim & mihi, aduersus maligni liuoris incursus, robur: & quod aliis prestare soles, Historia mea a Te veniet Fama & Aeternitas.

Anno 1620.

IOANNIS INNOCENTII PETRICII  
HISTORIA  
BIENNIS  
RERVVM IN POLONIA GEST:

ANNO M. DC. XX. ET M. DC. XXI.



Historiae pretium fidemq; facere, posthumum rerum exitu plerisq; vñtatum. cum morte, dempto omni metu votoq;, amplius nulla maneat offensae aut adulationis merces. Sed sicut ingrata temporibus, vsq; dum neque falsi quid dicere, nec veri non dicere audeas, premere conuenit: ita reputando ea, quae hominum ingenijs exercentur, nec fallacius aliud, nec opinabilius, rerum gestarum traditione inuenio. Quippē alia modis alijs constant; fide solā, quae recesserunt: perinde obnoxia, si ad tempora faciunt, scribentium simulationi, si non faciunt, legentium obtreccationi. Nam & auctori, in ea quae conducunt, quaeq; non exprobrantur, promptior audacia; & de praeiteritis, cum nemo sequentium satis prudens, satisq; callidus sit, de vitijs virtutibusque, tantum alteri credit, quantum haec ipsa suis temporibus amat capitue. Iam verò multi, quod partibus & negotijs Reipublicae affuerunt, velut rerum certiores, se scribendo alijs anteposuerunt: hoc quoq; magis suspecti, quod magis apud Reges gratia peruigere, siue nimia, siue nulla. At mihi animus, quibus rebus alijs percellitur, maximè erectus est. Primum, quod priuato haec aliaque mala cum

Historia  
an post  
mortem  
auctoris  
certior?

An scri-  
pta ab ho-  
minibus  
in digni-  
tate con-  
stitutis,  
vel pri-  
uatis?

A

ambi-



ambitione defunt. Dein, etsi cogitationum, secretiorumque minùs peritus; casus tamen, euentusque rerù, qui haberi poterant, diligentissimè conquisiui: contentus, quod præcipuum scribentium munus est, temporum referre testimonium; si cui in obscura & inaccessa exactius conari, spretis quæ in summo patent, voluntas est, nulli intercludere arbitrium. Quanquam aliqui, ijs qui calliditatem aulæ forique non exercent, deesse subtilitatem putant: cum pleraque consiliorum, non apud unum coercita, multorum conscientia erumpunt; alia specioso obtentu velata, facta ipsa arguunt, & in multis haud semper errat fama. Liber, & mihi ipsi probatus, prouocor in publicum, inconsulto fortasse, sed honesto tamen, nonnullorum quæ hætenus pressi, editionis errore, ut præsentis præmoneantur ad gloriam. Ficta tamen falsaque effugi, sine veritatis detrimento: alibi, non nisi ingenio exemploque scribentium, bene facta lætiùs efferendo; alibi temporibus, malè facta cum auctoribus tacendo, obsecutus. Maserit isthæc, intra prima sæcula casta puraque, quibus in rectè faciendi, non obseruatorem, sed se quisque ipsum metuebat, eorumque sortem, qui talibus curam ingeniumque impedere, felicitas: cum crescentes opes factaque populi memorabantur pari eloquentia & libertate. Mihi in arcto & anxius labor, dum graue annis Regnum, prouecto cum vitijs æuo vitæque, & in ipso exordio, post Sex & Decem sæcula, Annum Vigessimum, statim cruentum accipio. Vt cunq; tamen ceciderit, mihi promptius fuerit, subire inuidia culpamque, quam tollere manum ab opere belloque, in cuius magnitudine & felicitate, attoniti adhuc animi gentium

Authoris  
propositum.

Fides in  
restricte  
libertate.

Argumentum.

gentium tenentur. Iram quoque hanc Numinis, quam vno tempore, alia felicia ac beata Regna & Imperia versantem iactantemque spectauimus, in nos etiam referre liceat. Nimirum, destinata fas non est cuiquam permutare: & ea plerumque periculosius affliguntur, quæ diu florere. Siue hoc nostrum fatum, seu vicissitudo rerum, & fatalis vel necessitas, vel poena fuit: dedimus profecto breuissimo tempore, grande huius varietatis ac inconstantia fortunæ exemplum; plurimi que paucis annis, qui solum è vitâ vnius hominis pro imperio eximi possunt, magnis bonis, magnisque malis superstitēs, vtraque tam citò affuisse effugisseque miramur. Quid enim sub imperio SIGISMUNDI Tertij amplius felicitatis adstruere nostro Regno fortuna potuit? Sub eius moderamine Hieremias & Simeon, Principes Valachorum, oblato vectigali in tutelam accepti. Exutus Rosuana Transylvanorum Dux exercitu, paloque suffixus. Liuania armis vindicata. Aditæ & fractæ, longinquitate secretæ, ac penè incognitæ gentes. Smolenscum Ciuitas, à Moschis ultra Ceterum annos, non bello sed prodicione nostris erepta, ædificijs aucta, & validissimo ingentis arcis præsidio munita, obsidione bienni, ab ipso vastata, & in potestatem redacta. Tota Moschovia victorijs peragrata: & captus Imperator Basilus Suiscius, cum Ioanne & Demetrio fratribus, ante eius solium procubuit. Seueria & Czernichouia, Moschorum Prouinciæ, à VLADISLAO Filio, Paterno iussu, exemploque, imperij nostri iugum acceperunt. Quin eiusdem Regis auspicio & fortunâ, vastata à Cosacis Turcarum Achilles, Techinia, Kozlouia, Orzakouia, Belgradum, Theodosia, Trapezuntium: &

Res sub  
SIGIS-  
MUNDO  
Rege ge-  
sta.

Prospe-  
ra.



super alia insignium vrbium excidia, Synopsis caput & regia Ponti, dū tempus mercatus, ditem alioquin vrbem, maiorum opum specie compleuerat, graui ruinā concidit. Iam Præcopum expugnatum. Sed & mare tentatum; in quo Ciculæ Bassæ filius victus, & occisus: alter item Bassa classe victa captus, & in vinculis mortuus. Territa Constantinopolis subitis armis, suburbiorum incendijs: incussa; sæpius Turcis Polonorum reuerentia. Ipse Turcarum Imperator Osmanus, totā suorum armorum viriumq; potētiā succinctus, iamq; limen propē Regni ingressus, fœdē pulsus fugatusq; est. Spretæ ferales gentibus lunæ: prostratæ formidatæ orbi aquilæ: magni terroris bellum, quotidiano auctu immensi exercitus horribile, mirā celeritate & virtute, intra duos menses compressum extinctumq; est. Sed hæc aliaq; ipso-  
*aduer-*  
*sa.*rum ciuium quoq; voto maiora, vt pronior fortuna dederat: ita aduersa, velut eadem reposcendo recipiendoque, ipsum insuper Regnum, vt Polonorum propē solueretur imperium, sub eodem Rege lacerauerat. Nihil postea perpetuum, nihil tranquillum, nihil immotum, nihil in antiquo statu fuit. Amissa breui quæ affectauimus: nec vlla inde vtilitas aut gloria māsit, nisi quod habita erant. Processum domi ad arma, ferrumq; à ciuib; strictum est. Fœcundissima Russiæ Podoliæq; ora, continuis & in nullā seculorum serie atrocioribus auditis, aliquot annis Tartarorum excursionibus attrita, & euastata est. Minor Polonia finitimorum excursionibus exterrita: Maior, hostiū à Silesiā transeuntium, pressa vestigio, lacerataq; est. Liuoniæ iniecta iterum manus, ademptaq; est. Prussia sui maris vorticibus circumacta, propēq; absorpta,

pta, amissis præclaris arcibus vrbibusque, opulenta portoria vectigaliaque, alteri trans mare concessit domino. & præter multiplices bellorum calamitates, erant quæ domi pacem contaminarent. Adeo  
*Nulla tam solida felicitas, in qua fortuna non utramq; paginam verset.*difficilis est magnæ fortunæ in excelsis mora: naturaliterq; ea citius recedunt, quæ celerrimè contigerūt. Sed vt tristitia omnia, omniumq; memorem ætatum bella, illud publicā voce dixisse habeo: Nihil inter potentissimorum hostium vim, dolos, inimicitias, inter variorum periculorum tempestates & procel-  
*Quid in Republi- ca Polona admirandum.*las, aduersum, etiam iratis fatis, plus in nos potuisse, quàm domesticam discordiam. Absit verbo inuidia: soli per mille & amplius annos, ad hanc vsq; diem in libertate, cui nihil simile aliæ gentes habent, incolu-  
*Annus 1620.*mes agimus: soli tanquam murus & fatale Christianorum munimentum, Turcarum furorem ab alijs gentibus in nobis sistimus auertimusque. Hic permultis decennijs duraturā Troiam, hic Thermopilas, hic quicquid ab Europā timere possint, & omne periculum habent.

Cæterum vt negotij mei initium, ordinem, finem accuratiùs edisserā: consilium mihi est ante pauca de Valachia, deinde Gratiano, causisq; belli præmittere.

**V**alachia, in duas nūc partes diuisa est. vtrāq; à meridie Danubium, ab occidente Transyluaniam con-  
*Valachia descriptio.*tingit. Quā versā in Septentrionem ad Tyram fluuiū, nostrarumq; terrarum cōfinia vergit, Moldauia dicitur. Fluuius Moldaua, modicus licet, ibidemque Sossauæ aquis emoriens, tamen in nomen terræ euasit. maiorq; pars eius Moldauia nominatur: nisi quā montes ab oriente procurrentes, vltra nomen hoc submo-



*Vetus ap-  
pellatio  
& liber-  
tas.*

*Initium  
& causa  
mutatio-  
nis eius  
discordia.*

*Stepha-  
nus tri-  
butariam  
promittit  
Casimiro  
Magno.  
Anno  
1359.*

*Et Vala-  
chia se spō-  
te tutela  
Polonorum  
tradunt.  
Anno  
1376.*

submouent, veteriq; appellatione ibi tantum. Valachia manet, quæ etiam nunc Transalpina vocatur. Nostris contra, propior pars Valachia, altera Moldauia dicitur. Cæterum tota hæc regio, antea libera, primum Daciæ, deinde Valachiæ nomen tenuit: internis postea diffidijs, plures dominos, mox appellationes, tandem seruitutem, accepit. Defuncto enim Stephano, primo post Bazaradum Principe, inter ambiguos quinam in imperium deligeretur, inclinari res Valachorum cœptæ. Neq; externus dominationi quærebatur, integrâ etiamnum Stephani domo, & superstitibus duobus filijs Stephano & Petro: sed quia popularium fauor ad Petrum inclinabat, qui alioquin audacia promptus, proxima quæq; corripiendo, apud turbidos potior habebatur. Pro Stephano, ius principum, mos patrius, & natura, vt natu maior succederet, stabat. præualuitque tamen. Petrus. Stephanus, quod vnum subsidium credebat, ad preces versus, vectigalem totam Valachiam promittens, à Casimiro Magno, Rege Poloniæ, perducere se ad patrium fastigium orat. Sed quamuis copijs eius refectus, ad gentile decus euaserat: diu tamen per aduersa conflictabatur. Nam Petrum ingenio violentum, super solitam fratribus inuidiam, amissi quoq; principatus pœnitentia, & secuta postea mors Casimiri, acrius in Stephanum agebat. Quâ occasione motæ aut accitæ Turcarum gentes, Bulgariam, Seruiâ, & quicquid à tergo erat occuparunt: adeò proximo periculo exterritis Valachis, vt spontè oblato perpetuo vectigali, iterum tutelæ se & patrocinio nostrorum darent. Multum id ipsis ad animos & gloriam profuit. Nam neq; à nostris tributorum magnitudine attriti, & Tur-

& Turcarum bellis celebres, alienâ fiduciâ, strenuè retinebant libertatem & virtutem. Discordes deinde, & domesticis factionibus fessi, dum dominationi implicatur, adducti sunt vt seruirent. Manebat quippe vetus adhuc inter succedentes de principatu dissensio: cui sæpius popularium fauor occasionem, & socios aut ministros barbarum, dabat. Hinc armorum initium, & è propinquo pars fortunæ Turcis. Nam dum illi per acies occupantur; hi in adnexa & vicina irrumpere, castella, vrbes corripere: haud multum etiam repugnantibus Valachis, tædio præsentium, & vbi successu destituebantur, propensione etiam in hostes. Sed Turcæ satis iam eorū opibus aucti, vsurpandi iuris gratiâ, & quia ad omnes euentus utilius id videbatur, partem Valachiæ quam nos Moldauiam vocamus, imposito nouo Principe distinguunt. in aliam quoq; animis viribusq; intenti: sed quæ etsi non perpetuò constans, neq; omnino aduersa, potentiam tamen nostrorum diu prætulit. Postquam verò Mahometi Secundo, Constantinopolis, & quicquid supererat Græciæ cessit, tunc demum & ipsa ad Turcas conuersa. Creuit ex eo acris contentio. Nam & Poloni, veteri iure Valachiam sibi asserebant: & Valachi innatâ mobilitate, arma nostrorum in Turcas prouocabant. Atq; sub regno nostro hucusq; Valachia esset, ni ipsi hos illosq; prout inualuerant, vel pro libertate fouere assueti, tædij remedium, flagitiosâ apud vtrosq; perfidiâ, quæssissent. Ad extremum, quia nostris pretium bellorum & sanguinis, non nisi eorum perfidia erat, segnius exinde publicis opibus adiuuabantur. Nobilium multi, ius Regni priuatis viribus sæpè vindicarunt: si perinde postea firma fuisset gēti fides,

*Rursus in  
factiones  
diuisi.*

*Occasione  
Turcis oc-  
cupandæ  
Valachiæ  
Transal-  
pinæ:*

*Nec multo  
post vsur-  
pandæ  
dederunt.*

*Alterâ  
Valachiâ  
nō omni-  
no cōstans*

*Vtq; ad  
Mahome-  
tem, Po-  
lonorum  
amiciti-  
am præ-  
tulit.*

*Inde nen-  
tra fida.*

*Et à Polo-  
nis ob fra-  
quentem  
perfidiâ  
relicta.*



*Turcarū  
imperio  
concessit.*

*Turcarū  
in dandis  
Principi-  
bus mos.*

*Valachis  
Gasparus  
Gratianus  
propositus.*

fides, quàm nostris ex eius cōpressione tantum glo-  
ria. Ita publica quies, Turcis in occasionem vsurpā-  
dæ Valachiæ cessit. Mox sublata etiam libertate, im-  
positi Principes, non ex nobilissimis populariū, aut  
gente Turcicā, sed vndecunq; oblatis, viles, obarati,  
quandoq; pudendā origine vel seruitio. Neq; id ge-  
nus despectum apud Turcas, vltroq; tales honoribus  
appetuntur; quia ex vilissimis minus periculi: multi  
vt degeneris animi notam interpretantur. Sed maxi-  
mè Christianis, qui in ritus eorum transgrediuntur,  
ad alta aditus. His prouinciæ, decora militiæ, curæ-  
que imperij decernuntur: Turcis, non regimen, non  
dignitas patet. maius pretium est alibi nasci, & in  
Christum periurum esse. Valachis tamen, velut so-  
lacio, Princeps Christianus imponebatur. & hoc tē-  
pore, Gasparus Gratianus præerat. De cuius origi-  
ne, fortunā, & quia nostri belli pars magna fuit, pau-  
cis quoque expediam.

*A fratre  
Constantinopolim  
trahendus.*

*Negotia-  
tione pre-  
tiosorum  
lapillorum  
sustenta-  
batur.*

*Inde in  
Italiam  
delatus.*

Germanus is erat (quamuis aliam ferri, de nata-  
libus eius famam, haud sum ignarus) Græcij in Styria  
natus. Causa illi mutandæ terræ, domestica pauper-  
tas, & frater natus grandior fuit. Nam is cōmendarū  
gemmarum gratiā Constantinopolim profectus, vbi  
negotiatio prouenerat, sede quoq; ibidem firmatā,  
Gratianum admodum iuuenem eō transtulit. Illic  
in ministerio fratris adultus, mox mutando merces,  
terras & principes obibat. Auctæ hoc modo opes,  
& hæc ipsa diuagatio, breui ad non suæ spei & origi-  
nis nomen, inopinum extulerunt. Quippe delatus in  
Italiam, cum venundatis Principi Hetruriæ pretioso-  
rum lapillorum mercibus, rēditū Constantinopo-  
lim pararet, nouo quæstui redimendorum Turcarū,  
qui tunc

qui tunc captiui Liburni habebantur, animū adiecit.  
Delectu ergo ex nomine & conditione facto, ad  
octoginta circiter naui imponit, ac Constantinopo-  
lim reuehit. Vbi eō appulit, & hæc Turcis nunciata  
sunt; confestim omnes concurrere: complere portus  
& littora: alius liberos, parētes, fratres, propinquos,  
sciscitari aut noscitare: alius illuuiem & squalorē re-  
uecti cœtus mirari: quisq; vt erat nouitate rei percitus  
in obuium, ille in plures cumulatā admiratione spar-  
gere: velut insolita Christiani ea propētio in Turcas,  
& non lucris studium fuisset. Mox diffusus totā ciuita-  
re rumor, amplissimum homini præmium tulit. Ac-  
cerditum enim Achomates Cæsar, quod fidū sibi pu-  
taret virum, Ducatu primò Naxiæ & Bissacensi exce-  
pit: postea imperatā legatione, ad Matthiam Christia-  
norum Imperatorem, quia ex voto perfecerat, rede-  
untem Valachiā auxit. & accipere Valachi læti, vt  
fermè ad noua imperia.

At Gratianus sublimis licet potentiā; sæpè tamen  
pristinam conditionem, inter insperatas felicitates  
recognoscens, suspectas fortunæ blanditias, & Tur-  
carum beneuolentiam habebat. ideoque dominandi  
ambiguus, palam prouinciam, clam verò ingentes  
opes curabat. Prouiderat nempe Turcarum breues  
& infauustos fauores, amicitiam aliquandiu prosperā,  
nunquam securam. Valachorum vt leuia ita infida in-  
genia, potentiam inuidiæ, odioq; ambiētium, obno-  
xiam. Nec defuit suspicioni credulitas: dum multi  
Turcarum, velut in satellitium illi additi, nuncios, in-  
troitus, aperta, secreta, scrutarentur. Quapropter  
perinde Turcarum fauori, quàm fidei Valachorum,  
diffusus; diu meditata consilia, in alterutram callidita-  
tem in-

*Turcas ca-  
ptiuos re-  
dimis.*

*Constan-  
tinopolim  
reuehit.*

*Hinc Tur-  
carum  
admira-  
tione.*

*Et Cæsa-  
ris fauore,*

*Ducatus  
Naxiæ  
& Bissa-  
censem  
adeptus.*

*Sed Gra-  
titanus  
ambiguus  
dominandi,*

*Opes tan-  
tū pa-  
rabat.*

*Deinde  
suspecta  
Turcarū  
& Vala-  
chorum  
fide,*



*Tutiorē  
rebellio-  
ne poten-  
tiam spe-  
rans,*

*Valachia  
Polonia  
tradere  
medita-  
tur.*

*Digressio  
ad causas  
belli.*

*Valachia  
à Turcis  
possideri  
agere Po-  
lona patie-  
bantur.*

*Aliquorū  
illic egre-  
gia faci-  
nora.*

*Dux Co-  
recius pri-  
uata ar-  
ma in Va-  
lachiam  
infert.  
Prospera  
diu for-  
tuna.*

tem intendebat; ut aut opes, quas traditā prouinciā pepererat, aliō transferret, aut Valachiā Turcarum potestati deductā, firmiorem sibi potentiā per nouum patrocinium & rebellionem faceret. Cupiditate partē dominationis, ad retinendam prouinciā flexit: si præsētia minūs prouenissent, faciliōri potestā curā opibus, quā dignitati consulturus. Igitur quod prācipuum videbatur, ut Turcarum potentiā aliam opponeret, in partes nostrorū se transdere parat. Hoc enim pacto, & faciliores Valachorum animos, si in veteres dominos adduceret, putabat; & ex oblatā vltro Valachiā, captata apud omnes gratia, exasperatā; inuicem Turcarum & nostrorum odia, prōpta & prospera quāq; illi apud nos pollicebātur.

Sed quia bellum, omniū quæ cū Turca gesta sunt, maximē memorabile dicturi sumus; res adhuc admonet, ut primordia causāq; eius altius or si aperiāmus.

Quamuis enim publicē à nostris negligebatur Valachia; varios tamen motus, à Turcis possessā, apud populum, apud legiones, apud primores ciebat: etiā quibus negligēda videbatur, tamē indignabantur inter prouincias Turcarū, Valachiā tot annis à nostris habitā numerari darique.

*Vbi illam gloriam Tarnouio-  
rum, Seniauiorum, Lasciorum, Vifnenciorum, Zamosciorum,  
impositos arbitrio Turcico, hostiumq; artibus infectos principes, ex-  
turbantium?* Neque deinceps fortium virorum animi teneri poterant: utpote qui libertatem & æmulationem amabāt; coercitionem, ut speciē seruitutis, ode- rant.

Quin non multō post Samuel Dux Corecius, usurpato exemplo, ope priuatā, infectos in Valachiā exercitus inferebat, graui rabie & dolore Achromatis Cæsaris. Magnis enim prælijs sæpē & feliciter

congres-

congressus, exercitus eius clade ingenti excipiebāt delectatque. Nec dubium habebatur, si à nostris adiutus fuisset, & resumi Valachiam, & ipsum non capi potuisse. Quod contrā factum, spem quoq; & audaciā Turcis in nos præbuit, cū fatali ipsius alteriusque qui idem tentauerat casu, velut illā cunctos complexi victoriā, animum etiā potiundi nostri assumerent. Nam non multō post alius, priuatim quoq; collectus, in Valachiamq; inductus exercitus, iniquitate fortunæ, ad fluuium Dziezam circumuentus, syluis, paludibus, insidijs inclusus, ut ne pugnandi occasione quantū voluerat haberet, penē ad internecionem trucidatus est. Inuitabat præter hæc Turcas, Regnū accessu facile, nullis montibus clausum; gens laborū tolerans, multæ solertiæ, bello strenua, ac si discordia, cæteraq; libertatis vitia abessent, prorsus inuicta. Versabatur & ante oculos, terra immensis diffusa spatijs, in eaq; copia sulphuris, nitri, plumbi, æris, ferri, argenti, nerui & instrumenta bellorum; vbertas frumenti, numerus equorum pecorumque, ac omnium vtenfilium, haud minūs magnifica, quā opulentis etiam terris reperiri sueta. Impellebat adhæc auidos religio, quā votiū obligatoq; exscindendorum Christianorum odio imbui dicuntur, & insana persuasio, aliquando fore, ut soli totius orbis potiantur: tum verò utrāq; fortunā, velut signo & omine à Dijs ad proferendum imperium accepto, in nos intenti. Cæterum quia restincto priuatorum bello, causa illis in publicum minūs suppetebat: ad antiqua reuoluti, Cosacorum incursiones obtendebant.

Duo horum summa nomina, Donensium & Zaporouiensium. Lissouientes enim falsō ad Cosacos ab ali-

*Demum  
insausio  
euentu.*

*Qua vi-  
ctoria sub-  
liti Tur-  
ce,*

*Et alia  
ad Dzie-  
zam flu-  
uium,*

*Bellum  
Regno  
Polonia  
inferre  
meditan-  
tur.*

*Sed quia  
iusta cau-  
sa deerat,  
Cosacorū  
incursio-  
nes obten-  
dunt.*

*Cosacorū  
genera.  
Lissoui-  
enses.*



*Eorum  
origo.*

*Quam  
vnde Hi-  
stor: Mo-  
schouiti-  
earum,  
lib. 3.*

*Donenses.*

ab aliquibus transferuntur, quamuis leuitate armorū, pernitateq; in bellis, ipsis similes agunt. Quippè legionarij sunt nostri milites; morem tantum belligeradi, duce Lissouio, bello Moschouitico secuti, eundem nullā prorsus sede, cum auctoris adhuc nomine tenent. Propria horum velocitas & audacia. ad quæ Lissouius eos mirè exercuit. Mora fuit apud eum & lassitudo formidata: in auiāq; & remota progressis, si quis obhæsisset, ne index ubi alij versarentur existeret, necatus relinquebatur. Quærere pontes vadaq; illicitum: prout vsus aut necessitas inciderat, in altū se immittere nihil trepidanti animo, & transnatare profunda equo, aut eodem amne gurgitibusue mergi necesse erat. Rectius tamen hos Velites; Donenses Zaporouienfēsq; Cosacos dixeris. Vtriq; horū, partem terræ velut ad stipendium obtinent; nō legibus, non Regibus obnoxij: solā reuerētiā exceptā, quam pro bellis tātum & acie exhibent, in limite expositi, & periculi vsu in pericula prompti parētesque, simul præferentes disciplinam bellicam, & prædonum audaciam. Donensibus, qui sub Moschis sunt, Don fluvius, Latine Tanais, sedem & causam cognominis dedit. Zaporouienfium idem situs & origo, quā Borystheni propè finis est. Vastā illic omnia, continuisq; ac velut sine fine campis deserta regio. vulgus agrestium, ex circumiectis Kijouia locis collectum, illuc transgressi, in nomen Cosacorum coaluit. Neq; verò illud arandæ exercendæue terræ, alioquin fertilis, studium eò induxit: sed prædarum ex hoste dulcedo, & ut quæcunq; circum iacent, vastata tamen & deserta essent. Tartari enim per solitudines vagari soliti, coniuges iam cum liberis armentisq; illuc, velut in negle-

cta, pro-

cta, promouebant. Hinc Cosacis materia raptus & gloriæ: iamque ad proximos, iā longius, clarescēdo, velut apertā terrā & licentiā, ingens ad eos cōcursus; non multitudinis modo, sed Nobilium etiam, quos exercendæ rei militaris studium eodem trāsferēbat; aliorum, quos necessitas aut scelus patriā exigebat. Neq; illuc venientes, vrbes aut recta receptabant; sed vacuas solitudines æstate pererrando, hyeme rursum domos quisq; suas, aut adiectos Kiouia vicos repetebat. Stephanus Battorius Rex Poloniae, donatā ipsis ciuitate Terehtimrouia, quinquaginta eos millibus passuum, à Kiouia sciunxit. Ipsi deinde sponte in vltiora promoti, cum vndiq; Tartaros submouissent, Borysthenis insulas occuparunt. Id subsidium illis aduersum fortuita, & occasio asuescendi ad officia nualium erat. Præcipua insularum Tomakovvka, in qua genti radix est: nam alias, quāuis amæniores, sæpè tamen, deseruerunt. illic medio amni positæ tantum mapalibus habitant, pauci ob loci angustiam, sed incultu vrbium horridi, & quia periculis sepositi, cæteris ferociores. multitudo alia, quæ in dies crescit, latè per nostra oppida dispergitur. ubi quid subitum, aut in hostes excurrere illis consultum, datā reserā eodem confluit. Otio, iterum suas quisque sedes reperit. fortissimi & bellicosissimi, Tomakovvkam regrediuntur. Placet talibus locus, ubi Turcarum Tartarorumque imperijs appositi, promptius clarescunt; ipso etiam periculoso aditu, velut à similitudine & inertia aliorum amoti. Nam Borysthenes, quāuis diu præceps sæuisq; decurrit, tamen obuius ipsorum insulæ, quā inter aspera rupium hinc atq; illinc presso eundem est, ingenti fragore ex alto decidit,

B 3

& con-

*Cum Tar-  
taris pra-  
lia.*

*Ciuitas  
Terehti-  
mirouia.  
Insulas  
Borysthe-  
nis occu-  
pant.*

*Inter in-  
sulas To-  
makovka*

*illic positi  
mapalibus  
habitant.*

*Ceteri  
per oppi-  
da disper-  
guntur.*

*Borysthe-  
nis Cata-  
racta.*



& continenter montibus aliquot deiectus, aquisque semper è sublimi pendentibus, feruens adhuc & sonans, derelicto ad dextram alvei Corcitza oppido, virtute quondam & sede Visneuecij celebri, mox Tomakovvca insulæ aduoluitur, nomenq; deruptorum & præcipitiûm, quæ euaserat ad Cosacos transfert. Illa enim Latine Cataractæ, nostris à similitudine liminum, vt quæ nouem, velut gradus, per ordinē posita videas, Porohi dicuntur. Hinc quod ultra est, 3â porohi: vnde & Cosaci Zaporouientes denominantur. Mutant tamen subinde id nomen: & Nisouientes, sed ex re vocantur. Nam terra, apparens illic depressior, ex decliui fluminis decursu, Nis dicitur. quamuis non omiserim, ob eandem causam Voliniâ vltiorem, per quam Cosaci diffunduntur, Nis quoque à plerisq; vocari. Hæc de origine & sedibus Cosacorum celeberrima. Cæterum quod in turba mirere, multum iam inter eos, disciplinæ & solertiæ videas: per vexilla & turmas cõponi, præponere fortissimos, audire præfectos, nosse ordines, intelligere occasiones, suas leges, suos magistratus habere. Ad id tamen adduci non possunt, vt agros colant, solum conserant, sepiant, rigent. quicquid prælio partum, & sua cuique manus, necessitatibus subuenit. Iners quippe videtur, cû terrâ in annum contendere, quod alicunde possis citò sanguine parare. Quapropter crebræ illis in Pontum excursions, ob faciles appulsus, aliaq; ad irrumpendum opportuna. nam Borysthenes ab insula quam colunt, vix centum millibus passuum amotus, illic affunditur, mariq; miscetur.

Sed Cosaci paruo Turcarum damno, diu mari se tenebant: donec continuis eorum apud nos expostulationi-

Porohi.

Zaporouientes ali-  
quando  
Nisouien-  
tes vocan-  
tur.  
Volinia  
vltior  
Nis dici-  
tur.  
Cosacorum  
discipli-  
na.

Excursi-  
ones in  
Pontum.

Recurfus  
ad causas  
belli.

lationibus, & nostrorum metu irritati, quantò magis exitio deposcebantur, tantò acrius in aperta quoque & vrbes eorum effunderentur. Et Turcæ, siue ad tol-  
lendos Cosacos, promptius nos iniuriâ impulsuri, si-  
ue lacerando prouincias validius pro tempore bellû  
seruaturi, Tartaros quoq; immittebant: eorumque  
turmis immixti, non furtim vt ante, sed palam popu-  
labantur Russiam. Hinc nostrorum questus, mox  
ira, & vt aliquibus videbatur, remedium non nisi ex  
bello. sed non temerè illud mouendum, & omnia,  
iure prius secûdum pacta Sigismundi Primi, cum So-  
lymano Turcarum Imperatore inita, experienda: ea  
sententia vincebat. Ergo mittebantur nuntij, fœdus  
& amicitiam memoraturi, irrito tamen conatu; cû  
verbis benigna referrentur, re autem vetera conti-  
nuarentur. Et vbi Achomates vitâ concessit, impe-  
riumq; Turcarum ad Osmanum filium vix puberem  
translatum, missus ad instauranda pacta Petrus Ozga,  
Præses Trebovvlensis, spem quoq; pacis, re perinde  
excursions bellumq; retulit. Iamq; in arma nostri  
inclinabât, ni Turcæ diluendis prolatandisq; damnis  
callidi, vt super controuersias incursionum a Cosacis  
illatarum, quæ videbantur Tartarorum insolentiæ  
patefacere in Poloniam causam foresq; Cõmissa-  
rij decernerentur expetendo, multos spe quietis at-  
tinuissent.

Profecti igitur, è nostris, generalis exercituum  
Imperator Stanislaus Zolkuius; è parte Turcarum  
Skinder-Bassa: (id erat Dalmatæ nomen, & honor  
perfidia) iustâ vterq; manu, ad Bussam conuenerunt.  
Ibi Turcæ, audaciam Cosacorum cõqueri, vetera no-  
uaque damna adducere; simul percensere numerum  
oppido-

Turcæ  
Poloni-  
grauis.

Tartaros  
immitte-  
bant.

Polonos  
de iniu-  
rijs expo-  
stulantes.

per mul-  
tos & Pe-  
trum O-  
zga, Pra-  
fectum  
Trebovl-  
se, lega-  
tum,  
Excusa-  
tionibus  
aut dila-  
tionibus  
ducebat.

Recupe-  
ratorius  
cum Tur-  
cis conue-  
tus ad  
Bussam,  
vulgò Cõ-  
missa.  
Illic Tur-  
cæ multa



oppida ut  
dicerentur,  
postea  
laet:  
Sed Polo-  
nia ab au-  
entibus.

Ad unū  
oppidum  
nomine  
Bersada,  
cōtrauer-  
sa denot-  
uitur.

Ille pro-  
pter Bas-  
iliū Bos-  
clarum  
Turcarū  
& Tar-  
tarorum  
victorijs.

Poloni  
quietem  
bello pre-  
ponentes,  
ad id da-  
mū in-  
citant.  
Sed quia  
opacum  
Ducis in  
Zbaras e-  
rit:  
Ambigui  
responsio-  
nis, a Ge-  
orgio  
Ducem  
mittunt.

oppidorum. quæ quamvis essent nostra, tamen, ut Cosacorum receptacula, dirui volebant. Aduersum quæ Poloni obstinati, cum resolueret hoc facto vim imperij, totq; oppida alieno arbitrio donum dare abnuerent: mox proferuntur à Skinder-Bassa sui Imperatoris literæ. quibus ni Bersada oppidū cis Axia- cen, vulgò paruum Borysthenem, situm tolleretur, abire incæpto iuebantur. Ergo in id vnum, omissis alijs, Turcæ incumbunt. nec quia tutos se in posterum hoc damno sperarēt, sed in fensū oppido, præfecti claritudine, & proprio dedecore. Nam Basilus Bosly, strenuus militiæ, acribusq; in ea ministerijs præfectu- ram Bersadæ adeptus, crebris illinc aduersum Turcas & Tartaros excursionibus oppidanos assuefecerat: nec multò antè, cognatum Præsidis superstitionum. Turcicarum comprehensum, in vinculis tenuerat. Nostri in ancipiti, periculosam facilitatem, infectam pacem, siue omnia, siue nihil, Turcis concederēt, re- putantes: tamen velut tutius per detrimentum, quam per bellum pax conficeretur, in oppidi vnus iacturā haud grauātē consentiebant. Sed vnus metus omnes tenebat, ne aliena largirentur: Ducesq; in Zbaras, quorum id oppidum erat, ne sese opponerent vere- bantur. Postremò à Zolkeuio Imperatore, vni ex primoribus negotium datum, qui Georgio Duci in Zbaras, Incisori tunc Regni, postulationem Turca- rum referret. Nam neq; vlli ius in priuata cuiusquam bona erat: & opportunè tum Georgius cum tribus millibus militum suorum in castris aderat. Haud du- bium statim Duci videbatur, hac conditione tentari patientiam nostram, & ex vno aliud peti. sed auitæ magnanimitatis memòr, & quicquid publicè salutare non es-

non esset, priuatim non suū existimans. Ne dijs fuerint, respondit, ut per me vestra & Reipublica pax distineatur. de- feram mox in planum Bersadam. patria illic causā & curā vaca- bit. Inter hæc citatim præmissus Piascouius, ac intra viginti quatuor horas, quinquaginta millia passuum emensus, Bersadam aduolat. oppidanos persuasione aduentantis hostis territos, ut in tutiora sese recipiāt permouet. ac raptim quibus quisq; poterat elatis, noctu, ut iustum erat, per idoneos & secreti conscios, ab aliquot locis, oppido faces iniici iubet. Tum vbi publica priuataq; in igne consedisce certum fuit, sub- ditus Turcisq; relatus rumor, quo fortuitum oppidi incendium ad simulabatur. Quam ad rem missi à Skinder-Bassa exploratores, cum ex ignis violentiā, cinerēs tantum & vacuum campum remansisse nun- tiaissent, tandem velut fortuitus euentus controuersi- am sustulisset, de pace tractari cœptum. Cæterum De pace  
vltimum  
tractant.  
populo ex oppido illo exturbato & profugo, alius locus à Ducibus in Zbaras datus: in quo subitis ædi-  
ficijs exstructis, deducta noua colonia: quæ ab eius  
loci fluuio Bobroua etiamnum dicitur. Ita vnus Du-  
cis, priuati dispendij contemptoris magnanimitate,  
nec malè inopi multitudini, & egregiè omnium vo-  
luntati consultum: qui magnus animo, nec minor  
hoc facto, quam ex victoria triumpho, æternum ma-  
gnanimitatis suæ exemplar dedit. quippe seipsum vi-  
cit, nec modò patriæ oppidum, sed & hosti affectum  
donauit. ne respectu quidem potentiæ suæ motus, in  
se potius, quos in hostem portauerat, effudit spiritus.  
Sed facilius adhuc à Turcis dissimulabatur bellum,  
quàm odium. Sub idem enim tempus, aliam arcem  
oppidumq; nomine Raskovv, Ducum in Ostrog, ad  
Tyram

Eius ma-  
gnanimitatis  
responsio  
& assu-  
natio,  
Præmit-  
tit Pia-  
scouium.

Vi oppi-  
dum ma-  
nu sua  
excitat.

Turca  
credunt  
fortuito  
haussum.

Bobroua  
noua colo-  
nia, popu-  
lo extur-  
bato, de-  
ducitur.

Eodem  
tempore  
Tartari  
Raskovv



*oppidum, Ducum in Ostrag, vastant. Vanè, excusant tamen.* Tyram situm, subitâ Tartarorum violentiâ vastârūt : vanâ apud nos excusatione ; cùm insolentem semper Scytharum gentem, etiam si summâ seueritate regatur, in rapinas corruptam dicerent. Neq; adhuc duorum, nō ignobilium armis bellicoq; apparatu, oppidorum excidio contenti, Cosacorum tamen iniurias, vt armis persequeremur, instabant ; callido & dolooso consilio, quos si nostri asperâssent, illi promissis à Cæsare premijs libertateque, ad defectionem deinde in nos vertere, occultis literis, vt postea innotuit, conabantur. Sed Zolkeuius quantum è Republica peteretur haud ignarus, corripuisse tantum & ostendisse arma satis ratus, vltra non institit.

*Quo Cosaci exacerbati, Turcarum prouincias acriter infestant.* Ex eo auctæ Cosacis in Turcas iræ : quas præterquam castigatio imperatoris, & vulgata de excidio suo fama, fides etiam propè visi exercitus accendebat. Inde non portus modò & proxima maris, sed interiora vrbesq; Turcarum penetrare, premere, excindere, cuncta incendijs, cæde, sanguine complere.

*Ante-urbia Constantinopolis incendunt.* quin non multò post suggesti Constantinopolim, Cæsarem venationi intentum trepidumque, fugâ intra mænia compulerunt, accensis circum vicis suburbijque. quæ omnia tunc forte præsentis, ac velut per ludibrium, super firmanda fœdera missis nostrorum legato Orfinouio, à Turcis è propugnaculis mōstrabantur. Ita flagrantior quoq; Tartarorum vis. Hic florētissimum Russiæ latus, infestis armis tenebatur, vrebatur : illic opulentæ Turcarum prouinciæ & vrbes excisæ, soloque æquatæ, à Cosacis, nostris iniurijs rependebantur.

*Alterro superatorem con-* Atq; cùm vetera vtrinq; redirent, iterum Zolkeuius postulatus à Turcis arbiter controuerfiarum, insigni

signi non militum modò, sed etiam procerum manu, ad Orininū haud procul Cameneco, statua agebat. vbi cùm à Tartaris insolenti accursu turbaretur, repulisse propiùs suggestos contentus, eodem quo antea consiliorum tenore, vt pacē seruaret aut haberet, graui edicto, nè quis abeuntes insequeretur, omnes tenuit. Hinc in eum odia, & multorum suspicio, tanquam corrumperet victoriam: ipso etiam hoste, quotics Russiam popularetur, (bonis eius, notâ arte, intactis relictis) suspicione eum maiori onerante. quâ ille pressus, antea nec ausus, nec vt in tempore memorabo, ad vltimum satis cūctatus erat. Interea per Bohemiam, Vngariam, & iuxta sitas Prouincias, in suum dominum feruebant bellâ : commodâ Turcis occasione, velut citiùs, dum alij occuparentur, cum nostris patrari bellum posset. Et rebellum quoq; legati Constantinopoli tunc degentes, propriâ causâ Osmanum Cæsarem stimulabant, haud perinde formidoloso sibi futuro Germanorum Imperatore Ferdinando, si nostri per acies distinerentur. Ita intentam iam diu in bellum Cæsaris curam, insuper in iniuriam perpullerunt, vt is repulso ab vrbe cum Regijs literis Orfinouio, ius etiam hostium, sacra legationis, & fas gentium temerarit.

Hic rerum nostrarum status, ad Annum Millefimum Sexcentesimum Vigesimalum, cum Turcis erat; qui Gratiano (ad quem redeo) spem vt nouandis rebus anxiam, ita audenti paratam, monstrabat. Sed ne intentatis popularium animis, nostros frustra turbaret, ad concilianda primùm Valachorum studia conuertitur. & vt erat exercito per mercaturas ingenio, maiori dehinc in omnes beneuolentiâ agere, comi-

*uetus ad Orininū.*

*Tartarorum intoleranda insolentia.*

*Zolkeuius iram Polonorum moderatur. Assus huius.*

*Rebelliū legati, Osmanum Cæsarem aduersus Polonos impellunt.*

*Et ipse aperte fecit violat.*

*Regressus ad Gratianum.*

*Gratiano publicolam induit.*



tatem facilitarēque, grata barbaris, vsurpare, nobiliores cultiori in honore habere, iamq; cum primorib<sup>9</sup> secretò, iam palam apud mobilissimum quēque, ambiguē de Turca differere. quandoq; duritiem imperij, pudendamq; seruitutem exprobrando, alios spe, alios gratiā, omnes factionibus impellere; nihilque turbamenti quò aut ambiguos illiceret, aut pròptos firmaret, omittere: vt iam appareret, eū socios quārere & partes. Neq; verò fugiebant ista Turcas, qui circumdata Gratiano, specie honoris, validiori quā antea suorum manu: apertiore famā, verba, vultum, tacitum etiā, murmur, Constantinopolim, aucta omnia, ac velut in annales excepta, transmittēbant.

*Gratiano  
Polonos  
ad recupe-  
randam  
Valachia  
stimulat.*

At ille quātò acriora in se Turcarū odia, & auersā Cæsaris volūtatem tacitis nuntijs persenserat: tantò celerando quod cōceperat intentior, offerre nostris Valachiam, instare, prācipuos quosq; exstimulare: *Irent aduersus terrarum ereptores. reciperent suam quondam Pro-  
vinciam, aequitate quā bello, causa quā armis. adesse sibi, si ne-  
cesse fuerit, robur equitum, arma, viros, fidem partium: nec defu-  
turas Valachorum cohortes, seq; in omnia promptum, seu ducem,  
seu exinde militem mallent.* Monebat simul necessitatis, vastitatem Podoliæ, Russiæ, notaq; lugubrium cladi-um nomina sæpius referens: innuebat meliorem esse belli, quā quietis causam; & vbi suspecta pax, tutius bellum. tum ne vltra talia per desidiā expectēt aut patiantur, adhortabatur. Et nostros quidem his & similibus, ad spem repetendæ dominationis erigebat: ipse autem, quamuis Valachorum comparata antea teneret studia: subinde tamen aduersa reputans, metu, spe, ratione, interdū fluctuabat. Versabatur enim ante oculos, Turcarum intentum in se odium & sup-

*Adhuc  
tamen  
anxius.*

plcium,

plicium, fama crebris exploratorum rumoribus in- dies fecundior, fauor Valachorum nunc promptus, in periculo fortē languidus & fortuna ipsa, prosperis non ampliora promittens, aduersis nihil medium, sed extrema & prācipitia minabatur.

Tandem, quod in factionibus securius succedere solet, vno crimine vniuersos obstringere, firmioresque ex conscientia reddere, parat. Neq; id ipsi in ar- duo fuit, apud gentem pridem ambiguam, tū quoq; tributis & iniurijs Turcarum grauius quā bello cō- flictantem. Nam initio Mahometes modicum tribu- tum Valachis, duo tantum aureorum millia iusserat: mox auctum in annos, & sexaginta millium, vsq; ad luoniam eorum Principē, secutis Cæsaribus nume- rabatur. Facta posthac contra eum Selymo Cæsari per Principem Transalpinæ Valachia, si Petrus fra- ter dominationis potiretur licitatione, immensum excreuerat: duplicatusq; numerus, centū viginti mil- lia aureorum, singulis annis ærario inferebatur. Nunc sublata ista, & quo nihil atrocius, auaritia in crudeli- tatem versa, quæ iure exigere non possunt, rapiuntur. non modus, non tempus exactionibus statum: sed li- bido tantum Cæsaris, & Principi quod iubetur dandi necessitas. Vnde miseranda vbiq; rerū facies. dispo- siti à Principibus exploratores, qui in opes cuiusque intenti, locupletissimos corripere, fortunis euolue- re, rapere, spoliare, non sacro, non profano abstinere, sed cuncta in fiscū cogere, nulla miseratione Prin- cipum, vtpotē exterorum, & quibus, pro retinendā dominatione, ista est apud Turcas necessitas.

Ergo postquam his recensendis Gratianus Vala- chos commouerat, audentiū onerando, vetus etiam

*Valachos  
in consci-  
entiam  
& rebel-  
lionem  
trahit.*

*Tributa  
Valacho-  
rum sub  
Mahome-  
te II.*

*Sub Sely-  
mo.*

*Nunc  
quomodo  
exigun-  
tur.*

*Gratiano  
transitio-  
nem ad*



Polonos  
suadet.

transicionis ad nostros consilium perficit. moxque æqua à Polonis semper imperata tributa, veterē amicitiam, rata pācta, constantem fidem, aliāq; conciliādo assensu opportuna memorando, tandem redintegranda ista suadet. Nec idē, inquit, quasi minor sibi ad depellendum Turcarum iugum, in Valachorum virtute & armis esset fiducia: verū posse optata, nullo domestico damno, externo periculo peragi. Nam si Polonorum aduersum Turcam necessitatem, tot Tartarorum incursionibus, seruitia, ingenua, plebes raptim abactas, aliāq; scelera ob pernecitatem inulta astiment: belandum quoq; illis aut vetera toleranda. at dum Poloni arma sumerent, posse Valachos quietos in pralio, securos in periculo, postremo si pugna placeret, bellatores etiam in acie agere. Interea arma fortunamq; in integro tenerent, libertatem alienis potius telis manibusq; quam proprio casu alēāq; tentarent. Visuros breui à Polonis reueratam Seruiam, Bulgariam, impulsasq; Turcarum vires. Iunabit inde, aut securā libertate in otio frui, aut armatos vestigiis vincientium insistere. His & talibus alliciebantur Valachi, ut concupiscerent magis quæ suaderentur, quam quod in rem esset cernerent. quippe nostros statim interiora rectaq; in Græciam aduersum Turcam pergere, exercitum Danubium transgressurum fingeāt credebantque. neq; aliā falsi verique curā, tanquam cunctari seruire, properare audendo regium foret, vulgi more post aliud aliud, quasi prudentiorem, secuti, obstricti mutuo fœdere, in consilium verbaque Principis iurauere, eō audentiū, quō plus fidei afferebat falsa Gratiani miseratio, atq; gratior videbatur Princeps ipse, culpæ vel gloriæ auctor sociusque.

Osmanum  
in eum,  
& Polonos,  
Stis-  
der. Bas-  
sam mut-  
at.

Vix paucis diebus, silentio pressam conspirationem, excepit confestim fama, statimque Osmano Turcarum Cæsari tulit. is accitum Skinder-Bassam, ire properē, ferreq; in Polonos bellum, & Gratianū restri-

restrictum vinculis ad supplicium Cōstantinopolim retrahere iubet. At Skinder-Bassa, dum colligit copias, aduocat itineri milites comitesq; (nam & Gratianus aduersus pericula cautus, & Valachi fauore Principis imbuti, velut nouo bello aggrediendi videbantur) opportunum Gratiano persequendarum rerum tempus & occasionem dedit.

Is enim, cum simulatā in nostros propensione, Tartarorum incursiones ante sæpius nuntiaret: tum quoq; velut imminentem apparatus indicio præueniret, continuus incitandis vocandisq; in Valachiam Polonis instare. *Ecquid adhuc cernerent, à Turca sperari semper pacem, haberi non nisi armis & pralio posse? quanquam quid pacem? cum tot populationibus, continuum bellum, captaq; pridem Russia videatur? Harerent sanè quieti: sequuturam tamen necessitatem pugnandi quam fugerent.* Inde Turcarum consilia, constans & decretum bellum, præfectum, exercitus Skinder-Bassam, & alia quibus accomodatius, ipse etiam sui anxius, alios terreret aut accenderet, aperit fingitque. Insuper velut ferendo auxilio promptus, viginti quinq; millia armatorum, cōmeatum, opes publicas priuatasque, & cætera immodicè ut natura trepidantium, promittens, impellere, ut acceptis promptissimis occuparent Valachiam, euntiq; occurrerent hosti. *hac solā via Turcam fundi posse, fessum itinere, impeditum locis fluminibusq;: si ante ignaro superfunderent, quam ille collectum meditatūq; ostenderet bellum. denique si properarent, non vilem aduersum Tartarorum colluiem victoriam, sed castra Turcica, Valachiam ipsam, pretium laboris gloriæq; peti. at si consultarent, si cogitarent, tenere Valachiam, & dimidium facti Tyrannum.*

Gratiani  
id Polonis  
nuntiat.

Auxilia  
contra eā  
promittit.

Ut ipsi oc-  
currant  
suadet.

His & pluribus in eundem modum Polonos permouendo, ipse interea magnā vi auri argentiq; & pretiosæ

Ipse in va-  
trumq;  
paratus.



Diploma  
à Sigis-  
mundo  
Rege im-  
petrat.

Poloni  
quoq; in  
bellum  
parati.

Dubitāt

An ē pa-  
tria pro-  
pulsandā.

pretiosę supellectilis cōgestā, diploma à Sigismundo Rege (quo præfectis & procuratoribus prouinciarū, liberum, quocūq; vertillet, illi dari effugium manda- batur) impetrat, velut aduersum fortunā prouidus, cæterum præsentibus diffidens, occultā spē fugæ.

Interea crebrioribus in dies Turcici apparatus nuntijs, per Poloniam crescebat fama: cui fidem fa- cesq; verba Gratiani, & præteritorum euentus adde- bant. Nec iam dubitatum de bello. hæsitatiōe tan- tum, pergerentne in Valachiam, an in Polonia oppē- rirentur hostem, attulie. Quibus enim abduci regno militem displicebat, non ambigua referebant quæ in-

de sequerentur. Orbari patriam fortissimorum virorum pra- sidio, opes priuatas publicasq; deserui, aliò nouissimam regni fortu- nam transferri; domi metum, pæuorem, & in dubia spē, certa belli mala relinquere. atqui ad custodiam regni militem conscribi, non qui hic illuc traiciatur & bellam quarat. Si communis Mars, si pro- miscua bellorum astimentur: satis tamen casuum, satis periculorū patriæ superesse, quamuis ea valido firmaretur exercitu. quid, cum vasta & patens irrupturis hostibus relinqueretur? An festinandū cum Valachis vires & amicitiam iungere, ut primo quoq; tempo- re, toties experta ipsorum perfidia, inter omnia infesta & hostilia, in acie ferentes auxilium corripere? Ita subsidio Valachis, ita obuiam hosti eundum, ut & illic tot funerum cladiumq;, & hic securitatis publica memoria cuiq; maneret.

Ad hæc & talia differebatur contra: Multū interesse, in suā quis pugnaret terrā, an alienam armis metuq; teneret. Domi à secundis præmium, cruorem tantum hostilem, & sauius rediturum

An in ho-  
stili ter-  
ram tra-  
ferendū

bellum, ab aduersis propriam patriāq; captiuitatem imminere. at in aduersa ditione ruere velut solutā compage imperium. quicquid enim mobile, seditiosum, odio vel metu occultum, mox ad hostium præsentiam ausurum est in bello, quod in pace concupiuerat. inde noua castra, inde ad manum militem, & quæ nunquam speraban- tur affutura studia & auxilia. Credendum id Turcarum incre-

mentis,

mentis, qui hoc pacto, ex paruo pudendoq; quadringentorum Scy- tharum secessu, ad eam quæ cernitur surrexere magnitudinem. una illis pugna Cappadociam, Pontum, Bythiniam, Asiam minorem, Pamphiliam, Ciliciam tradidit. vnus expeditionis impetu, Baia- Zetes quartus Imperator eorum, Macedoniam, Thessaliam, Pho- cidem, Bæotiam, & quæcunq; ad Bulgaros & Illyricos erant pro- uincia, in potestatem redegit. Habere nimirum hoc audaciam, ut solo euentu facilia demonstret, quæ segnis ardua videntur, utq; animo constant bella, quanto cuiq; illum acriorem, tanto alijs supe- riorem esse. Ardeat nunc euasteturq; ulterior Gracia, & castra Polona Constantinopolis immincant portis, aperturum & reclusu- rum bellum, varias tunc quoq; in Turcas mentes: quum alios li- bertas, alios tadium, graui superboq; domino hostes, atq; euntibus socios dabit. Verum si neq; hac adessent, iturus hinc est Polonus eques, religione, fide, moribus, amore sibi connexus. quæ verò con- tra legiones? qui milites? scilicet è Dalmatiā & Illyrico coacta la- nissariorum rapine, Scythæ, Saraceni, Epirotæ, mixtusq; ex colluio- ne diuersarum gentium exercitus: cui non lingua, non fides, non arma, non causa militandi eadem, ad breuem impetum validus, ubi sustinueris, aduersis dijs in fugam consternatus, ultra neque imperij, neque armorum memor. Atqui facilius fuerit tales in propriis latebris opprimere, quàm domi, variis frustrationibus pu- gnā eludentes, vincere. Deniq; legiones illic non milites, & utrin- que homines, utrinq; corpora, exaquaturum quamuis impares fer- rum, vnāq; victoriam instrumentum sequentis fore, quam non semper sanguine vel acie, sapius deditiōe gentium, quandoq; & famā parari. Proinde in mediam potius Graciam Thraciamuē auerterent bellum, quàm in patriā per singulos annos immenso sum- ptu excitarent expectarentq;. & miles hostili dehinc solo virtutem exerceret, quàm domi nitidus & quæstuosus militiam, per oppida expleret. Neque sanè hoc pacto orbari patriam: quin remotius sin- gulorum periculis hosti viam obstrui. Quid enim profuturum re- tentum etiam domi exercitum? si vastum nulloq; claustrorum in- terseptum munitum regnum, vix immenso milite custodiri possit? Quarendum tunc quoque bellum foret, & ad inferentem se, vacuis

D

milite



milite locis hostem, huc illuc vertendum agmen. at si in hostile solum inferretur miles, simul illuc ista, simul fugam, cades, ceterasq; belli clades à patria transituras: communi equidem utrisq; alea, sed promptiore ijs fortuna, quibus melior in bello causa. Frustra Valachorum inconstantiam obiectari. quasi non alij quoque aduersam aciem struxissent, & tamen qui diu hostes visi, ciues & amicos continuà ac incorruptà fide haëtenus haberi. Et Valachi, amicitiam, opes suas, potiùs cum ciuibus miscerent, quàm si Turca praeualeret, arma aduersùm eosdem ferrent. Irent igitur & quantò Turcis, modestià, bonis artibus, causà armisq; praestarent, tantò promptiùs & Valachorum fidem, & ex hoste victoriam sperarent.

Transfe-  
rendum.

Zolkeni-  
us primò  
venit.

Postremo  
assensit.

Konecpol-  
scius mi-  
lites colli-  
git.

Zolkenij  
littera ad  
Sigismundum  
Regem.

Accendebantur his multorum animi: quos Gratianus spe & pollicitationibus fouere suetus, acriùs impellebat. Immotus tantùm ad ea Stanislaus Zolkenius, supremus exercituum Dux, & Cancellarius Regni, stetit; non quia diffideret Gratiano, qui cautos etiam & prouidos permouerat, sed adhuc inerat seni cauta cunctatio, illudq; vetus, Omnia priùs consilio experiri, quàm armis sapientem decet. At dum alij instarent, praëlium poscerent, velut rapturi bellum nisi ducerentur; ne quid etiam ad odium militis, qui periculi, dum cupit, quàm moræ patientior, haud multùm deinde cunctatus, audentiora suadentibus, accessit. Itaq; dum collega Stanislaus Konecpolscius, impiger armis, ingensq; animi, vexilla signaq; & quicquid militum erat, destinatum ad locum colligit: ipse interea, filiù Ioannem Capitaneum Rubiesouensem, iam inde à puero contubernio militari assuetum, componi itineri & praelio iubet. simul literas ad Sigismundum, Regem, tanquam bellum approbaret, fatoq; prouidus occurreret, hunc in modum componit.

Fuisse olim eam mentem Sixto V. Pontifici Romano, & Philippo II. Hispanorum Regi, aliisque Christianis Principibus, ut

Turca.

Turcarum genus, regnorum tantùm & Christianorum excidiis natum, sociatus viribus, in terris ipsorum, armis belloq; persequerentur: nisi inuida magnis conatibus, mors Stephani Poloniae Regis, quem ei expeditioni Ducem, unanimi consensu, destinauerant, secreta, necdum adulta, quae Senatui & Polonia Ordinibus proponerentur, consilia interuertisset. Neq; etiamnum aliud domanda foedissima genti se videre utilius, quàm si exercitus, in Prouincias Turcarum effunderetur. quippe quibus in appetendis alienis regnis summa audacia, in propriis tutandis par formido adesset. Caterùm cunctatum se haëtenus, ne fortiora consilia secutus, atq; cum parua manu egressus patrià, velut una ietu exercitum absumeret. Iam verò cum Valachi inuitent, auxilia promittant, miles consentiat, omnes urgeant, non se ultra detrectare discrimen; imò cuiusq; & seipsum & filium unicum offerre. Hoc tantum à Deo votis expetere, si aliquid sinistri immineat, ut id suo potius filijq; sanguine & vità, quàm exercitus, patriaq; damno, pietur. solatium mortuis & pramium fore, si teneret Rex utrorumq; memoriam: aut superstitem bello filium fortuna si seruaret, patris vicē in ipso neu obliuisceretur. Sibi enim iam actam aetatem, certum & decretum mori: hoc solum seni, fesso laboribus & expeditionibus, relinquì, nouissimum spiritum domi inter contumelias, an in acie per fortitudinem effunderet.

Bari, 25.  
Aug.

Talibus firmatus ad castra pergit. vbi datum iussu Dein pergit in castra, mox acceptus in medium, signa ferri iubet. Quinq; Numerus militum, millia militum erant: paruus equidem numerus, sed si concordia adfuisse, cum virtutis haud poeniteret, in ferendo quouis bello sufficiens. Sequebantur Cosacorum duo tantùm millia. alij reuoluendo castigationes & odia, quibus acerbior in coërcendis ipsorum aduersùm Turcas excursionibus fuerat, quietē, gloria & gratuita militiæ praeponere. Vix penetratum erat ad Tyram, agmenq; traijci coëptum: confestim

In Valachià Poloni intrat, 3. & 4. Sept.

D 2

non ru.



Turce à  
Valachia  
ceduntur,  
1. Sept.

Qui cla-  
psi, Skin-  
der-Bas-  
sa occur-  
runt, &  
omnia ni-  
ciant.

Poloni au-  
ditæ cæde  
Turcarum  
secuti.

Valachi  
quibus ad-  
hærent,  
hærent.

non rumor, sed trepidi vndiq; nuntij per Valachiam incedunt, Polonos iam terrâ potiri, ingentem exercitum rapi agique, quæ cuncta sperata Gratiano, subditâ adhuc ab ipso atrociori famâ, quò in eadē Turcarum se obseruantium, Valachos metu vel merito Polonorum promptius impelleret, in maius attollebantur. Tū verò velut classico à Gratiano accepto, audentibus paucis, non populus modò, & parata alienæ audaciæ plebs, sed equitum & nobilium plerique posito metu incauti, tanquam deinde per flagitium apud Polonos fauori præmioq; propiores, in eadem Turcarum ruunt, ignaros trucidant. sanguis, mors, vulnera passim, nec vlli moderatio aut finis; sed permissa vulgò licentia, donec inuisa gēs & satietas permansit. Pauci tantum Turcarum, quos fuga fortunauè subtraxerat, elapsi, per longinqua & auia, inter gri, pars vulnerati, Skinder-Bassæ iam Valachia appropinquanti occurrerunt: simul Gratiani conspirationem, Valachorum defectionem, nostrorum irruptionem, vera falsaque in modum metus & periculi attollentes, retulerunt.

Peruenerat quoq; ad castra Polonorum de eadē Turcarum fama. quæ adeò militem mutauit, vt quasi debellatum fuisset, contemptius inde vagari, prædâ velut in hostili solo exercere, atq; disciplinam, quam vtcunq; hætenus Turcarum timor, & Valachorum suspecta continebat fides, remittere inciperet. Vnde alius & Valachis animus, cognita insuper paucitate: non tamen propensio in Turcam, sed odiū in vtrosq; par; ex Turca, si præualeret, etiam metus. Verum nondum spretâ virtute Polonorum, neutri parti adhærendo, opperiri futura, atq; ex euētū bellantium, abnuere

abnuere aut agnoscere fortunam, faciliore apud victores excusatione aut veniâ, decreuerunt. Gratianus quoque, qui incertum omiserat an distulerat contrahere promissas copias, vbi minorem spē exercitū aduenisse, certiori nuntio accepit, vitatis nostrorum castris, recta Chocimum conterminam Russia arcē flexit. nec iâ de imperio sed de salute sollicitus, quomodo per Pokuce, prouinciā nostram fugā in Germaniam euaderet, circumspectabat. Sed occupauit Zolkeuius ea consilia. inuitatum enim per literas, vbi necere moras, necdum collectum militem, & sæpius incerta vanaq; respōdere didicisset: id fortè quod meditabatur suspicatus, vt veniret in castra seuerioribus literis admonuit. quibus ille territus, certo si abnuisset exitio, vltra nec fugiendi nec manendi potēs, consilium cui impar erat, fato permisit. Itaq; nō multò post, paucis suorū comitatus in castra venit, avertendæ suspicioni, lætitiā & gratulationem vultu ferens, animo anxius, & deteriora metuens.

Suspectabantur iam inde à Ducibus Gratiani & Valachorum artes: pars tamen sanitatis erat illas premere, ne deprehensæ à milite, quem confidentia, & spes donatiui à Gratiano, promptiorem ad officia dabat, turpem in castris ante prælium trepidationem concirent. Igitur Duces metum & noxam conscientia Gratiano pro pœnâ satis esse rati, tum eo in castris habito, Valachos ad se inclinatuos sperantes, in simulationem compositi, omnia honorifica vt in Principem vsurpât. adhæc ipsum & comites donis deuinciunt. adiectoq; conuiuio per epulas & vinolentiam, consilia, copias, animum hostium ab eo expiscantur. Sed non ideo incautus Gratianus, cuncta recondere,

Gratiano  
fugā me-  
ditatur.

Sed eam  
impedit  
Zolkeui.

Gratiano  
venit in  
castra Po-  
lonorum,  
7. Sept.

Cognoscitur,  
sed  
premiuntur  
à Ducibus  
Gratiani  
artibus.

Gratiano  
benignè  
habetur.

Conuiuio  
excipi-  
tur.

Ille nihilominus



cautum,  
numeris  
hostium  
extenuat

Duces  
mutant  
cōsiliū  
de sede  
belli.

Galgā,  
Kātimir,  
cum exer-  
citu Tar-  
tarorum  
veniunt.  
Valachia  
ad Turcas  
transiit.

Gratianus  
tamen  
turbat.

Figitur  
belli sedes  
ad Cetso-  
ram oppi-

numerum extenuare; septem, nouem, octo millia Turcarum adesse, dicere, negare. Id plerisque nostrorum suspicioni, pluribus audaciæ fuit. nec deerat qui Ducibus instarent, ut versus Techiniam & Belgradū, (quod antea destinauerant) indeque in Tartarorum sedes bellum ferrent. Sed Duces metu pauci exercitus, simulque Valachos aliquo victoriæ pretio in deditionē pertrahere volentes, gloriam potius retinendæ Valachia præposuerunt. Itaque ire inde versus oppidum Cetso-ram, camposque & locum, quem olim Ioannes Zamoscus infederat, occupare ipsis visum.

Aggregabatur interea ad Skinder-Bassam magnæ Turcarum & auxiliariarum copiarum. aderat Dialet-Ge-reus (quod secundo genitorum nomen cum Præfectura militiæ est) Galga, Chami Reguli Scytharum frater, & Kantimir cum ingenti Tartarorum exercitu. quin aliquot primores Valachia, ad Turcas profugi, exemplo, aliquos in deditionem & auxiliū belli pertraxerunt. At Gratianus in castris nostrorum iter & tadium ducens, non iam Princeps aut auxiliarius, sed belli tantum causa, incertum, spe adhuc, an quia proditis quoquo modo nostris, tutiorem fugam vel meritum apud Turcam putaret, militem ad prælium & festinatos casus continuo impellebat. Facile, inquiens, oppressuros Skinder-Bassam, si improvisi longinquitate itineris fessum, sine Scythis invalidum, excursione validā adorirentur: nam & fortēs subitis terri, & audaces fortunam iurare sepius expertum. Acceptumque vulnus nimiam fiduciā fuisset, nisi Duces cauti & prudentes, militem sub imperio & vexillis tenuissent.

Ventum deinde Cetso-ram, missusque cum expedita manu Odrzyvvolscius, speculatum consilia, animum,

mum, itinera, copiasque hostium iuit. alij ad expediendos commeatus, cæteraque quæ in rem videbatur dimissi. Zolkeuius verò ingressus dimensa olim à Zamoscio castrorum vestigia, sed diruto vallo, & humili fossa, ea reparare iubet. Mirū, quā fides Gratiani, & quia nulla cuncti apparere arma, securum, ideoque lentum ad obsequia dabat militem. Quid enim, aiebat, sibi à Ducibus decerni? nimirum ut nomine militia, cumulos terra & fossorum operas accipiat? Propria militum arma manusque. feminis tantum & imbelli vulgo fossa & vallum salus. quibus cum hostis deesset, abditos se aduersum campos tenere Duces pararent. Ast ubi ingenti tumultu, Odrzyvvolscius & hostes aduolare, aspectus fama; eadem tulit: tum verò intendere operas, circumagere corpora, & ut trepidis rebus contingit, alter alteri præcipiendo, suamque ignauiam obiectando, aduersis imperium derabant, quod prosperis datum non intelligebant. Deductum tamen postea opus minori trepidatione: quia nec barbari, turbare munitiones ausi, & quanquā vicino hoste, multitudinem tamen armorum, propinqui colles, arbusta; occultabant. Signum deinde frumentatoribus tormento ut redirent datum. Pars regressi: plures onusti prædā, aut palantes per agros, in manus hostium circumuenti venerunt. Iam quoque flexus erat ad vespem dies, nec hostis tunc certamen ausus, militem quiete, velut timoris indicio, ad futurum prælium acuebat, redibatque remissa hactenus virtus, nocturnā meditatione belli.

Orto die, Turcæ & Tartari, quod discreti manifestius spectarentur, sibi quæque gens separatim, per turmas & vexilla compositi, steterē. Illorum, octo millia, ad dextram, edito montis, qui Cetso-ram superimi-

dum, 12.  
Septēbr.

Ibidem.  
castra mē-  
tantur.

Odrzyvvols-  
cius spe-  
culatum  
missus cō-  
silia ho-  
stium, cū  
hostibus  
redit.

Illo die ab-  
stinetur  
vtriusque  
à prælio.

Hostes cō-  
positi per  
vexilla  
constant  
10. Sept.

net:



net: horum triginta millia, supercilio haud procul  
 distantis tumuli, qui Delidolinæ (sic loco à profundâ  
 ualle dicto) adiacet. Secunda fermè hora diei, fero-  
 cissimi cuiusq; nostrorum procursu, prospero euen-  
 tu crebræ velitationes, in longum diei productæ: eti-  
 amq; ex fortunâ & irâ ardescendentibus animis, infesta  
 nostrorum signa in apertum effundebantur. Sed ho-  
 stes haud fidentes suorum virtuti, frontem & latera  
 relinquunt. inde circumgressi ad ripam Pruti, totâ  
 vi, in levis armaturæ militem, munitionibus castrorû  
 adiacentem, cui Valentinus Rogascius Moschouiti-  
 câ expeditione, iuxta ac paulò ante factâ in rebellem  
 Vngariam irruptione, victoriâq; clarus præerat, in-  
 currunt. Turbabanturq; densis Tartarorum cateruis  
 leues cohortes: ni Dinophius bello strenuus, manuq;  
 promptus, cum aliquot turmis equitum, citato adue-  
 ctus equo, rem propè inclinatham restituisset. Tû ve-  
 rò accensi meliore successu Velites, ne aut accepisse,  
 aut desiderâsse auxilium viderentur, valido impetû  
 connixi, quantò ferocius accurrerunt, tantò acrius  
 in fugam pulsos barbaros disijciunt cæduntque. Iam-  
 que haud procul iusto prælio res fuisset: ni hostis nu-  
 dato campo, exercitum in colles pristinos properè  
 subduxisset. Id signum perculsi fuit, an ad altum cõ-  
 uersi, incertum. Nam cum apud Tartaros, cedere  
 consilij potius, quàm formidinis sit, ita dehinc cautè  
 pugnatum, vt nullus audentius in nostros effusus, ca-  
 pi vel cædi potuerit: sed velut simulato pauore, quasi  
 nostros fugâ inescatos, & longius euectos dolo cir-  
 cumuenirent, refugere videbantur. Sensit ludibri-  
 um & altum Zolkeuius, signoq; receptui dato, ardo-  
 rem & fortunâ militis repressit. nec ille vltra institit,  
 cui se-

Velitati-  
ones.

Tartari  
in Velites  
incurrunt.

Dinophi-  
us cum  
suis erū-  
pit, & pu-  
gnam re-  
stituit.  
Velites  
pellunt  
Tartaros.

Tartari  
retroce-  
dunt.

Eorum  
consuetu-  
do in pu-  
gnâ.

Zolkeui-  
us receptui  
canere  
iubet.

cui sequedi desiderium nox etiâ & lassitudo ademerat.

Irritatus tantum reducitur in castra. ac prosperis  
 ferox, optando diem aduersus eludentes hostes, vl-  
 tionem fremitu & iracundiâ explebat. mox velut  
 ingrata veniret nox, quæ in posterum diem dubiam  
 certaminis expectationem faceret, circumfistit Du-  
 ces & Centuriones, oratque: *Ne pugnam differendo, ab-*  
*ditos vltra in vallo, more fœminarum, tenerent. non enim fossam*  
*aut vallum sibi, sed corpora & arma in hostem data. neq; se in*  
*spectaculum fugientis hostis, sed in bellum assumptos. Igitur aut*  
*certamen sibi Duces, aut si quies placeret, emensis tot itineribus,*  
*maturum otium darent.* Et verò premebat Duces, præ-  
 ter militum preces, necessitas in loco, vbi nec sperare  
 vllam opem poterant; & si diutius moraretur, anno-  
 næ propè inopia instabat. Sed quanquam magis suo-  
 rum animis, quàm viribus fiderent: non ignari tamè,  
 primis ausis, hosti metum aut fiduciam gigni, statu-  
 unt ostendere aciem, & dato die prælium incipere.  
 Atque cum deliberabundi de crastino prælio, capita  
 conferrèt, fortè interceptus à vigilibus vagus è Tar-  
 taris adducitur: cuius indicio Cætum millia hostium  
 adesse cognoscunt. Differre inde summam certami-  
 nis Duces Centurionesq; parabant: sed miles impati-  
 ens moræ, quater arma, nolle requiem, optare lucē.  
 Videret tantum aduersos, ac si ab imperatoribus non  
 daretur, se ipsum occupaturum tempus & occasione  
 pugnæ minaciter strepebat. Adeò tunc aut hostem  
 contempserant, aut quòd tâtis prout referebatur co-  
 pijs, suorum non restaurâset fugam, nequaquam tã-  
 tum numerum adesse credebant. Ergo & Duces, ne  
 aduersa militi cunctatio, audaciam, quam in victori-  
 am fouisse par erat, eximeret: relicto valido à tergo  
 E castro-

Poloni fe-  
roces.

Summâ  
certami-  
nis, in cra-  
stinu de-  
poscunt.

Nec Du-  
ces abnu-  
unt.

Cognosci-  
tur à Tar-  
taro ca-  
ptiuo ad-  
esse hostiū  
100000.

Sed non  
creditur.



castrorū, quā fluuio diffidebatur præsidio, postero die auidos certaminis in apertum hoc ordine producūt.

Instrui-  
tur Polo-  
norum  
acies, 17.  
Sept.

Vna & altera carrago, quas lixæ agerent, ex centum circiter vehiculis conficitur. vtriq; à tergo, frōte, & lateribus quatuor tormenta, insuper aliquot bombardarum farraca adduntur. Tum sic instructæ, (facto pediti spatio, quo inter vehicula & tormenta commodè reciperetur) ambæ duabus castrorum portis simul emittuntur: addito præcepto, vt pariter præcedentes, eatenus ex æquo progredierentur, quoad relictus in medio campus, succedentes sibi legiones, totumq; exercitum reciperet. Sed incassum imperia data. nā cum Ducum alter, graui senectâ, vix omnia per se interuifere posset: alter vt ordo agminis in aciem adlisteret, emittendis cohortibus attenderet, aut plurimum securitas vel audacia obsequium eximeret, sinistra carrago haud procul vallo substitit. dextra quoad manipuli explicabantur vltra quàm satis progrediens, frōtem, propriumq; latus, latè & longè nudauit. Adeo vt & vis tormentorū, quæ ideò pro castris & carraginibus ad se versùs directæ erant, vt quacunq; intrantem exciperent hostem, distantia lægueretur: & quæ quadrata acies stare debuerat, laxatis ordinibus, dextrum cornu in enormem inutilemque mucronem porrigeret. Vbi sic legionū agmina steterē fulgentibus aquilis armisque; Turcæ quoque & Tartari, à suis Ducibus, vt nouo semper & coniuncto orbe, frontem lateraq; incurfantes, pari vi & velocitate nostras acies rumperent, simulq; recurrerent, in densos cuneos compositi emittuntur. quo tantum valent genere pugnae, vt quacunque parte perculere, impetu suo, sustineri nequeant. Atq; quā frontem, dextrum-

Nec ho-  
stis detre-  
ctant pu-  
gnam.

dextrumq; latus infirma conspexerant, illic truci, ac tum primum quod nunquam credebatur, immensoque agmine incumbunt.

Excipiunt hanc nostri intrepidè barbarorū vim, primoq; impetu aduersos impellūt trudūtque. atrox inde Tartarorum cædes, nec minor tormentorū fulmine à Theophilo Sébergio, è dextro maximè cornu, intemerè effusos edita strages. passim corpora & laceri artus, equorum, virorumq; acerui, & per ipsa mortuorum vulnera viuorum pugna: vt propè difficilior hostibus, per suorum cadauera, quàm per confertos exercitus fieret transitus. Sed ea nostris non diu durauit fortuna, mox enim ab eâ parte, vnde tormentorum globis obruebantur, amoti hostes, in media, patenti & innoxio campo, irrumpunt. Ibi verò plurimus vtrinq; labor, confertis propè manibus, & gliscente irâ; barbari hâc illâc impetere, dein eludere, cedere, mox circumactis equis recentique cuneo remeare: nostri animis adhuc ferocibus propinquos & aduersos sternere, cōiuncti aut orbe facto propulsare: dein gradu moli, postquam nec virtus nec arma proderant, quod nudati subsidio tormentorū, & hostes plures & plures ingruerent, ad castra euadere. Tū inter primores duo Zolkeuij inclinatam rem erigere parantes, infestis hastis in confertos prouolant, totumq; secum dextrum mouent latus. sed ardentius quàm cautiùs illari iuuenes, obruti ibidem telis, haud inglorij, equis defluxere. Nec segniùs fronte, vltima ausus, arma gradumque miles retinebat; verum laxatis semel ordinibus, haud multum ibi quoq; proderat virtus: fors cuncta miscebat, & strenuissimi quique dum acriùs pugnam cient, Wrzescius, Goslicius, Ko-

Theoph:  
Semberg.

Zolkeuij  
duo.

Wrzescio,  
Goslicius,



<sup>Kovalko-</sup><sup>nium,</sup><sup>Dinophi-</sup><sup>us.</sup> valkouius, non incelebres Centuriones cadunt. Inter quos Dinophius disiectâ cohorte, cum aliquot tamē militum necessariâ fortitudine, voce, manu, vulnere, sustentabat pugnam. Pulchrum quoq; erat in sinistro latere Ducem Korecium videre, haud ita multum Constantinopoli captiuitate elapsum, per Turcarū centuriones circumferentem truces vtricesq; oculos: nuncq; singulos prouocantem, nunc increpantē omnes. deinde cū sustinere iram non posset (hostes enim illic nostros confertos, tutosq; loco, suggredi propius non audebant) obuersis cominus armis acriter prouolantem. cum quo duos quoq; eodem latere, Chmielecium & Ferensbachium, virtus pariter exemplumq; in hostes agebat. Ita praeliū grauius iterum & atrocius ubiq; crescebat. non enim solum Præfecti copiarum, Nicolaus Strusius Capitaneus Haliciensis, Martinus Kazanouius, Alexander Balabanus Capitaneus Vinnicenfis, Ioannes Tyskeuicius, & alij, ad regendam consilio rem affuere: sed suis met ipsi corporibus dimicantes, miscuere certamina. nec quisquam postea procerum hac aut illâ acie incruentus excessit. Quin & Konecpolscium totâ volitantē acie, fortuna magis deserebat, quā virtus. sensit solum agmen, accurrit: retrahere carraginem dextram nititur, iam frustra, formidine dilapsis aut abditis calonibus. neq; etiam confusa huc illuc vehicula, amplius explicari, aut abiunctis equis moueri loco potuerunt. Ille tamen constantis Ducis, & fortissimi militis, officium non deserere, accurrere, adire, hortari, auxilio, exemplo, laude. Post ubi dextro cornu vexillarium circumuentum à globo hostiū videt; <sup>Signum,</sup><sup>& signi-</sup> velox inter tela se immergit, duobusq; manu obtruncatis,

catis, signiferum & aquilam seruat. Prælium deinde <sup>serum,</sup><sup>seruat.</sup> varium, anceps: his, rursū illis exitiabile. nunc ut <sup>Pralium</sup><sup>varium.</sup> cuiq; virtus aut audacia prorumpere vel reuehi: nūc sine cura regentium, alter alteri opem ferre vel accipere, non sanguinem, non vulnera morari. quoad deficiente die & viribus, obscuro iam noctis, fessi castra repeterent. Producebat tantum in dextro cornu prælium desertus pedes, quem difficili effugio implicitum, vehicula tormentaq; tenebant. sed nec ipse spe aut viribus par, diu vim tenuit. multi illic capti cæsiq; cæteri vano imperu, quācunq; exitum ostēderat spes, sese eijcientes, à tenente circum omnia hoste interiēre. Vnus Almadi Vngarus, præfectus peditū, <sup>Almadi,</sup> cum viginti & aliquot insuper suorum, duplici vulnere saucius, cuneo viam ad castra fecit. Tardē post eū Sembergius, diu aduersos iaculatus, dein ab omnibus <sup>Sember-</sup><sup>gius.</sup> desolatus, per bella tamen & aduersa multum exercitus, eoq; tunc etiam interritus & in periculo sapiēs, solus, immixtus ignarusq; hostibus, audaciā & errore euasit. Cæsa eo die hostium tria millia & quingenti: <sup>Nume-</sup><sup>rus casu-</sup><sup>rum.</sup> maior numerus vulnerati. Nostrorum trecenti quinquaginta desiderati. duo tormenta tempestiuē subducta, reliqua quæ erāt cum dextra carragine, & ipsa carrago amissa. Stetissetq; haud dubiē sine sanguine & damno nostrorum victoria, nisi quæ communis est militum querela, illorum qui carraginibus præfuerant, adfuisset audacia vel temeritas.

Sedato prælio, grauis receptos intra castra milites <sup>Nonum</sup><sup>malum.</sup> timor incescit, nullo nouo periculo, nisi quod peruigilium & tenebræ, diurnam difficultatem in metum & curam intendebant. Fatebantur enim, nunquam pertinaciorē pugnā cum Tartaris conflictum fuisse, & ni



& ni eosdem retrò nox & fortuna egisset, versatam in discrimine summam rerum. à quo etiamnum haud procul abesse, vndiq; clausos, nullo patriæ subsidio.

*Vnde enim posthac pabulum equis, alimonia militi, aut alia quæ ex otio aut necessitate castrorum parantur? Nempe obsessis, ac velut captis, superesse tantum mortem, ac aternam oblivionem, quæ immensa illa Tartarorum vis aut fames adijceret.* Recurrebat

*Omina visa, intrando in Valachiam.* præterea infaustus in Valachiâ ingressus, quæ effusus tunc in profluentem Nestrum nitratus pulvis, & cum moueretur agmen, nullâ violentiâ, signum imperatoris fractum, portenderat. pluraq; alia, quæ securitate neglectâ, timore, ut Dei ira, ut omina, ut fata resumebantur. Inde non metus iam per castra, sed pa-  
*Gratiani scelus.* uor & infelicis belli execratio. cui extractâ quomodocunque nocte, novum dies & Gratianus flagitium addit. Cum enim ipse diffidentiâ præsentium vereretur, ne traditus Skinder-Bassæ, supplicio suo, metum simulq; belli controuersiam componeret: remedium periculorum ipsa pericula ratus, eò acrius inferere se trepidantibus, urgere metum, aggregare pericula, suadere fugam, ostendere viam. quam si seduce & comite capesseret, immunes à periculo, breui aut recto itinere per Pokuce, aut obliquo per Trâsylvaniam, penatibus suis redderentur. Alliciebantur his faciles per metum quorundâ animi, nec vitæ postea nec gloriæ compotes: incedenteque pestiferâ per castra lue, cupidissimi quique in scelus aggregabantur, cœcâ spe vitæ, nullâ pudoris curâ.

*Gratiano fugit.* ... Iamq; nox teterrimo facinori opportuna aderat: & Gratianus ad præterfluentem amnem præcurrens, primus viam fugæ exemplumq; dedit. Fluvius isponè terga castrorum decurrebat, quondam Hierassus,

nunc

nunc Prutus dictus; altero littore tenuis, sylva Fagerulana, accolis Butowinâ dicta, quod eius arboris frequens fœcundaq; sit, imminebat. Illuc ergo Gratianum secuti, quâ cuiq; proximum, sese proripiunt, lugubri spectaculo, & obuiâ pœnâ. cum alij vadorum ignari, præalto & subdolo amne haurirentur: alios densi raperent traherentq; vortices: aut si qui in alteram partem elati fuerant, statim à Scythis & Valachis, in syluâ, ipsiq; latebris, trucidarentur. Duces cū Centurionibus, accenso per castra clamore tumultuque, unde, aut à quo esset, ignari, hostiumne an domesticum nefas, quâ abeuntium vocantiumq; suos clamor vocabat, feruntur. Dein' cognitâ re, cum frustra revocare fugientes, nec imperio, neq; auctoritate, ne precibus quidem & manu valuissent; amnis, hostium fœuitia, & proprium cuiq; periculum, quod minus maior pars effunderetur, obstitit. Gratianus quoque in alteram ripam elatus, exitium quod euaserat, ad breue tempus latebrâ distulit. exceptus enim misericordiâ unius Valachi, eiusq; tugurio abditus, claritudine infausti Principatus, spe præmij & perfidiâ eiusdem Valachi trucidatur. Sed Alexander, Princeps deinde Valachiæ, caput eius sibi delatum, non præmio, sed simili in proditorem ultione pensavit. solito Principibus metu, & ad futura munimento, ne quis simili facinore, paratum ex diuerso apud alium, præmium etiam ex se speraret, aut peteret.

Interea calones, lixæ, & qui fortunam ubicunque inveniunt amant, dum vigilias, stationes, castra propè relicta vident, irrumpunt contubernia. sarcinasq; militum, tabernacula Ducum, & quicquid vspiam spe inuitaret scrutati, omnia ut prædam, aut spolia inter se rapi-

*Bukowinâ sylva.*

*Gratiani exitus.*

*Alexander Gratiano successit.*

*Castra accensur & diripiuntur.*



se rapiunt. direptis potioribus, residuo faces iniiciunt. desperato fortasse aliorum reditu, aut populatione velut fortuitâ ignis, raptus velamen habituri. Neque enim vllus obuius, aut moderator licetiæ aderat. pars comitatu, vel simili officio cum imperatoribus occupati: pars fugâ, aut timore dilapsi. atq; tunc primum ad ferendam opem confluebant, cum magnâ iam castrorum partem flammâ adefam, & ni extinguendo anteirent velocitatem mali, haurire cuncta incendium cernerent.

*Miserâda  
omnium  
facies.*

Redierunt tandem in castra, multi inuiti, plures nocentes. quò cum intrâssent, miserabilis commilitonum memoria, præsensq; castrorum deformitas, adeò pauentes confuderat, vt etiam à Centurionibus impulsî, non progredi loco possent, non tutari vallû, non animo, non linguâ, non auribus competere. Victorum tantum aut captiuorum habitu, defixo in ruinas & busta vultu, stabant, lugubri per omnia prospectu, velut reorum agmen, & funebres exequiæ. Ipse Dux, calamitosâ senectâ, ante lacerum & semivustum tentorium, raptus, defectionem, quid castra? quid ipse promerisset? quem deseruerant, deplorando, nocentiores faciebat: eò impenius, quòd ne tum quidem vecordes consciëntiâ, odium in Duces & Centuriones ponerent, familiari militum consuetudine, culpam quâ deliquerant, cum inuidiâ rerum rectoribus imputando. Fecerantq; vt & Duces timerent cōtumaciam eorum: hætenus incerti, periculosiorne foret seueritas an clementia, inter tot infectos, quasi valetudine & contactu. neq; tamen vllus in iudicium vocatus, dissimulatibus integris, paratâ fortasse apud nocentes aut conscios maiori perniciaciâ. Atque nisi  
vltteri-

*Prudētia  
Ducum.*

vlteriùs Duces & Centuriones, salubri cum Skinder-Bassa tractationum simulatione, confusionem illam exemissent, simulq; hostium vim cohibuissent, haud procul iam ab exitio aberant. Quanquam & tunc, Deus ipse, fortunaq; gentis, ipsos tutata est, quæ Turcis Tartarisq; aliam potius mentem, quam hostium dedit. Adeò dum varijs frustrationibus per octo dies eluderentur, nulla spes, non potiundi modò, sed ne adeundi quidem castra Polona animos illorum cœpit: sed fortè confusio ipsa procul visa, flammâq; piacularis castrorum, terruit tenuitq; volentes; vt in vasto & deserto campo, inter tabem pecorum, hominumq; desides, tempus tererent. donec fidente paulatim metu, quâ Ducum, quâ præfectorum, aut quicquid castrorum sincerum erat, curâ, obsequium etiam nostris, & parendi amor, quod solum ipsis defuit, cum virtutem non argueres, pararetur. Tum ergò vbi iam æqualiùs & reuerentiùs regi poterant, iactatâ sæpius per præfectos irritis nominibus spe pacis, Imperator concionem classico aduocari iubet. quæ vbi frequens aduenit, ipse cum dignitate aliâ corporis, tum senectâ maiestatem præferens, filio, primoribusq; prosequentibus, processit. Mouit milites præsentia viri, memoriaq; fortunæ & virtutis eius. cumq; sermonem expectarent, diu quoq; Dux tacitus stetit: haud perinde iudicio vel seueritate, sed dolore victû apparebat loqui non posse. Postea quasi à luctu requiesset, collecto animo ita orsus est.

*Si eam, quam ex obsequio & virtute exercitus mei gloriam capebam, incorruptam quandoq; à me retineri dijs cordi non esset: ad militum maturam ante & sine noxa mortem mihi exoptabam. tunc enim vita socia, & mortis comes, eadem gloria fuisset. Nunc verò eò*

*Oratio  
Zolkeuij  
ad milites.*

F

me longa



me longa vita, & infelix senectū traxit, ut tot malorum exercitui meo conscius, vix morti honesta locum reperiā. Satis, satis, ne hucusq; durāssē, honorum mihi, nimium vita fuit: mori me pridē, aut si segnis mors erat, deponere hoc imperium oportuit. Neque enim ubi fuerim scio. an apud milites meos? quibus proiecta Ducum auctoritas, desertus hostibus Imperator. an in castris? quae lacera, deuſta, speciem nunc horrenda vastitatis habent. Atq; ego procul iam ista amoueo; neque in vos facinus vulgatum volo. Illorum sanē is furor & amentia sit, quos à contactu vestro ultor segregauit punitiq; Deus: ut tamen illorum tantum sit, à vestra virtute expectatur, sine quā nec dolor inuidiaq;, ab imperatore vestro, nec à vobis aliena culpa suspicio aberit. Equidem meminimus, fatemur; pugnaſtis strenuē, soli in acie, soli in castris mansistis. hac tamen quā nobis palam, ceteris in occulto sunt: & nisi eadem nouo decore, ferro per confertas hinc egrediendo hostes, demonstratis, quis credet, aut ignoscet? Videtis non aliud, nisi fame & siti pereundum sit, quā ut hinc abeat relinqui. Absoluite igitur necessitate virtutem vestram, atque istud adhuc adijcite, facite eos qui vos deseruerunt, victoriā vel morte nocentiores. Non hoc refero tanquam perituris: sed etiam si cadendum esset, ideo vobis acies, ideo tela, ideo hostes datos putarem. Nunc cum vos considero, cum facta vestra aestimo, non mortem, sed pulchram & spectabilem victoriā à vobis expecto. Nam ne ignoretis cum quibus hostibus vobis res futura sit, vestra decora recensete, vestros oculos interrogate. Ij sunt, de quibus viginti & quinque retrō ab hinc annis, duce Zamoseio, memorabile decus, domos ad coniuges & parentes vestros retulistis. ij, quorum cineres ossaq; hoc ipso in loco deuicta calcatis. Et iste vos circumstans ignauorum est ac metuentium numerus. quem per hos dies desidem, ne castra adoriretur, ne malis vestris exitium adijceret, timor propriaq; desperatio tenuit. Sed quid ego hac recenseo? non tantum milites decus de hoc exercitu, toties victo, caeso, fugato, quantum gloria seruanda à vobis patriae estimanda est. Quae enim alia sunt domi, nisi vos vincitis, castra? quis alius exercitus? pro Patriā, pro ciuib; pro coniugibus & liberis vestris, vobis decertandum est. & nisi perumpitis hostem, iam

intra pa-

intra Patriam erit: per urbes, per prouincias vestras, ferro & igne grassabitur. Ostendite ergo Regi, & Patria, quales vos sibi milites seposuit, quibus acies, arma, incolumitatem propriam commisit. non enim relictī hīc estis, sed electi, ut vincatis. En ego imperator vester clarā voce in praelium voco. En si aut bauriendus, aut dandus est sanguis, primus caput hoc in omnem aleam lubens deuoueo. Vobis si idem est animi, mecum quoq; arma & manus expediendo, approbate nunquam vobis aut in victoriā, aut si perire etiam necesse fuit, animos in mortem defuisse. Hoc me tantum dolore inuidiaq;, hoc vos quicquid haecenus ausum temeratumuē, alienā culpā absoluerit. Constantiā orationis, & quia ex-

Miles  
resumit  
animos.

perta difficultas spem omnem inciderat, terruit simul audientes, & accendit. nihilq; (ut postea fatebantur) adeo confirmauit, quā vultus imperatoris impavidus, voxq; nulli periculo cedens; ut apparet, multum in illo senili pectore, nō consilij modō, sed etiam virtutis virere. quod ille nequaquam fefellit, sublatoq; à concione clamore, ut in hostes duceret, facile postea demonstrauit, validiorem Duce & obsequio, quā numero & ferociā, rem ipsorū esse. Igitur ubi satis animos militum explorauit, iij. Kalendas Octobr: vniuersum exercitum vallo munitio-

Poloni  
itineri  
praelio cō-  
ponuntur  
29. Sept.

nibusq; educit. Frōte & tergo tormenta, medio currus, vehiculaq; septem ordinibus inceserunt. hac antepositus proprijs signis cingebat miles. introrsum impedimenta & equi recepti. quippe solum tunc impedit robur, quia procurrere reuehiq; non sanē tutum, ne distraheretur paucitas. Postea optimus quisq; ad periculosa loca constitutus. Korecio & Ferensbachio ordo primi, Kasanouio medij agminis committitur, homini militari, & qui amplius triginta annis, aut miles, aut Centurio, in castris fuerat, eosq; ipsos milites, & fortia facta eorū nouerat, subindeq;

F 2

memo-



memorando animos illorum accendebat. Szembergio tormenta & extremum agmen permissum. His ergo ita prouisis paratisque, flexo iam ad vespérâ die, exercitum Zolkeuius signaq; itineri mouit. Hostes quoq; per aliquot dies nequicquam delides, & tractationibus tantum delusi, cum prater opinionem armatos ac velut auctos viribus abire cernerent, repētē circumfuso toto virorum equorumque agmine, quacunq; eunt persequi, laceessere ad pugnam: primò obequitando prouocandoque, deinde per occasionē huc illuc irruendo, postremò irritò vndiq; conatu, diuisis inter se copijs, pars insectando agmini relictī, pars prægressi, quā mediā nocte per fluuium nostris eundum erat, transitum occupauerunt. Et turbabatur primò impetu, fluitātes, labantesque lubrico, nostrorum ordines: mox tamen totis corporibus conixi, ruperunt continuaueruntq; viam.

*Luce prima metatur castra 30. Sept.*

*Iter ingreditur.*

Sub ortum solis constituta signa, simulq; coeptus dies truci clamore, horrendoq; barbarorum sono, qui pertinaciter contra circaq; ingruendo, obruere ac obterere paucitatem nitebantur. Sed cum, obsequio & reuerentiâ Ducum, non fortuna iam magis, quàm virtus pro nostris stabat, pulsiq; ingenti tumultu hostes, tempus etiam transferendi castra tutiorem in locum dederunt. Coeptum iterum primis tenebris iter, vt aliàs iniquies, turbulentum. nam præterquàm quòd continuò sub armis enitentem exercitum paludes montesq; fatigabant: crebra quoq; prælia, prouisa, subita, per saltus, per sylvas, sæpius in modum latrocinij, nec milites, nec Centuriones, nec Duces, remittere laborem permittebant. Neq; hæc tantum, sed etiam omnium incertos, nocturna ignoratio, ictus,

ictus, sonitus bellantium, accurrentium, euntium, à tergo, à fronte, repercussæ voces, huc illuc distrahebant turbidis clamoribus. Et cum eadem continuò acciderent, tamen, velut assueti malis, obstinato ad mortem aut victoriam animo, constanti gradu ad lucem prosequiebantur iter & prælium.

Primâ horâ diei, profundam vallem intrantibus, vix spatio consistendi dato, quietem rursùm exemit Skinder-Bassa. sperans enim illic ingenti suorum agmine, ac pulsu sonituque, velut nube operire ac superfundere fessos, omni ex parte illos aggreditur. Sed nihil & ipsi territi, in orbem se colligere: ad omnes partes pugnam intendere: donec fortiter superato impetu, mox etiam ingenti strage subeuntes pellerēt funderentque. Tunc verò nequicquam & cum damno tentatâ aliquoties oppugnatione, cum vis negligeretur, differendam, potioremq; dolum Skinder-Bassa ratus, fictâ modestiâ ad Duces mittit. *Postea ut secum conditionibus transigatur, petunt.* inquiens, de reditu ipsorum conditionibus transigi: nec committendum utring, vt tantum egregia pubis, fortissimorumq; militum, nullo sanè pretio sternatur. Non enim internecium cum Polonis geri bellum, & satis quoque sibi gloria partum, si temerè occupatam redderet Casari Valachiam; & ipsis abundè accessurum, si nondum victi, oblatâ ab ipso hoste pace, belli ambigua, nec sibi ex omni parte similem fortunam, incruentis potiùs conditionibus, quàm armis componerent. Neque Zolkeuius astûs imprudens fuit: nonnullâ tamen quiescendi spe ac necessitate, cum per continuos labores exercitus propè fatisceret, negotium exequendarum tractationū Christophoro Drusbicio mandat; perito Turcarum linguæ, simulq; gnaro, quàm frustrâ, & cum periculo proficisceretur.

*Skinder-Bassa nequicquam oppugnat castra, i. Octob.*

*Postea ut secum conditionibus transigatur, petunt.*

*Mittitur ad ipsam Drusbicius.*



Ingens  
Turcarū  
aduersus  
Polonos  
impetus  
2. Octobr.

Hostes enim detento eo, diem tantum illum notemq; morati, dum nouæ copiae quæ ab ipsis iugiter accersebatur, aduenirent, primâ vigiliâ ingenti mole, oppugnatū castra Polona subeunt. ibi statim magnā vim sagittarum superfundere, perfringere pertinaciter stationes, inferre se munitionibus, laceessere, circūgredi, occurrere, clamore, sonitu, impetu. Aduersum quos nostri præsentibus animis, nil temerè aut trepidè, ad omnes aditus, quæ signa ferri, quæ hostes ingruere videbant, Centurionibus accurrētibus adhortantibusque, cæde ingenti irruentes excipiebant disijciebantque. Atq; peractum prælium, tum aliās, tum maximè eo die fuisset, ni Tartarorum cohortes recentes & ad fugiendum aptiores, quæ equorum velocitate, quæ armorum habitu, statarium grauemq; armis & labore militem, celerifugā elusissent. Ita fugatis ad breue tempus hostibus, sub occasum solis, quia haud multum diei post pugnam supererat, Zolkeuius suos iterum, simulq; hostes mouet.

Neg. tamē  
in  
crastino  
cessant,  
3. Octobr.

Prosequuti enim totā nocte cuntes, concursationibus fatigabant magis, quam conserebant pugnam: donec adulto iam die, tumultum statiuus nostris imminentem adepti, validius subiectos incesserent. Sed nostris tantum iam animorum aderat, vt lixæ etiam calonesq; cursu in summum cliui enixi, primo impetu, penèq; vno agmine, effusos pellerent. Nec tamen desperabant de victoria hostes: sed equorum virorumq; nouis ac nouis aduentantibus copijs, proximâ nocte prosequuti sunt cuntes. Et nostri laboribus, inediâ, diurnis nocturnisq; vigilijs, fessâ ægrè trahendo membra, corpora tamen animis, animos spe sustinentes, ibant non solum per aduersos hostes; sed vias etiam

as etiam visu & memoriâ deformes, cum ab impotenti hostium irâ, quacumq; irent, villæ, vici, agri, diuina humanaq; omnia vrerentur, popularentur: aut si quid frondosi herbidiq; relictum ab ipsis fuit, id exorta eo tempore vis locustarum ambederet, fœdaretque, fænie, odore, contactu.

Deficiente deinde nocte, immensam dies planitiem vimq; hostiū euntibus aperuit. Longè ac latè ex aduerso & vndiq; fusis agminibus, aspiciebantur pleni hostium campi, terra aquarum egēs; & qui haud procul nomine Rent, tenui alueo præterfluebat amnis, infessus ab hostibus, quò potus & aquatio prohiberetur. Locus quoq; ipse, ex prægressâ æstate, incendijs torridus, in os, in oculos, non puluerem modò, terramque halitum, sed etiam cinerem à longinquo, cum quid venti motum esset, & adferebat, & impulsus motu hostium, velut nube obtendendo cælum, solem eripiebat. Adeò vt neminè fuisse crediderim, cui oculis potius, quam ratione pensanti, modò suorum inopem paruamq; manum, modò ingentes hostiū acies, effugere captiuitatē aut mortē creditu facile videretur. Igitur magno illic tumultu concurratur, & frōte, & lateribus, & vndiq; hostes ruunt; cœundoq; simul, in continenti agmine septos, nunc sagittas iaculaq; emittere: nunc inferre se munimentis: quidam arripere currus, dirimere carragines, & aduersus resistentes cominus niti. Nostri contra, proturbare telis, pellere gladijs, tormētis disijcere. illis diu optata, si paululum adhuc tetēdissent, victoria; aut si omisissent, insignitius dedecus & flagitium: nostris, dura seruitus, & extrema salus, addunt animos. nec vulnera iam aut sanguinem morantur, vir virum amplexi,

Pertinax  
oppugna-  
tio castro-  
rum, 4.  
Octobr.



Polonorum  
virtus &  
constantia.

Tartaro-  
rum insi-  
gnis cla-  
des.  
A Poloni-  
sex tantum  
pedites a-  
missi.

Hostes iam  
remissius  
agunt s.  
Octobr.

Skinder-  
Bassa &  
Galga de-  
sperat de  
victoria.

plexi, prehensant tela brachiaque; & exspirantes cum integris cadunt. Neque tamen peruaferunt hostes: sed foedius quam accurrerant pulsi, non pugnando tantum perierunt; sed cum in confertos, propere; subeuntes tormentorum hiatu, à Theophilo Szembergio qui ijs præerat, magna vis plumbearum glandium effunderetur; suomet ipsi certamine, terga impeditum fugam, cædebant prouoluebantque. Nostorum, sex tantum pedites, audentiùs fugientes secuti, circumuenti, sagittisq; confixi, ceteros ad obsequium exemplo firmarunt. Exhausta sic die, nox deinde quietum iter dedit.

Postero die, propere fluvium Kobiltam nostri confederunt, inteti interim paratiq; si quid hostes mouerent: verum ex illo die valida abstinerunt oppugnatione. concursationes tantum erant, quibus usq; ad lucem alteram turbabant fatigabantque euntes.

Illam die prælium tentatum, sed cum vix quadraginta amplius stadia nostris ad Nestrum superessent, visq; octo dierum, & necessitates humane nihil profecissent, neque nostros aduersus omnia duratos fregissent, desperata victoriâ Skinder-Bassa cum Galga maesti miserunt. Kantimiro tantum cum parua parte copiarum à tergo instare iussu; carpèdoq; postremum agmen domum prosequi euntes. Sed urgentibus iam rem Poloniam fatis, cum priorum repente oblitus, ad securitatem negligentiamq; verteretur miles, nimium domestico laborauit labauitq; malo. Magna sæuaq; angustia, cum antea, tum maximè per quatrimum & tres noctes, tenebat exercitum. iam solita alimenta deerant, eoq; inopiæ ventum, ut miserandis cibis, mandendo equos cæteraque animalia, quæ foeda in-  
vsum.

vsum vertit necessitas, propulsaretur fames. Et superato utcumq; hoc vno consilij malo, sitim tamen somnumq; natura vinci non sinebat, cum alij tædio potus & vulnerum inter cadauera sponte procuberent; alij somno fessi cadetesque, nullo ad resurgendum nisu, quasi exanimis linquerentur. Sed super alia alijs diebus tolerata mala, iam hoc ultimo nouissimoq; vesperè, & tormentarius pulvis, & aqua rursus deficiebat euntes. nec aliud quo hæc simulq; antiqua mitigarentur supererat, quam pauci adhuc tædij via, ac vicinū limen patriæ, vbi post aliquot horas, pleni gloriæ priuatæ publicæque, compotes commeatum fortuna-  
rumq; consideret. Consummare igitur quam ocyus iter, necessitates & Duces Centurionesq; suadebant, cogeant. Cum exercitum repente incescit seditio, præcipuâ causâ, ob direptas olim in Cetsora res sarcinasq; militum. Nam lixæ remedium præteritorum, & retinendæ prædæ, solam fugâ rati, quamprimū, subtrahere se è castris parabant: moti adhuc in itinere non obcuris sermonibus & minis quorundam, qui exitiabili cōspiratione recuperaturos se sua strepebant. Constabat tamen lixis eonq; obsequium & virtus, atq; ut à præfectis iubeantur, ita in ordines, stationes, vigilias ibant. Erupit scelus, cum milites, nolle progredi, Centurionibus obniti, retinere, impedire alios, cernerent; tunc enim altius coniectantibus timor quoq; cum conscientia redibat, quâ apud delinquentes in longum memoria manet. Itaque & ipsi, primo inter se congregari, stationes deserere; dein exuere imperium: postremo, cum iam nec fas, nec fidem, nec periculum pensi haberent, datâ tessera, ut numero validiores, quod reliquum diripiunt  
fugiant.

Seditio in  
castris.

Lixarū  
scelus.



fugiuntque: stupentibus rectoribus, quod tumultus initium? quis finis? qui accurrentes ad subita, fugientes increpant, prehenfant, retinent; aut si alijs flecterentur consilijs, metantur castra. Sed initio rapiendi orro, difficilis ultra moderatio; & nonnullorū quoq; diffugijs, latius per omnes scelus. Itaq; non illi, non Centuriones ius obtinent: nihil salutare iam nō modò ad animum, sed ne ad aures quidem admittentibus, quisque sibi timore, exemplo, sit flagitij dux, aut comes.

*Kantimirum tumultuantes aggreditur.*

At verò Kantimirus cum tumultuari in castris, cunctaq; rapinā & tenebris misceri, à transfuga comperisset: haud dubius occasionem sibi opportunam, prosperè gerendæ rei offerri, accersitis Skinder-Bassæ, Galgæ, & Valachorum cohortibus, discretos animis viribulq; aggreditur. Depellebatur utcunque à nostris prima vis; sed alijs irruentem vim hostiū non sustinentibus, passim pars cæteruatim, pars vitatā frequentia, quasi promptiores latebris, diffunduntur. Sed neq; fugæ iter patuit, cum à tenente circū omnia hoste, vincirentur, perimerentur, maximè circa ripā Nestri, vbi manus etiam hostium elapsi, profundā hauriebantur aquā: paucis tantum scientiā vel audaciā auxiliante.

*Zolkeuij exitus.*

Zolkeuius vbi rem perditam videt, immemor sui, memor gloriæ, obiectans se hostium telis cadit. Centurionem leuare eum oblato equo voluisse constitit, sed ille districto acinace, transuerberare equum volens, leui tantum per ætatem ictu, vulneratum repulit. postea vbi densissimæ hostium manus contēdens, neq; ætate, neq; corpore par; præcisā etiam, vixque cuti adhærente dextera, ignorantia nocturnā opprimitur.

mitur. Sensit Konecpolscius collegæ casum, atq; ut fortissimum quenque suorum noscere poterat: *Nostri iam, inquit, opus est milites. agite dum, dilapsis alijs, amisso imperatore, vos præcipui me sequimini. hic aut prope te Zolkeui cadendo, aut victores redeundo, maturam te, nosq; deserentibus, ultionem aut pœnitentiam accelerabimus.* Mutatis per hæc animis, tum quia præfecti & Centuriones, similia quoq; militibus suis ingerebant, plurimi restiterunt. sed pertinacior quàm felicior ipsis virtus fuit. quamvis enim aliquot defuncti prælijs, confertos transiissent hostes: in nouo tamen incidendo, clausi aduersum circumfusus, & fessum cum recentibus iterabant pugnam. Tandem apertā sibi ferro quisq; in suam partem viā, cum distracti, singuliq; aduersus plurimos imparem dimicationē iniissent, labore & vulneribus confecti, in manus hostium venerunt. Morabatur adhuc Konecpolscius & Dinophius victoriā; iamq; interfecto Dinophio, multis nequicquam hostes circa Konecpolscium conatibus captis, cum nesceret Ducem esse, velut ad prædam conuersi, neglectum in acie deserunt. dant interim cuidam negotium, ut gnarus linguæ, simulatā fide ductorem ei se itineris offerendo, viui quoquo modo potiretur. exequitur ille ut iussu erat, deductumque in angustias tradidit hostibus. Capti eo tempore ex illustribus duo Zolkeuij, Ioannes filius, & Lucas nepos Imperatoris: Nicolaus de Komorov Strus, Haliciensis Præfectus: Alexander Balabanus, Woinicensis Præfectus: Samuel iterum Dux Korecius, Nicolaus Potocius, Vlodimirius Ferensbachius, Molinscius, Strzyzouius. captus Martinus Kazanouijs, sed mirā vultus & sermonis confidentiā & simulatione, ab hostibus

*Konecpolscius & aliorum militum fortitudo.*

*Dinophius interficitur.*

*Capti à Turcis.*



stibus non agnitus, in paucissimis diebus, septem tantum captiuus, libertatem, pro gregario milite redemptus, inuenit habuitque. ceteri Constantinopolim abducti. Postero die, ubi primum illuxit, ad legenda spolia, stragemque suorum & nostrorum visendam, hostes insistant. ubi Zolkeuius, inter promiscuas cadaverum strues, repertus, & canitie præque cæteris augustiori facie agnitus, præbuit victori iugulum. Nul- lum caput adeo fixis attentisque oculis lustrasse Skinner-Bassam proditur, siue explenda lætitiâ, antequam illud Byzantium mitteret: seu splendor maiestatis etiam in mortuo, quamvis imitem animum imagine tristi confuderat: vel etiam viri inimici, fortunæ recordatio, & sibi conscia supremi mens, ferum animum aspectumque retinebat. breui enim & ipse quasi supremo edito opere oceubuit. Hæc fuit insignis, atque inter paucas memorata Polonorum fortitudo & clades.

*In Cetsora periculis, non fuisset seueritas, an clementia?*

Sed me quominus progrediar, indulgentiâ Ducum, lixarum impunita olim in Cetsora licentia, an pereundi perdendi que omnia, inuicto tot præliis exercitui causam adduxerit, paulisper retinet. Grande enim in bellis momentum disciplina: rigorque & seueritas vnum armatæ multitudinis munimentum. alibi locus est clementiæ; imperator in castris timebit, nisi timeatur. Neque ista abnuo, scire tamen quod ex usu, quam quod in usum promptius; quoniam & consilio non ita diiudicari potest, quid optimū factū sit, quam euentu pessimè factū esse, si factū est. Atqui seueritate admisissent magis tunc Duces, quam vindicassent scelus. Quid enim futurum fuit, si illa calorum lixarumque plebs, cui nec boni intellectus, nec mali cura, multa & vali-

& validâ, ne in supremo articulo extrema timens, sublatâ spe veniæ pertinacius accenderetur? Reformidat animus euentum ominari, si in confusione illa & lymphatico pauore, cōspiratio aliqua vindices petijisset. Næ tunc fracta seueritas, & sine viribus maiestas iacuilset, cuius remedium erat nescire scelus, quo si intelligeretur, pereundum omnibus fuisset. Prohibuit id ingenium Ducum, eoque modestiâ, ac tempestiuâ indulgentiâ, effrænem multitudinem perduxit, ut insignem etiam frugem virtutis fortitudinisque impunitate ediderit. Verumenimvero dum exercitum ex legem, ac velut bicipitem considero, discordia nostra est, irreuerentiâque Ducum, quæ rem Poloniam afflixit. Sic stare, sic instrui acies iubetur, certæ victoriæ prauitas damno fuit. ire carragine decretum est, pergere duces ultra iubent, tu reluctaris. Adeo nullibi obsequio pares, & bello maius impedimentum, quam auxilium sumus. At dum paruimus, nunquam dolis, nunquam apertâ acie, nunquam æquis, nunquam iniquis locis laborauimus. Tormenta, sagittas, saltus impeditos, malè concors miles timere potest. mille acies grauiiores, quam Turcarum Tartarorumque, auertit auertetque, modo sit illi, constans eius, quæ omnia crescunt, concordia, auctoritatisque Imperatorum, quia à Deo, cura.

*Discordia rem perdidit.*

Interea per Poloniam, nondum cognito, qui fuisset rerum exitus in Valachiâ, multus ubique sermo. cætus passim per vrbes, per templa, per fora, per cōpita visebantur, vario super exercitu rumore dissertium. Alij obsessum quidem, nondum tamen extremis premi, aut com meatu destitui, vulgabant, credebantque: alij velut præfagientibus animis, silentio rerum,

*Rumor per Poloniam.*



rerum, ut sit, grauiora metuebant: alij iam aliquid ab alijs accipiebant: sed ad tempus ista conficta, dum comitia instarent, quod liberior indictio statueretur, exigeretur, omnia ut falsa aspernabantur. Tum verò ubi intulit sese in Russiam hostium exercitus, & victoriae licentiâ, & conceptâ populationis ingenti spe furens ac præceps, atroces iam nuntij, passimque per omnia terror; re subitâ, & quod ad arcendum nihil prouisum, aut paratum. Stanislaus tantum Lubomirscius Comes in Wisnic, Capitaneus Sendomiriensis, paucis ante diebus, suppetias exercitui ferēs, strenuè aliquot circa Leopolim locis, in populantes, prædâque agentes, impetum dedit: sed nec multitudinē, nec in immensum diffuso agmini par, recuperatâ insigni prædâ, præsidio Leopolim concessit. indeque solutiore curâ suggredientes, aliquot eruptionibus retudit fuditque. Sed hostes, abstinentes acie, Leopolim transgressi, Grodecum usque, omnia armis, cædibus, incendijs, direptione proterentes, terrorem latius porrexerunt. Fit undique fuga agrestium, omnis sexus, omnis ætas, illustres, ignobiles, in vrbes congregari. iamque alij pauentium globis immixti, animum vultumque conuersi, quisque sibi, quisque alteri consulere: alij neque dum comperto, quosnam illa vis abstulisset, hic fratrem, propinquum ille, alius parentes lamentari. Cumque malis sicut ingentibus, ita subitis, tumultus & fletus obstreperet; Pontifices quoque inopes auxilij humani, populum ad Deum, & vota vertunt. Et Laurentius Gembicius Archiepiscopus Gnesnensis, ac Martinus Szyscouius Episcopus Cracouiensis, viri aduersus subitaria & repentina, nunquam non instructi paratique, repetitis supplicationibus,

Tartari  
irrum-  
punt in  
Russiam.

Stanisla-  
us Lubo-  
mirscius  
q̃s occurr-  
it.

Tartari  
Leopo-  
lim trans-  
eunt.

Terror  
ubiq̃.

Lauren-  
tius Ge-  
bicius.  
Martinus  
Szyscoui-  
us.

nibus, ad exemplar triennis olim religionis, præcunte verbis clero, cum coniugibus liberisque; paruis, veniam irarum cælestium, finemque cladi, Deum, Diuos etiam Indigetes, Tutelares, exposcere iubent. Auditæ preces. & abscessere terrâ barbari, tanquam bellum potentioribus copijs differrent.

Tum verò haud multò post, palam facti viui mortuique, quos & bellum, & præsens rapina abstulerat, iterum priuatas per domos complorabantur. Sed non alia quam Herburtea, Zolkeuij vxor, non visentium modò, sed etiam reputantium, animos & oculos miseratione afficiebat. Huic nihil non luctuosum, interfecto marito, simulque incertâ spe erepto vnico filio, quo, cum nec luctum, nec oculos solari valeret, infelix matrimonium pertulisse, vitamque atroci dolore, iam è vitâ exempta trahere credebatur. Atque ubi allatum cadauer, quod per vulnus illi ad Bycinum inflictum cognouerat, cruentum truncum amplexa, cuius sortem concessio periculis filio onerâsse videbatur, seruabat sanguinem, vestesque resperfas, inops vidua, anxia spei, implexa luctu bino. Portatum deinde militum humeris cadauer, septum inuersis incōptisque signis, sequentibus lectum primarijs viris, aut de eo emortualis straguli lacinias pendentes sustinentibus, comitante vxore, lugubriore animo quam veste, cæterisque doloris & tristitiæ imitamentis, monumento vrbeque, quam viuus cognomento suo condidit, sepultum est. Is finis erat viri. ætas septuagesimum annum excessit. honores priuatos publicosque, miles primum sub Ioanne Zamoscio, deinde Magister equitum meruerat: defuncto eo, Generalis exercituum Dux factus, moderatè quoad imperiū tantum,

Herbur-  
tea vxor  
Zolkeuij.

Zolkeuij  
funus.

Elogiū.



tantum, postquam Cancellariatum, nimium usque ad finem vitæ, multorum inimicitijs conflictatus est. propensiore tamen Regis, quam civium favore fuit. Moschouiticis expeditionibus clarus, ubi hostilibus armis, captorumque Principum catenis, Basilij Suiscij Imperatoris Moschouia, Ioannisque & Demetrii fratrum suorum, gravem Regi Sigismundo triumphum dedit. Innocentiam iustitiamque eius non argueres. nec minor ex eo gloria, quod incursionibus Cosacorum sæpius turbatam pacem, mirè cum Turcâ temperavit.

Comitia.  
Senato-  
res crea-  
tur.  
Matthias  
Lubin-  
scius.

Georgio  
Dux in  
Zbaras.  
Ioannes  
Comes in  
Teczyn.

Teczynio-  
rum cla-  
ritudo &  
vetustas.

Duces  
belli defi-  
quantur.

Dies deinde Comitiorum Varsoviae iij. nonas No- vembris indictorum aduenit. Creati Senatores. in Episcopum Chelmensem, Matthias Lubinseus, nota pietatis industriaque vir, fecunda etiam fratrum suorum claritudine, surrogatus est. collegio secularium delecti, Georgius Dux in Zbaras, & Ioannes Comes in Teczyn, ambo pari propemodum prudentia, rerumque civilium peritia. qui quamvis per auitas opes gloriamque non concupiscerent, inclyta tamen utrorumque familiae honos auctus est, oblato principe in Senatu ordine, vni Castellaneatu, alteri Palatinatu Cracoviensi: quod utrorumque virtutes, loco, officio, societate connexæ, in supremo fastigio campum exemplumque haberent. & Teczyniorum familia, vetustate & claritudine inter primas, fecunda semper bonorum civium, non interruptis honoribus, in dignitate continua, firmoque in fastigio vestigio, pari semper fortuna, quod in diuturnitate perraro accidit, senium quoque suum & canitiem eodem tenore attrigit. Post hæc de bello Turcico Senatusconsulta fiunt. & absumpto recenti clade Duce, quinam surrogaretur, quaerabant.

bant. Omnium ore Ioannes Carolus Hotkenicius Palatinus Vlnensis, idemque Generalis exercituum per Lithuaniam Dux celebratur, cultu habituque moris antiqui, prospera ubique fortuna, crecto ac praesenti in periculis animo, & quod in viriis dissolutoque milite necessarium tunc spectabatur, disciplinae strictæ & contentæ, à natura & armorum tractatione asper. Nunquam id antehac usurpatum, discretaque & Ducum & bellorum ratio apud utramque gentem fuit. Nam in Lithuanorum ad Polonos accessione coniunctioneque, etsi in unum nomen imperiumque concessum est: suis se tamen, & in æmulationem, & ne inuicem confunderetur, in pace honoribus, in bello officiis, utraque gens separavit distinxitque. Datum tunc magnis meritis viri, quibus magnis haud dubie & prisca Imperatoribus par, ab adolescentia ultra sexagesimum annum, continenti militia & rigore, felicitatem & gloriam extenderat. Huic Stanislaus Lubomirscius Comes in Wisnicz collega adscitus, intentus semper in necessitates patriæ, pluribus pro ea expeditionibus perfunctus probatusque, miro civium favore; quem comparabat ipsi comitas, & beneficentia, non magis magnæ naturæ dotes, quam magnæ in regendo artes, ad obtinenda occupandaque officia & famam accommodata. quippe nemo in regno literis armisve inauduit commendatior, quem non aggredere, suamque ipsum sibi non adiungeret componeretque benevolentia & virtute. adhuc nulla in toto regno sedes hospitalior, ad quam frequentius vel ab exteris Principibus missi legati diuenterent, vel primores nobilesque domestici exciperentur magnificentius, quam Lubomirscij domus.

Ioannes  
Carolus  
Hotkeni-  
cius.  
Eius vir-  
tutes.

Reputa-  
tio.

Stanislaus  
Lubomir-  
scius Co-  
mes in  
Wisnicz.

Eius vir-  
tutes.

H

Quia



Recupe-  
ratores,  
vulgò De-  
putati.

Lustra-  
tio.

Rogatio  
aduersus  
luxum.

Legati  
ad exte-  
ros Prin-  
cipes.  
Grocho-  
uius.

Quia plus pollerent plurium ingenia consiliaque, designati etiam, qui consilijs Imperatorum adessent, conditionesque pacis & arbitria belli moderarentur, vulgò dicti Cómisarii vel Deputati. Exercitus sexaginta milliù sufficere visus properatusque. Præter stipendiarios, delectus etiã Nobilium concessi: quòq; paratior foret nobilitas, vt lustratio singulis annis per prouincias, suis Palatinis fieret, plenius quàm antea & vberius cautum. Facta ibidem militi spes honoratioris militiæ, neuè vlli dum in castris ageret, lis noxæ esset, aut stipedium capto vel mortuo patriæ causâ intercideret, sed ipsum, liberos, vel propinquos moraretur, decretum. Verùm nihil æquè fatigabat, quàm pecuniarum conquisitio, inopi penè regno: cunctaq; scrutantibus optimum visum inde occurrere, vnde inopiæ causa erat. Ita & aduersus ambitionem militarem, & domesticum luxum, rogatio promulgata. Illa scitum, ne auro argentouè cælatus cõpareret in castris miles: altera, statutis ante rerù pretijs, ne promiscuus fieret sericorum vsus, cautum: quæis ambobus in immensum tædijs exquisitoribus, vulgi etiam portatu, pecunia profunde batur. Sed vetabitur istud & retinebitur, palamq; tantum fiet, quibus vitijs impares sumus. olim autem nobilitatē virtute, & hac vnâ notâ, à plebe discriminatam ferunt, nunc etiam humilem faccē illustris fucus velat: quodque præcipuum esse debuerat virtutis familiarumque discrimen, ne fœdiora recenseam, passim miscetur & confunditur. Invigilatum præterea ab omni parte alijs quoq; belli necessitatibus. Actum, vt legati peti- tum externa auxilia mitteretur. Romam, Achacius Grochouius Secretarius Regius: ad Imperatorem, Maxi-

Maximilianus Przerescius Castellanus Siradiensis: in Angliã, Georgius Osolinscius Palatinides, nūc Pala-  
tinus Sandomiriensis: ad Status Holãdiæ, Petrus Ze-  
ronscius Secretarius Regius, missi. egregij omnes, & qui præter alias virtutes artesque, facundiam quoque  
ferrēt. Hæc sunt præcipua arbitrio Senatûs decreta.

Allata deinde Zolkeuij honorum insignia, claua annulusq; Regni. vtraq; per Thomam Zamoscium, Palatinum Kiouia, in frequenti populi, Quiritum, Senatorumque coronâ, Regi reddebantur: oratione egregiè cultâ, quâ laudatis Brutorum, Deciorum, Marcellorum, penes suos milites mortibus, parem Paulo Æmilio Romano ad Cannas, Imperatoris nostri exitum facundè memorauit. erectis ad tam magnificam orationem prorsus omnibus, quam adhuc altius patris in illo imago, Senatorius viri decor, vultus, habitus, gestus dicentis, attendentium animis adfigebat. Sed hæc eius verbis per Poloniam excepta vulgataq; edere supersedeo. Clauâ Hotkeuicius, annulo publico Supremoque Cancellariatu, Andreas Lipscius Episcopus Luceoriensis honoratus, vir iudicio, calamo, & ore magnus, pro veritate firmissimus, cuius amplitudinem frustra stringerem hoc angusto spatio vel manu.

Eodem tempore, Praga Bohemorum à Ferdinãdo Cæsare Regeq; recuperatur. ausa in eum rebellio-  
nem, dum virtutes Principis veretur; nec alijs satis quieta, quamuis scelera segniter ferentibus. Nam & in Rudolphum cœpta erat seditio. petulãtia tantum gentis, cum luxu, libidine, facinoribus, in numerosas superstitiones procax, vixq; illis vltèrius retinendis par, vi ac obsidione ad firmãda diplomate iniqua, legesq;



*Causare-  
bellionis  
eius.*

legesq; sibi libitas eum adegerat: velut amore quietis à Catholicis, curâq; publicæ pacis; ipsis inter tot religionum vocabula discordantibus; nisi quod inter malos euenit, vt aduersus alium, concordēs similitudine coeant. Neq; id Matthiæ Imperatori probatum: sed iniquissimam rem questus, vltra non anquirebat, ipsis tamen agentibus ferentibus cuncta libidine ac permisso. Donec contra fas iusque, exstructis duobus templis, vno in Archiepiscopi, altero in Abbatis Pragensis fundo, vbi æquitate apud recuperatores vincebantur, perduellionem aduersus Ferdinandum induerunt. Exinde arma rapiunt, fasces Regni inuadunt, initio à proiectis in præceps per fenestras iudicibus factis, prono quoq; in scelus populo, quasi prætextu religionis; sed nisi pollutum obstrictumq; meritis suis Regem haud passuro. Mementoq; temporis flagrabat ingens belli lues, circum prouincijs desciscentibus, Vngariâ quoque contactâ, æquè graui flagitio. Dein' hoc ipsum, quod nullus regentes regeret, timentes, Fridericum Palatinum Rhēni vltro sumere regium insigne impellunt; non tam quod ipsum mallent, quàm quod non haberent alium, facili iuvene, dominationis cupidine, & futurorum incurioso. Sed pulso eo hoc mense, non aliud subsidium fuit, quàm pernitas equorum, quæis se & coniugem abstulit, quàmque antea Regem, tam postea propè exulem gessit.

*Legatio  
Bobemo-  
rum, Si-  
lesiorum,  
Morauo-  
rum.*

Peraçto bello, incertū an nescij, ad Comitia tres legati, Bohemorum, Silesiorum, Morauorum (nam & ij desciuerant) Varsauiam veniunt. in Senatum introducti, Statuum suorum nomine variam orationem habuerunt. partim se purgando de interceptis olim

olim apertisq; Regijs ad Cæsarem literis, tum ne suo consilio stimulari cōtra Polonos Turcam, aut proposito excindi Catholicam religionem crederetur: partim postulādo ne se, veteres socios, à Lissouien- sibus, olim ad Cæsarem transgressis, fœdius spoliari vexariq; quàm hostes, patiātur: & cum auxilia aduersus Imperatorem non implorent, aduersus se etiam miles contrahi non permittatur. Finitâ legatione, dimissi benignè: fœdera q; & pacta quæ cum maioribus ipsorum intercederent, seruare velle Polonos responsum.

Sequitur immane portentum, quid exhorrescis calame? tunc primum in Polonia auditum visumq; nefas, hoc solum ab ipsa excusatum, quod nemo alius parricidæ nomen aut conscientiam commodauit, quem (ne per flagitium quæsiuisse famam se putet) æterni etiam silentij pœnâ, quàm nomine aliquo affecero. Intrabat ex more templum Rex, Deo primùm sanctimoniamq; attentus, antequam animum ad curas Regni verteret. & ecce nefarius foribus abditus, asperatum saxo ardentemq; malleum, rostrato mucrone in caput prætereuntis attollit; opportuno tunc flagitio, cum Vladislaum Principem, Primoresq; sequentium occupatos, & sustinentes à tergo turbam, ipse etiam portâ paulum ad limē adductâ moraretur. Sed ictum fallente manu, leui tantum genæ vulnere, bis in humerum manubrio illisit: tertium iam ad verticem directū, obuersus Lucas Opalinskius, Marschallus Curiae virgâ retinuit infregitque. Concidit Rex graui casu. per læue & lubricum pauimentum, omnibus parricidam persequentibus, ac maximè Vladislao filio: quem à cæde percussoris, pietate & dolore violentum,

*Parrici-  
dium Re-  
gis atten-  
tatum.*

*Lucas  
Opalin-  
scius ictū  
infregit.*



Martini  
Szyfcouij  
famuli  
Regem  
subleuat.

Ioannes  
Kalinſci-  
us.  
Bon-ue-  
tura Ro-  
gaſcius.  
Ioannes  
Zebrzy-  
douius.  
Martini  
Szyfcouij  
Regem  
in templo  
excipit.

lentum, quanquam inflictio iam percussori vulnere, ægrè alij tenebant; non miseratione aliquâ, sed quò suspecti latius sceleris indicio reus seruaretur. Inter-  
ea Martini Szyfcouij Episcopi famuli, prouolutum iacentemq; Regem aspicientes, veloces accurrunt. Atq; hærentibus cunctis, cum auxilium periculi cuiusque, aut suspicionis tardaret metus, primus Ioannes Kalinſcius, adiuuante per manus Bonauentura Rogascio, acceptum medium terræ adleuat. accurrit & Ioannes Zebrzydouiſus Enſifer Regni, simulq; voce, manu, stricto gladio exprobrat scelus. Opertum deinde gladijs manibusq; familiares Episcopi, ad ipsum, qui tunc peracto sacrificio, inſcius omnium, in occursum Regis facello prodibat, deducunt. Is Regem sanguine oblitum cernens, attonitus, silentio, mox fletu exceptum compellans: *Non hoc, inquit, optime Princeps, infelicibus votis inuocaui, ut superstes, labem in super hanc in patria cernerem? Hæc in te tibi pro omnium cura summaq; bonitate redditur gratia? Noster is dolor, nos isto sanguine perfusi, cum vulnere tuo nostrum omnium capita, Reipublicæ salus peteretur.* Simul amplexus ægrum, premebat vulnus, adstabatq; attonitus, miserabili inter sanguinē & lachrymas prospectu. quippe cuius periculum morte sua redimere piissimus Pastor optaret, hunc ipse in templo temeratum, tanquam victimam ad aras fauciam, foueret, voce, complexu; verè animo Senator, pietate Sacerdos, amore Ciuis. Neq; deinde abcessit à latere, sed post cum nonnullis aduenientibus Senatoribus in palatium comitatus, felicitatem etiam diei primus in Ecclesia, in quâ Rex vulneratus, supplicationum honorauit celebritate.

At verò nondum planè vulgato Regis periculo, pauen-

pauentia fora templaq; & per urbem tumultus. nã neq; scire quid contigisset, nec percunctatibus ignari reddere responsum poterant: & clamor vbique, diuersa rogantium, incerta respondentium, & concursatio incidentium aliorum in alios, quasi hostis urbē teneret, populum affecerat. quousq; attentatum Regem parricidio, sed ire in melius valetudinem, rumore, mox aspectu, (nam ut sedaret motū, absterſo cruore, videndum se præbuerat) incolumem etiā esse pernotuit. Dona ob hæc templis decreta, grateſq; Deo: Genus armorum, quo necem Regis parricida tentauerat, veritum abrogatumq; præmium subleuanti à Regina torques aureus, trigintaq; millia sestertium, à Senatu, bona percussoris data. Nam Rex clementissimus casum æquo animo ferebat, nec quicquam acerbum vel indignum locutus, quinimò pro percussore deprecando, pro suâ parte veniam illi ac velut innocentiam donabat. obſtinârunt tamen omnes, & quamuis nefarium palam mente captum constaret, hoc tamē illi veniam omnem ac misericordiam exemerat. Et cum nec tormentis, nec ignibus, nec vllis pœnarum experimentis quispiam conscius inueniretur, ille nihilominus iudicio publico damnat⁹, omnibus exemplo & spectaculo destinatur. Itaq; arreptū lictores, candentibus hinc inde forcipibus lacerantes extra urbem deducunt: ibi emineti ad id facto theatro, aptatam malleo rostrato dexteram flammis adurunt, nudisq; iam fluentem ossibus, cum læuâ amputant: postea admotis quadrigis distentum, illigant, equisq; in diuersum concitatis, lacerum corpus, laniataq; partes cremati, ac cineres disijciunt.

Fine anni vulgantur prodigia. Terræ motus non aliàs

Terror  
per Var-  
ſauiam.

Clemen-  
tia Regis.

Supplicium  
parrici-  
de.

Prodigia.



aliàs latior, Leopoli, Cameneci, Luceoriæ, Halicij, & per alia ignobiliora oppida. horridior adhuc crebriorq; per Valachiam; vbi ventis per caua terræ citatis, rupti aliquot montes tumuliq; sedere: sed præcipuè vno loco tellus decussatim vasto specu collapsa dimotaq; fuit, indeq; scaturigines fluxisse memorabantur. Item ex villa Sytkovve ad aliam sponte transiens clius. Iisdem diebus excursionem cohortis, quam Duces in Zbaras hostibus prædas abigentibus obiecerant, Turcarum legatum ad magnum Chamum euntem, interceptum accepimus.

Annus  
1621.

Causæ  
Osmano  
belli mo-  
uendi.

Iam annus primus, post vigesimum sexcentessimū & millesimum numerabatur, cum cæso in Valachiâ nostrorum exercitu, fortuna mouere atrocius Turcas, rebusq; Polonorum maiori terrore incumbere cœpit. Vim ei dabant, cum præteritorum annorum, impunè à Tartaris Turcisq; continuata illataq; nobis damna cladesque, tum præsens longè amplior successus, expugnata delataq; cum Zolkeuio castra, capti abductiq; Constantinopolim, multi militares & summi viri: atq; si non per vices, sed simul pariter vnum vndiq; bellum moueretur, pretium non irritæ spei, prædam vniuersum regnum ostendebant. Accedebat percitum & ferox Osmani Cæsaris ingenium. Adolescens is, cui vix viginti anni exacti, quò magis post obitum Achomatis patris, inter prima imperandi initia, in res secundas incurrerat incideratque, hoc magis moras & consilia perosus, cupidine ab se primo absoluendæ victoriæ gloriæque, quam nemo ante habuisset, flagrabat. Intendebant furorem intimi & præpotentes in aulâ ministri, quantò maiori gratiâ vel metu, apud peruicacem eorum quæ libuissent,

Incenti-  
res.

sens, consilia accipiebantur, tantò maiori omnia approbantes facilitate vel ignorantia. Plurima vis penes Hali & Skinderum Bassas fuit, alterum aulæ, militiæ alterum præfectū. Skindero magna apud Principem auctoritas, ab industriâ & rebus feliciter gestis: Hali-Bassæ adulatio obsequiūque, quibus inter ephobos adlectus adhuc puero placuerat, vberiore beneuolentiam, summumque in imperio officium, & post Cæsarem potestatem (Vezeri Turcæ appellant) auxere. Vterq; Polonis sæuè infensus, hostis quam socius iactabat. Sed Hali-Bassam irâ inconsultius agitabat. Skinder-Bassâ cautior, belli periculorumque haud sanè detrectator, odium consilio & occasione tegebat temperabatque. Ferunt, appetentem continuo belli animum Osmani, vnum diutenuisse, multa paruaq; sua & Tartarorum prælia, in summam vnius validi belli, trahendo componendoque. Mors eius maturauit omnia, dubium fatis an vi properâ. credidè quidam, à Dilat Geréo Galsga interfectum, mutuâ inter ipsos in reditu, de remittendis Constantinopolim nostrorum captiuis, altercatione inde cæde ortâ. captiuos certè plures, quod satis constat, Galsga retinuit.

Skinder-  
Bassâ.

Hali-Bassâ.

Mors  
Skinder-  
Bassâ.

Cæterum post finem Skinder-Bassæ, Osmanus cum cohærente sibi Hali-Bassæ ingenio, velut iam occasione & absoluendæ victoriæ reliquus, instare fortunæ, festinare conatus, tractare præliorum vias, antequam bellum explicaret, arte, mercede, dolo. Tunc missi in Poloniam occulti nuntij, quodq; promptior videbatur, inter discordes religione, perfidiâ, per Russiæ provincias pleriq; rituum Sacerdotes: per vrbes, ibiq; per Cosacorum contubernia, furtim adrepere:

Ante bel-  
lum va-  
ria Tur-  
carum  
artes.

Corruptio  
res per  
Russiam  
dimisit.



*Cracovia  
fide com-  
cisa &  
sparsa ca-  
uavera.*

Cofacis Kijouiam, Camenecum, aut quemcunq; præ-  
dā legissent locum elargiri : alijs tributa dimittere,  
immunitates, præmia promittere, simulque nil faci-  
noris negligere. Non omiserim fœdum & atrox tūc  
visum Cracouiæ flagitium. sparsa per publicum, per  
latebras, humanorum corporum membra : hic ma-  
nus, illic pedes, alibi nares, digiti, & nuspia existen-  
tibus inuentisq; capitibus, laniatorum cadauerum, in-  
formes tantum reliquiæ. Quæ quidem inter auctoris  
& exanimatorum ignorationem, motis in metum  
animis, perinde credita, ac si Regnum veneficijs &  
deuotionibus à Turcis peteretur. Sed & crebratunc  
igniu violentia, absumptaq; flammâ, duo haud igno-  
bilia oppida, Rzesouia & Debica, ipforum artibus  
assignabantur : adeo tamen sine inquirendi curâ, vt  
diu postea fors an scelus continuaretur. Enimuerò  
Lublino, quendam perfidiæ deprehensum, mox pu-  
blicâ socordiâ, amiciq; monitu elapsus audiuius.

*Vilnae  
um Schi-  
smatica  
rum con-  
iuratio.*

Et Vilnæ simile huic flagitium compertum, inter-  
ceptis ( nisi quod in re certâ, & breui suppressâ me-  
nominum error habet ) ad Turcam, an ad propiorē  
Moschum literis, quibus descripti vrbium oppidorū-  
que nostrorum positus, & aliquot ciuiū perfidia por-  
tabatur. Quippe plurimi illic Græcorum ritibus in-  
stituti, & horum præcipui, libertate fidei in quodcū-  
que seruitium inclinabant, magis importunitatis cō-  
tra credentium, quam obsequij impatientes. Cōpre-  
hensi deinde, cum in carcere haberentur, exorsus  
ignis, plurima per continuum ædificia, magnamque  
partem fori corripuit. Quod, quanquam versi ad ex-  
tinguendum ciues, in fortunam vrbis, multo ligno-  
densisq; vicis igni obnoxia, aut hostium suspecta fa-  
cinus,

cinus, incendij infamiam auerterent; tenuit tamen,  
fama, ipso met ciuium manibus ignem subditum,  
quasi reorum miseratione, vt per tumultum suppli-  
cio eriperentur. Certè non multò post, duo ex con-  
iuratis, sponte vim vitæ suæ attulere, ante Regis sen-  
tentiam & à domo eius coëptum incendium, qui  
Varsauiam integram de ijs relationem Regi ferebat,  
suspicionem fecit.

Nam vt paucula historiæ meæ superaddam, fuit *Excursus  
ad diuer-  
sitate  
religio-  
num.*  
sanè hoc tempus, omnium quantum experti fuimus,  
religioni perquam atrox & calamitosum, ac tumul-  
tuum rebellionumque, quæque per populos & regna  
cultuum error & peruicaciâ creare solent, nimium  
ferax & metuendum. Inde Germaniam implacabi-  
lia contra Ferdinandum Cæsarem excitata bella, Fri-  
dericum, Mansfeldicū, Bethlemicum, Danicū, Ru-  
sticum, Sueticum, Saxonicum, Gallicum, inuolue-  
bant : nos quieti magis, quam tuti fuimus, amotis pro-  
cul, vnde alibi inuitabiles resurgebant motus, reme-  
dij asperitate & formidine. Nam Sigismundo alia co-  
ercendi hanc pestem fuit via, statimq; ac regni guber-  
nacula capeſſijt, ne se attolleret, obuiam iuit, mori-  
bus tantum suis & exemplo. Plurimum circa initia  
eius imperij virium Hæresis & Schisma habuit. Illa  
minimè regni nostri incola, sed externorum popu-  
lorum, qui se nobis, partim cum bellis, partim cum  
mercibus infuderant, cōtagione importata; primum  
vrbes oppidaque, mox villas regnumq; corripuerat  
infederatque. Iam intra eam publica munia negotia-  
que erant maxima, potior pars Reipublicæ, magni  
honores, primores Senatus, denique forum & ius.  
quando Sigismundus altius suspectans vim efferentis  
se mali,

*Quomo-  
do eam  
coercuit  
Sigismu-  
dus.*

*Hæresim.*



se mali, & aduersum intentior, quod Sueciæ Regno exciderat, remediū parauit, deferendo sufficiendoq; in præcipua munia & honores Catholicos, quando- cunq; illā ex parte aliquis morte cessisset. Non ultra incitatae poenæ, non Senatusconsulta legesue. vbi ad præmia septa fuit via, secuti statim pauci, & prisca receptaq; suo pte etiam ingenio repetebantur. Nā largitiones in Polonia in manu Regum, & Sigismundus natura mitis, ac minimè formidatus, nouæ insuper artis repertor retentorue, cunctatione, alienum am- bitum spemq; ad mutandam religionem traxit, alio- rum peruicaciā rædio & desperatione fatigauit. Con- tinuata hæc ipsi ratio regedi per quinq; & quadragin- ta annos. composita Respublica, purgatus contagio- ne Senatus, dispulsa seditio- num discordiarumq; irri- tamenta, quies & otium Regno in longum parta, aut sublati capitibus, minor vis in plebe relicta. Schisma vt domi natum, & quod subiectæ continuæq; tot Re- gno gentes tuentur sequunturq; haud perinde con- uelli potuit. Nam quamuis remoto ab administratio- nibus, nihilominus potentia magna erat, habenti in- manu arma, & formidinem ex Cosacis, qui maximis imperijs interiecti, quàm Turcarum bella prouocant sustinentq; tam sua libita ritusq; peruicaciter prose- quuntur, perinde feroces in hostes suosq; compari inopiā & libertate. Inita alia ratio, ad retinendam, iuxta concordiam atq; obedientiam, erga Religionē Regemq; Quippe adnitente Sigismundo Clemēs Pontifex nomine Octauus, paternā indulgentiā & moderatione, inspectis Græcorum institutis & cæ- remonijs, ex iisq; nonnullis reiectis, pluribus retenti- tis, Ruthenos, qui eorundem cum Græcis ritum sunt, ad vni-

Schisma.

Vnde eo-  
admirare  
capitū.

ad vnitatem Ecclesiæ admisit, & Catholicis Romanis iunxit; indito vocabulo, quod proprium à coop- tatione Vnitorum præferunt promouentq; Addita à Sigismundo templa, dignitates honoresq; Episco- porum, & alia decora, quæq; sibi ipsis, ferocissimas gentes popularesq; à Constantinopolitano Patri- archa, ad Romanum Pontificem, receptamq; reli- gionem reuocantes, præmium peperissent. Promo- uebatur ea res, non inferente ultra se Rege, magnis per prouincias inimicijs & incommodis. licet po- pulus partim schismate corruptus, partim metu suo- rum Antistitum, ne minueretur ipsis potestas impul- sus, euersum ibat illud religionis auctarium. Sæpè ag- gregantibus sese in spem rapinarum egentissimis, tē- pla Vnitorum fœdā licentiā auaritiāq; direpta, bar- barā immanitate in sepulchra, in requietem mortuo- rum, diuina humanaq; sæuitum. Sacerdotes & Epi- scopi quæsitis ad ignominiam, cruciatibus maectati. Quorū occasione, in Lithuania facinus atrox, secu- tumq; illud miraculum omittere hic haud libet. Eru- pit illud in vnum ex Vnitorum numero, Archiepi- scopum Polocensem. Nomen viri Iosaphatus Kon- czeuicius, celebre cum ob austeritatem vitæ probi- tatemq; tum ob diligentiam curamq; quā pluri- mos ab schismate ad Ecclesiæ vnitatem viamq; reuo- cauit. Vnde odium. & tanquam ob flagitia intolera- bilior habebatur. Igitur cœtu cōactō Vitebscij degē- tē inuadunt, ædes pari celeritate & rabie perfringunt irrumpuntq; Vulnerantur alij, alij fugantur mini- stri. Ipse ad clamorem cubiculo obuiā egressus, post- quam irruentem turbam, factā cruce signasset, quid- que posceret, quæsiuisset; mirum, repente omnium

Non ta-  
men pro-  
stere.Occisus  
Archie-  
piscopus  
Polocen-  
sis.



manus & furor perterritus, à contactu viri stetit ob-  
torpuitque. Duobus deinde ad eum versis, inchoata  
iterum se rabies collegit reualuitque. Raptatum in-  
sanè cadauer, atq; indignissimis modis vexatum, alli-  
gatis grandibus saxi oneribusque, ex monte, in quo  
ædes eius erant, in præceps fluuijque profundum ia-  
ctum, altero ingenti miraculo sanctitatem viri com-  
probauit. *A morte eius miraculū.* Conspectus illicò ignis, plurimam famā  
lucemque ferens, diu supra illud effulisse sedisseque.  
idem cum per profunda vestigaretur, iterum ab imo  
emerfisse, ac quærentibus præiuisse, locumq; vbi la-  
tuit ostendisse. *Id exemplum leges in Animalibus meū, Anno 1623. quo tempore factum.* Quod retuli vt cognoscatur, quam  
difficile tardèq; mansuescit perucax & implacabile  
malum. quod attentum in potentiam & vindictam,  
cum toto orbe hostes tunc in Catholicos quæreret,  
in posquoq; iram rabiemq; suam Turcis tradere po-  
tuit; quanquam domi præ se tulit quietē magis quam  
securitatem. Nunc ad rerum ordinem venio.

*Cosacorum  
irruptio  
in Vala-  
chiam.*

Inter quæ & alia, velut ad classicum futuro bello  
dandum, ad trium millium sponte collecta Cosaco-  
rum, propter Tyram fluuium accolētium, manus, in  
Valachiam irrumpunt: villas, domos, agros, & quæ-  
cunq; inualida, ferro flammâq; peruaſtant. satis pro-  
spero impetu, si eum per villas agrosque continuauif-  
sent: vrbes & castella, quò Valachi se, vxores, libe-  
rosque, maturè contulerant, subeuntes, neq; metum  
clausis addiderant, & audaciâ propè subeuntium ab-  
repti, minori numero domum reuenēre.

*Sacerdo-  
tum Sy-  
nodus.*

Sic temerè motis belli principijs, curæ quoq; pu-  
blicæ per Poloniam incepere. iuuentus, arma, pecu-  
niæ parari, eâq; causa conuentus ab Episcopis haberi,  
quæ de tenendis firmandisque cæremonijs, simul de  
iuuan-

iuuandâ Republicâ, ad Sacerdotum Synodōs refer-  
retur. Sanè rarum id, nec nisi supremis patriæ neces-  
sitatibus vsurpatum: tunc verò tanto imminente bel-  
lo, proximè præteritis Regni Comitij, vtrò ab Epi-  
scopis oblatū reuocatumq; est. *Szyskonijs sententia de iuuan-  
da Repu-  
blica.* Quo tēpore cōuētūq;  
Regni, insignis & laudatis antiquorum exēplis, simi-  
lis, Martini Szyskouij Episcopi Crac: sententia fuit:  
quâ, vt priuatim procerum quisq; dimidio reddituum  
suorum Rempubl: iuaret, censuit: ni quorundam  
arrogās moderatio, ac si eo facto in posterum liber-  
tati quiddam demeretur, ipsa vtili & honesto, dem-  
plisset consensum. Idē & secuta Pauli Voluccij Epi-  
scopi Vladislauiensis sententia habuit. quamuis nil  
certum, sed pro arbitrio cuiusq; conferendum cense-  
ret, Symbolum id caritatis in patriam appellans. Igi-  
tur præter decretas per Regnum octo indictiones,  
haud parua pecunia, ipsorum etiam Sacerdotū mu-  
nificentia collata est. *Iudeorum  
exigua  
collatio  
pro potē-  
tia ipso-  
rum.* Quò magis mirum fuit, quòd  
commoto velut templorum ære, Iudæi exigua im-  
peratâ per capita, septuaginta millium florenorum  
collatione euaserint: gens non alibi frequentior, nec  
tantum per solitum fænoris flagitium, sed transigēdis  
negotiationibus omnis generis, administrandis etiā  
multorum nobilium bonis apud nos opulenta. Ita ne-  
glecto domi remedio & inopiæ causâ, foris, & in ex-  
teriorum opibus expectatio fuit. *Subsidia  
extero-  
rum.* Gregorius Deci-  
mus quintus Romanus Pontifex, destinatâ in Germa-  
niâ, Ferdinando Secundo Cæsari, haud modicâ pe-  
cuniæ summâ, vbi res religionis cum Hæreticis & re-  
bellibus vertebatur, pari munificentia aliam in singu-  
los menses, quoad bellum cum Turcis durâſſet, nobis  
attribuit. nihil huius liberalitatis postea expertis, tam  
diu e-



*Jacobi  
Regis An-  
glia.*

diu eam ministris non expedientibus, quoad pax & dilapsa necessitas emanauisset. At ex Britannia à Jacobo Rege missa haud spernenda militum manus, legatum Georgium Ofolinscium sequebatur: quanquā ferum quoq; à tanto recessu subsidium, & in Liuoniā Adolphi Gustavi artibus, meditantis tū maximè nouum atrociusq; in nos bellum, ab aduentu in castra belliq; vsu auersum, in quo tamen prolixus animus & voluntas erga nos magni Regis patuit. Ab alijs præcisa spes fuit, per varias excusationes necessitate suæ proprias, aut inopiam ærarij, quod tantum nobis defuit, nam animus in paucitate etiam superabat.

*Suppli-  
cationes.*

Cæterum antequam Petricouiam congressi Episcopi, collationes suaq; placita componerent firmentque, pro fortuna Regis Regniq; suas quisque cum Sacerdotibus per prouincias decreuere supplicationes, adiuere templa, nuncupauere vota, haud fermè aliàs intentiori populo, ad publicam necessitatem, & eorum certamina. Equidem Cracouiæ, præter alia alibi reperta aut multiplicata decora, Septem Ecclesiarum honos, quia nouus, mouerat eò plus famam populumq; quò minùs Italiae quoq; ipsi frequens, alijs etiam regnis negatus est. Dies quo à Szyfcouio nuncupabatur, Sacerdotum copiā, concursuq; populi celebris. plena urbis itinera, templa, forafesto cultu plebs, Magistratus, Sacerdotes. Ipse Episcopus, quamuis asperrimo hyemis, quò minùs per se designaret dedicaretque, haud abstinuit: deductus ingenti Sacerdotum agmine, prælatis signis, tabulis, votis, quæq; opulentia Regum, & prisca aut recens Polonorum pietas & munificentia, prosperè, vel in metu sacrauerat. Secuta deinde, Kalèdis Maij, Petricouiæ Episcoporum comitia. Dum

*inducta  
& dedi-  
cata à Sy-  
siano.*

Dum ea hîc gererentur, iam Osmanus Cæsar in armis & viâ erat, ingenti terrore apparatuq; , ab omni tractu partibusq; imperij, viris, equis, armis, eum sequentibus. Nam præter Tartarorum lanissariorumq; suetum militum robur, compulsus aduersus vnum regnum, quicquid castrorum aut hinc prætenditur, aut mari dirimitur. Accitæ cum ingentibus auxilijs procul & iuxta sitæ prouinciæ. Mota Arabia, Syria, *Copia.* Ægyptus, versiq; in Orientem populi, vt non virorum rerumq; inopes, ita pleriq; longâ pace defides, ac bellorum obliiti, numerus tantum, vel quod famâ vix cogniti, terror. Sequebatur, nisi ad præsentiam Cæsaris arma sumere suetus, Magnus Chamus, seu Regulus Tartarorum, Dziambet Gereus. Comitata in aciem belluæ, magna vis camelorum, quatuor elephantum, summaq; totius supra ter centena millia exercitus. Neq; is in bellum profectiois Osmani dies, vt *Omina  
& teme-  
ritas.* fermè magnorum operum initia, ominibus caruit, veris an fabulosis, à tanto interuallo haud discreuerim, nisi quod fama ventura nō semper fallit, aliquādo aperit; & post euentum, peracto velut vno ictu belli, mox Cæsaris sine, prout tunc maximè omina & vaticinationes depromuntur, plures vulgauere credereque. Monitum à patruo Mustapha, caueret periculū, quod, sæpius in somnis visa eum persequi miræ magnitudinis serpens, portenderet. Iisdem quoq; minis, ipsimet Osmano, obuersatam nocturnâ quiete, patris feralem imaginem: egredientiq; cui maximè insueuerat, pauidam è somno mulierem, ac si perfusum manantemque cruore vidisset, metu & illecebris adhæsisse. Adjiciunt his, terræ motum, aliaq; plura, sua, aliena, ab ipso cōtempta, vt fortuita, seu quòd

K

non vi-



non vitentur, quæ fato manent, perinde observata, quam neglecta. Equidē satis constitit, fuisse aliquos, qui cogitationibus eius obuiam ibant, dissuadebantque bellum: sed obstinatione & furore iuuenis correpti, suo exitio, cæterorum quoque consilia, & voces consumpserant. Nam eadem causâ notatus quēdam, probitate, iustitiâ, gentiliq; religione inclytum, ad alias innocentum cædes adiecisse, & quod in omen, imminentis mali vertebatur, immemor Osmanum, quoque nominari.

*Hotkeu-  
cij expe-  
ditio.*

Cum hæc insueta mali moles Regno nostro instaret, Ioannes Carolus Hotkeuicius, in bellum quoque accingebatur, nequaquam suetâ festinatione, primos rerum dies cunctatione terens. Quippe fama tenuit, destinatum intimis publicisq; apud Regem consilijs fuisse, non expectandum domi hostem, ut compositis castris intraret Valachiam, Nestroq; & limine tenus propulsaretur, sed præcipiendum iter in Valachiam, pontemq; iniicienti Danubio occurrendum. Siue enim, prout fluxa & ad omnem auram spei metulvè mobilis genti fides est, in possessionem, siue in evastationem Valachiae venisset miles, utrumq; permagnum videbatur ferendo bello momentum, hosti, aut transitu ad Danubium intercepto, aut permissio per annonæ rerumq; omnium inopiam. Seu verum fuit, idq; elanguit, ut habitus animorum est, principid intendere consilia effusius, postea contrahere & attemperare, tandem pro naturâ rerum dirigere, & necessitate circumscripta, sequi non eligere: seu ex præoptatâ multis, hac hostem aggrediendi viâ, exagitata tunc fuit alijs nominibus in Imperatore mora. Nam cum tantum belli præmanibus esset, causam eius alij

*Cur tardior.*

aliò

aliò, pro affectu & opinatione, referebant. Pars in, <sup>Prima causa.</sup> prudentiam Imperatoris, donec per Senatusconsultum decreto sexaginta millium potiretur exercitu. clara enim temeritatis Zolkeuij documenta, & nisi vires adfuissent, quibus sustineri potentia Turcarum potuisset, positurum imperium non occultus rumor incedebat. Alij in negligentiam coeuntium militum; <sup>Secunda.</sup> quos maturè antea tribus edictis, ad locum, Tatarzy-szeza nomē habet, frustra euocauerat. Id enim periculū fuit, ut vetus & multorum bellorum Imperator, nisi adnumerato milite, velut tyro fortunam ex multitudine præsumeret: cum postea decem & septem milibus succinctus, quod roboris cum Lubomirscio coegerat iunxeratque; hostium immensis copijs in Valachiam processisset. Plerisq; materia rumorum erat, <sup>Tertia.</sup> orbitas initæq; tunc & celebratæ Iarossaviae nuptiæ. Nimirum datum exemplum militi, segnitiam aut alacritatem ex moribus Imperatorum suorum æmulati: ire ipsum, portare auctoritatem, debuisse. venisset miles, ubi Imperatorem euntem, eundemq; disciplinæ & mandatorum supremum adesse sensisset. Nec deerant qui crederent, sicut sæpè suamet sponte præfaga mens mali est, in animo eius tacitum aculeū, sensumq; instantis fati obhæsisse: quo, ne urgente exitu præuerteretur, in extremo & summâ vitæ, firmare domum posteris, optatæq; ex coniugio prole agitaucrit. Additum & hoc, rumoribus nihil silentio prætermittentibus, monitu Genethliaci, atque cupidine obscura credendi, quemadmodum mos est Principibus viris, inter instrumenta rerum inchoandarum, Mathematicos fouere, promissis quàm vero & scientiâ feliciores, accommodatum tum coniugium, quò

K 2



*Quarta.* quò astris opportuniùs euenisset. Nonnulli illud iactatū, non obscurā etiam famā, in pròptu habuere: alacritatem excussam fuisse Imperatori, additis arbitris & moderatoribus bello, qui nihil ad id muneris ex se desiderari, aut vnquam antea voluerit, aut tum senex potuerit. Quod factum licet palam dissimularet, aut contemneret: haud dubium tamen habebatur, quin altè cum indignitate descendisset in animū viri, & dignitatis tenacissimum, & nouæ gloriæ decorisq; tunc potissimum, cum geminatum imperiū, nouæ potentiæ hospitem, ad insigne aliquod facinus magis accenderet, cupidissimum. Nec aliud eum, quam iacta alea, necessitasq; & cæpta deferendi dedecus, in accepto officio retinuisse creditur. Inter hæc aliaq; apud plures, intimæ existimationis ætas habuit. quippe plerunq; præcauti Imperatores veriti fortunæ satietatem & retrocessum, in re quâcunq; agredienda ancipites consilij restitant, aduersus incertacasuum vndiq; se circumspiciunt, & retrahunt potius sapienter pedem, quam parta cumulataq; multorum annorum bona, gloriâq; in vnius horæ dent discrimen fortunæq; temeritatem, haud infrequenter præhabentes, vulgatam illam veramq; vocem, *Fortunam esse iuuenum amicam*; cuius interitum finemq; tam certò cuiq; expectandum esse, quam vitæ. Quin curiosiores propius exemplo duos nostro æuo maximos Duces, Zolkeuiū & Hotkeuicium, admouebant componebantq;: quos tot victorijs celebres, longa ætas vertenti demum præbuit fortunæ, amboq; in extremo vitæ actu, velut in pœnam properatæ famæ, comparabili exitu, eadem in terrâ locoq; tumultauit. Quos quia res ipsa nobis intulit, non nihil inter-

*Cōparatio Hot-*

intererit, sicut virorum primarum partium in Republicâ, breuiter vt scire virtutes, ita admirari diuersa ingenia naturamq; . Igitur his genus, ætas, opes, propè æqualia fuere: magnitudo factorum par: ambo bellis Moschouiticis, Hotkeuicius plus Liuonicis, Sueticisq; floruere. inde militiæ vtriq; magna scientia, sed vsus alij alius. Hotkeuicius subitus consilij, sed euentu felix erat: cautior quàm promptior habebatur Zolkeuius. Ille bella manu & armis componere, alter sapientiâ & consilio, gaudebat. Hotkeuicius despiciendo pericula, agendo, laborando, famā extendebat: Zolkeuius fortunæ moderando, post captos bello Moschorum Imperatores, partam gloriâ, intactumq; nomen quietè obseruabat. Alius nil ob formidinem recusabat: alius nil ob iactationem appetebat. Alterius temeritatem audacia in fortitudinem emendabat: alterius prouidentiam cunctatio in metum corrumpebat. Zolkeuius æquus, misericors, & sæpius exorabilis: Hotkeuicius grauis, intentus, seuerus, & malis iniucundus. Cæterum in vtroq; nihilo minor erat pro gloriâ, vitæ cōtemptus; par cura publicæ salutis; eadem erga Regem fides, & pro Republicâ fatum: vt quantum his alijsq; virtutibus gemini, tantum in officiorū administratione, ab omnibus pares magis quàm similes haberentur.

Interim Stanislaus Lubomirscius Comes in Wisnicz, assumptis propriis cohortibus, & pròptissimo quoq; excito, ad quintū Kalen: lunias, castra ad Skalsam oppidum posuit, ad primas belli curas, & vnde in vltèriora spes, prouidè intentus. Insestæ Nestri ripæ, ne transmittenti, cum opus foret militi, aut iniiciendo ponti, hostiles copiæ impedimentum adferrent,

K 3

(iam

*Hotkeuici cū  
Zolkeui.*

*Lubomir  
scius ad  
Skalsā op-  
pidū ca-  
stra ponit  
as. Maij.*



(iam enim in Valachiâ Tartari, cum Duce Kantimiro volitabant) imposita præsidia, occupata munitaque loca, quâ arcendi erant hostes. Ipse in castris, nihil cæterorum extra curam suam pati, clam fidissimos ad hostes submittere, cõsilia eorum penetrare, exercitui commeatum conuocere, alimenta parare, machinas & tormenta cuiusq; generis explorare, reficere, iuxta ac si hostes adessent, stationes, ordines, vigiliâs intendere, fortissimum quemque, alios militiâ, alios famâ cognitos ambire accireque, præsentis interuifere, alloqui, hortari. Mouit exemplum & inuitatio, breuiq; alij se copiasq; castris intulere. Quanto numero eæ constabant, haud quaquam intertrahentes discrepat. Decem & septem millia cum Hotkeuicij vniuersè fuisse, præter Cosacos, & quam Vladislaus Princeps manum postea addidit, fide digni tradunt. Inerant cum conscriptis priuatâ impensâ militibus administri belli & Commissarij, primariæ in Regno existimationis & nobilitatis viri; Nicolaus Siemiauius Scissor Regni, cuius frater Præcopius, suam quoque equestrem centuriam hastatorum ducebat: Matthæus Lesniouius Præfectus regundorum in Belzêsi prouinciâ finium: Michaël Comes in Tarnovv, Iacobus, Marci Sobiescij Palatini Lublinensis filius: Ioannes & Paulus Dziasynscij, hic Pokrzyvvnicêsis, Bratianensis ille Præses: Nicolaus Kofakovvius Vinnensis Præfectus, æquè consilio ac manu prompti; & Sobiescius inter alia decora à Dijs data, facundiam obtinebat, cuius adiumento & gratiam promeritus ciuiû, & ab his Regeq; non rarò Reipublicæ curis & necessitatibus domi forisq; admotus, impositum munus & strenuè gessit, & vbiq; confecit feliciter. Adfuere

Numero  
copiarû.

Qui in  
castris  
Commissarij.

fuere pari nobilitate ac dignitate, bellicâque virtute conspicui, cum manu quilibet suâ, Petrus Opalinicius, Stanislaus Zorauinscius, ille Posnanienfis, hic Belzêsis Castellaneus: Bohuslaus Zieniouiicius, Castellanus Polocensis, Georgius Dux Czartorienfis, Stephanus Potoccus, Alexander Sapicha, alter Camenecensis, Orfanêsis alter Præfectus: Ioannes Rozrazeuus, Ioannes Ferenbachius, Stanislaus & Alexander Prusinoui. Attributis quoq; præfecturis & muneribus celebres viri, Simon Kopycinscius, Zlotniccius, Ianouius, Rasouius, Mossinius, veterani fermè omnes, multorumq; non magis stipendiorum, quam victoriarum milites. Quibus se addidit Rusinouius, cum levis armaturæ, vulgò Lissouiensium cohortibus, redux tunc ex Germanicis tumultibus. Accesserè, non contemnendum additamentum, submissæ copię à principibus in Republicâ Regnoq; viris. Recepti sexcenti milites, expeditibus partim, partim ex equitibus conflatus numerus, in perpetuum à Ianussio Duce in Ostrog, ad omne periculum expeditionemque contra Turcas Tartarosque, Reipublicæ ex amplissimis bonis adscriptus attributusque. Missa aliquot hastatorum vexilla à Thoma Zamoscio, Palatino Kijouienfi, quibus moderatores dati, Andreas Svvezynscius, & Albertus Sredzinscius. Addidit Raphaël quoq; Lescinius, Palatinus Belzensis, hastatorum cohortem. Quos omnes nominatim persequi lōgum: & pluriû notiores mihi sunt virtutes, quam nomina.

Ita præparantibus se nostris ad bellum, interea Osmanus priorum consiliorum nostrorum, de Valachiâ occupandâ diu præscius, an metuens, id festinabat, vt transitum Danubij antecaperet. Nam Valachorum

Priuatâ  
impensâ  
conscripti  
copiâ.

Ianussij  
Ducis in  
Ostrog.

Thomæ  
Zamoscij.

Lescinij.

Osmanus  
in Vala-  
chiâ  
properat.



Valachos  
sibi con-  
ciliat.

chorum fidem callidè iam præuenerat, eos qui in ca-  
stris erant; singulari cultu, ministerijs, atq; pro custo-  
diâ sui ipsius habendo, vt potissimos. Hinc & absen-  
tium in eum studia, quanquam subinde metus, tamen  
simulatus fauor validius continebat. Nec omissæ in  
Alexandrum Valachia Principē, & Polonos, artes.  
Illius fides per Capudzi-Bassam, velut in partem cura-  
rum, re verâ ad custodiam & danda perspicendaque  
consilia additum tenebatur: nostrorum constantia  
per vtrumque epistolis & promissis tentabatur. Iussi  
enim ambo, Imperatores nostros adhortari, vt mo-  
destiæ pacisq; decus capefferent, literas in hunc mo-  
dum ad castra Polonorum expediunt. *Non adeò obsti-  
natum Osmanum, quin si Rex per aliquem nota auctoritatis vi-  
rum seriò incumberet, perfici pax inter vtrumque populum, sine ar-  
mis posset. Plerumq; irritari animos alienâ pertinaciâ: at si exem-  
plum prabuissent, eandem mox voluntatem sui Caesaris fore. Per-  
spectum iam id sibi ex Vezelij literis, quarum magis impulsu, quàm  
sponte, ad petendam pacem nos cohortarentur. Mitterent igitur ali-  
quem, qui spem concordia & conditionum Casari ostentaret. Si  
deinde conuentionis pœniteret, integrum fuerit armis consequi,  
quod per aequitatem non obtinuissent.*

Litera-  
rū lator  
Venellig.

Ferendis literis, quò felicius dōlus & fiducia pro-  
cederet, Baptistam Veuellium Italum Candiensem,  
dictis factisq; ad fallendum instructum præficiunt.  
quod etiam tum spectabatur, velut Christianum, cæ-  
terum in Valachia Græcis ritibus & seruitio imbutū,  
prauum, callidum, audacem, prout sunt eius gentis  
ingenia, bonis artibus haud spernēda, malis pessima,  
& quò inclinānt, eadem vi. Sed non confestim in ca-  
stra admissum, Stanislaus Lubomirscius, ad villam  
Piatniczany, tenuit audiuitque. At ille tunc, & vbi se

Lubomir-  
scius eū  
ad castra  
non ad-  
mittit.

postea

postea militibus miscuerat, bona pacis, & discrimina  
belli disserere, omnem nobis spem victoriæ dissicere,  
ad petendam pacem omninò impellere; modò vires,  
potentiam Turcarum, copias gentium, Ianissariorū  
extollere: rursus Osmani & Vezelij aequitatem, cle-  
mentiam, propensosq; ad pacem animos promitte-  
re: atq; diuersis motibus, desperatione simul & spe au-  
dientes terrere accendereque. eo sanè vtrumq; fine,  
vt aut securitate solutis atrocius bellum incumberet,  
aut metu territis, pax, quibus Turcæ vellent condi-  
tionibus, accederet. Neq; enim eam omninò Turcæ  
renuebant, non tam adhuc cœli, soli, itinerum, labo-  
rumq; pertæsi, quàm insita ex superstitionibus diui-  
natione anxij. quâ pro certo tenent, fore vt ipsorum  
imperium à Septentrionis aliquo populo concidat,  
eripiaturque. Et quamuis sua ipsos potentia, præteri-  
tæ victoriæ, odium, pudor, ne vani irritiq; desisterēt,  
impellerent: retinebat tamen contra, triste præsagi-  
um, experta in victorijs difficultas, & mira nostrorū  
virtus, in aduersa & pericula contumax, quoties re-  
linquebatur, tories suis met malis & discordiâ victa.  
Igitur ad id quod procederet intenti, nec bellum, nec  
pacem omittebant, gnari, quandoq; ante armorum  
experientiam, multò plura confici posse: quò de ab-  
sentibus maiora creduntur, & qui bello terrerent, ti-  
mentes quoq; timeri. Sed Lubomirscius ad legatio-  
nem Turcarum, nullo priuatim expedito responso,  
eam & Veuellium, quanquam instantem, aduentui  
sententiæq; Hotkeuicij reliquit. Interim Alexander  
& Capudzi-Bassa, Veuellium diem de die prospecta-  
tes, mox omnium quid confecisset dubij, postremò  
spe quoque reditus deficiente, circummissos per auia

Tenet ad  
aduentū  
Hotkeui-  
cij.

Hostes ex-  
pectando  
sepe im-  
mittunt  
Tartaros.

L

Tarta-



Tartaros, in Poloniam immittunt. Vastati agri. actæ iam prædæ. cum repente nihil tale sperantes, adeptus inter ignota locorum Lubomirscius, omnem prædam, & immisso Kopycinscio fugam eripuit. Vadium perebant, sed pauci tenuere: reliqui in præcipientes ripas compulsi, aut iactantes arma periëre, aut inter pugnae fugæq; consilium oppressi, interiëre.

*Fandit  
Lubomir  
scium.*

*Vladislai  
Principis  
expeditio.  
Numerus  
copiarum.*

Iisdem diebus Vladislaus Princeps Varsaviâ Valachiâ versùs mouit. Profectio erat paratu mediocri, sed delectus miles, non multa nomina. octo millia exercitus. Comitabantur, Ioannes Waier Palatinus Culmensis, Ernestus & Gerardus Dinophij, selectis cum centurijs peditum Germanorum, viri non magis nobilitate, quàm fortibus factis, & gloriâ militari illustres. Aderant haud minori alacritate, cum suâ quoq; hastatorum militum manu, Stanislaus Nimira, & Constantinus Plichta; ille Podlachia, hic Sochacouia Castellanus; ut dignitate, ita virtute & æmulatione eminentes. Nicolaus Kochanovius, vir martialis, & maximæ dexteritatis. Dirigebat prætoriam Vladislai cohortem, Martinus Kazanovius, bellorû usu inter paucos, per multa stipendia, operamq; multis in expeditionibus egregiè positam, ad æstimationem simul, honoremq; Principis, enixus. Nec minor manavit amor patriæ, aut Principis sui cura, ex Paulo Wosuccio Episcopo Vladislaviensi, & Alexandro Duce Radiuillo: submissumq; ab hoc equitum levis armaturæ vexillum, tria peditum signa; ab illo hastatorum cohors, cui Philippus, frater Episcopi, Castellanus Rauensis, præerat. Accesserant procerum nobilium filij, officium studiumq; erga Principem, & maturam armis iuventam ferentes, Constantinus

Dux

Dux Wisnieuecius, Adamus Przyemscius, Andreas de Dabrovica Firley, Stephanus Konecpolscius, Sigismundus Tarlo, Thomas Sobiescius. Quod solenne est magna aggredientibus, Vladislaus priusquam iter iniret, templum adiit. Eodem vexillum eius illatum: & procurando sacrificio, Franciscus Diottaleuius, Nuntius Pontificis Maximi, prodijt. At vulgata profectione, illic ruere populus, circûsistere aras, complere sacraria, portas, vestibula, quâque adspici poterat, corpora, ora protendere, insistendo quisque non studio magis spectaculi, quàm publicæ sollicitudini & curæ. Quippe subibat intuentium animos, Osmani simul potètia, ferocia; & vtrorûq; iuuenta, velut ad supremû discrimē cõparata: terra quâ peteret, sæpius nostrorû sanguine infecta infastaque: occisi illic occidione tot exercitus: nō dum deterisa oculis, recens fortissimorum virorum Ducumq; cædes, aut captiuitas: tum incerti casus bellorum, sortes hominum. Quem deinde scire mortalium, vtrius euentus, vtrius fortunæ, bello iuuenis permitteretur? rediturûnè aliqua ndo cum victore exercitu; an vltimum iam videntes, prosequerentur? Ita ab admiratione in curam immerfi, cum silentio defixi starent, obuersus Diottaleuius, admotum altari vexillum iuuenemq; intuēs solennem precationē, quâ propitium proficiscenti Numen, ac præsentem opem, à cælesti militia Rectore implorabat, peragere cœpit. Eadem omnis turba, proprijs quoq; votis & acclamationibus iuuarere. quicquid sacrati oculis, quicquid animo occurrit precari, felix faustumq; iter eunti darent; breui deinde victorem, incolumemque sibi ac patri, sisterent. Hunc publicum fauorem, priuatum omen secutum.

*Ab imploracione  
opis diuina inchoat.*

*Diottaleuius Sancti Pontificis Nuntius, vexillum cõsecrat.*

L 2

Egre-



Vota po-  
puli.

Egredienti enim, mulier obuiam progressa, binos panes obtulit, auspiciū prosperi euentus. quidam solitum id, & pluribus locis, nuspiam elanguescente curā fauoreq; erga ipsum hominum, factum tradidere. Ferunt quoque, prout pleraq; ex externis coniectare hominibus mos est, cum statim tunc, intuentiū oculis, spem haud dubiam prosperi successus indidisse, cum plenus sui, vultu præsidenti latoque, inter populi allapsum fluctusq; progrediens, fiduciā, quæ solitudine subinde residebat, excitaret innouaretque. Nec minùs animabant implebantq; certioris ex ipso spei homines, res in Moschouia ob oculos incurrentes, quāuis gestæ sub Patre, summæ; oblatū vtrò iuueni quā erat speratum, à Moschis imperium: cadentia omnia ex voto & eodem cursu, & cum cætera defuissent, qui incertum rebus demum suorū deplo-  
ratis, promptius miseretur an. fauet, præsens comessq; vbiq; ipsi Deus. à quo occupauerat iam omnes persuasio cælestis auxilij, cum explicatum vexillum, in eoq; triumphalem tesseram, & præscriptam victoriam, victoriæque causam intueretur, **P R O G L O R I A C R V C I S.**

Inscriptio  
vexilli.Hotkewi-  
cius in  
castrave-  
nit. 10.  
Iulij.

Subinde etiam Carolus Hotkewicius, Lubomirscium cum legionibus, loco, Rzepieniec nomen est, affecutus erat. Quod ab Alexandro & Capudzi-Bassa suadebatur, non renuit, per Veuellium ad id adductis plurium animis, ipse ne repudiato legato apertè hostis fieret, magisq; ut experiretur: gnarus multa bellatadio euauisse, & quanquam atrocità de hostibus præsumerentur, minorem iam esse, pacem offerentium, animum. Legatum tamen suum Veuellio segniter addidit expeditq; necessitatem dissimulans,

lans; an quod dissimulari non potuit, omnibus ut aliquis mitteretur vrgentibus, ad pericula nemine se offerente: Tandem Theophilum Szembergium accersit, virum expedito & sagaci ingenio, quiq; dignitatem Regis, Reiq; publicæ, præ oculis habiturus esset, animo præsenti & imperterritito, datiq; ei ad Vezarium literis, prioribus Alexandri & Capudzi-Bassæ, ita respondit: *Pridem in manu Turcarum utraq; bellum, & pacem fuisse: neq; enim Polonos sponte, sed ab ipsis prouocatos arma cepisse. Neq; se à pace abhorreere, decora modò ea sibi gentiq; fuerit. Eapropter mitti unà ad ipsos, & ad Vezarium eundem, nuntium, qui id palam exponeret, & ad quas ipsi inuitarent, pacis conditiones spectaret. Propinqua iam & propè obuia esse, consilia & arma, conditionem & sanguinem, quodcunq; horum pace, aut bello Casarem, idem & se absolueret.*

Szemberg-  
ium ad  
Turcas  
mittit.Literis  
respondet.

Cum his & Szembergio, Veuellium per quadraginta & octo dies retentum, dimittit. Ipse nihilo secius incerta pro certis non apprehendere, Cosacos in societatem belli continuò accersere, exercitum propius hostem adducere, summā curā, prouisu, omnia agere; si pax haberetur cautus, si bellum, nec suorum, nec hostis occasionum negligens. Iam Nestrū attigerat, & quoniam ad priora consilia, interripendumq; transitum Danubij tardatum fuit, vbi sisteret bellum, consultauit.

Oblatam  
pacem su  
spectam  
habet.Delibe-  
rat, an  
transun-  
dus Nes-  
ter.

Diuersis sententijs eā in deliberatione certatum, prout plerunq; consilia sibi quisq; attemperat, indulgendoq; moribus, talia causæ naturæq; obtendit, qualia ipsi propria virtus inclinatione suggerit. Quibus manendi voluntas in sua terrā erat, eò deflecebant. *Frustra seroq; resumi cupidinem Valachia, occupata iam possessaq; ab hoste: aut si in confinio eius, ubi vacua, standum esset, nihil inde accessurum, & in se his hanc illāue parte ripis, potiore salutem*

Dissua-  
dent alij.

incola



incolumitatēq; patriae esse, à quā non oporteat abducere abrūpereq; copias, tāquā à corpore præcipuos & validissimos artus. Præptiora quoq; omnia domi, & velut inuicem connexa, commeatus, auxilia, atq; etiam si aliquid fortuna contra daret, spem in Rege, Senatu, Republicā. Iam Turcas, si non ademptione terra irritentur pro- uocenturq; mitigari, atq; ad pacem promptius induci posse, obstri- ctos modestiā, quā nihil ultra nisi pax & quies etiam armis quere- retur. Modicam sibi manum, totamq; eam vim esse: quid, si, ut periculorum cupidos pericula sæpè hauserē, tolleretur; quod aliud auxilium? sin prosperè ageret, id quoq; formidolosum, contra ho- stem acrius in sua terrā vindicta incumbentem, & aduersa tot in- domitis & præferocibus gentibus nationibusq; iuuare & reparare promptum. Satis iam pretij, satis documentorum, ex appetitā tentatāq; Valachiā relatum: tot illic exercitibus, tot egregiis Duci- bus casis amissisq;, quorum spolia adhuc & tela in manibus hosti- um cerni. Eo quoq; respiciendum, inter peruia omnia & aperta, orbari discessu militum patriam, tot vacuas vrbes & oppida, irru- pturis hostibus relinqui deseriq;. deniq; exercitum maximis peri- culis obiectari, maioribus patriæ defuturum.

Alij sua-  
gent.

Aduersum hæc alij contendebant: In rem magis fore transferre signa, transportareq; in Valachiam bellum, quā illud hostes secum ferrent, summoq; damno, quod satius alteris futurū fuisset, occuparent eriperentq;. Pauca sanè iam illic patere oppi- da: sed exiguo spatio soloq; Nestro disunctis, & domum iuxta, & ex eā quicquid bellum posceret, ad manum fore. Praoptandam quidem, præferendamq; pacem & quietem bello: sed præterquā istud detrectando, augeri addiq; hosti animum, nec illam ampliùs haberi, quoquo modo finiatur, nisi ut perinde ac bellum damna se- cum trahat. Bello quippe intentis, pacem procedere optimè ac fi- niri; & ius, quod hostis in armis reponeret, non spe votisq;, sed pa- riter armis tutius componi propulsariq;. Id pridem fas armorum, id ius hostium. Non enim ignauia magna imperia contineri, sed virorum armorumq; faciendum certamen. quod pro tutando pro- prio, tantò maiori discrimine à quouis suscipi geri q;, quantò inter hostes.

hostes, propior noxa fiat, qui alteri non nocet, & tutius in alieno, tam cum hoste disceptaretur, quā periculum fieret. An ubi nihil natura ingenio clausum, nihil satis firmum sit, atq; irrupturis ho- stibus via undiq; per aperta pateat, aut desubito aggeres & muni- menta struere, aut undiquaq; occurrere hostibus vlla manus pos- sint? Quæ non virtus, non arma texerint, frustra ab operibus & munimentis tuta fuerint. quæ ut hostes tenuerint arcuerintq;, ita nihil præsidij aduersus militum auaritiā insolentiamq; do- mi habuerint, & non nisi patriam damnis suorum perinde ac bello hostium diuexandam, atterendamq;. Quicquid remedij, quicquid quietis quæreretur, omne in Valachiā ostendi. prohiberi suos pari- ter hostesq;, à raptu patriæ & populationibus. hostes ad omnem timorem exponi. viam, quā ipsis in Poloniam aditus esset, inter- cludi. pro vindicandā liberandāq; patriā, obsidem hostium ter- ram accipi teneriq;. peruicaciam hostis ad manendum defenden- dumq; sua, adigi retrahiq;. exiguum exercitum viresq;, quæ vix ad tutanda propria satis fuerint, ad inuadenda aliena, & ar- cendum simul inferendumq; bellum, pares effici: metum speciem- q; transeuntium, ad vltiora immitti; & si spes vocauerit per- miseritue, aut arripi, aut terrorem ex subitis insperatisq;, latius quā arma spargi. quæ domi cara, quæ foris honesta, & expedi- tiora arma, & pacem equiorem obtineri.

Atque hæc sententia præpotuit, & concitatione militum, ne iniectā cunctatione alacritas eorum lan- guesceret, & ardore Hotkeuicij, quem nauadæ ope- ra pugnaq; cupidum, non prætermisurum ostenta- tam occasionem pro certo habebant. Quippe non- nulli, quanquam ei consilio, vtpotè ancipiti, & in- quo peccari posset, non minùs auiditate & impetu, quā securitate & negligentia, non vsquequaq; erant adsentientes; circumspecti scientesq; spes & dubios successus, cū de summa rerum agitur, in consilium non admittendos, certisq; tunc & firmis insistendū:

tamen

Transit  
Nestru.



tamen primos hos conatus permiserê dissimulauere: que, destinata in ducendo bello morâ, tunc Imperatorem non irritaturi. Nam Hotkeuicium vnicê audi- dum decernendi cum Turcis, inconcessumque alijs referendi de ijs Victoris titulum fuisse, ferunt. seu verum id, seu alijs bellis laudatus, in præsens transtulit opinionem cum impedimento. Rex certè, vt in Valachia constitueretur bellum, crebris literis vrgebat.

*Id Rex iussit.*

*Et Cosaci nisi transisset, venire de- treclabāt*

Nec paruo Cosaci incitamento erant, negantes se prius ad castra bellumque venturos, quam hæc trans Nestrum constitissent: siue commilitium illic loco veniæ expetentes, ne toties inter vtramque gentem restauratis offensionibus, soli querelis tantum vindictæque incurrerent; siue liberiùs libita & raptus in hostico acturi, destituti stipendio per necessitatem in hostes feroces, compari periculorum negligentia & egestate. Cæterum fides ipsis obligata, sponsumque, pacem, foedus, aliasque pactiones cum Turcis, nisi ipsis annuentibus facturos, eosque in iisdem conditionibus futuros.

*Valachia incesso. 6. Aug.*

*Lo: m.*

Pronuntiatum igitur in Valachiam iter, vbi septimo & decimo Kalendas Septembris, exercitus trans Nestrum stetit, postquam Lubomirscius cum copijs suis, octauo Idus Augusti, anteuenisset. Inseffus locus ad Hotimum oppidum, vacuum tunc & timore fugâque accolarum desertum. Ante planities fundebatur, eliciendo hosti, conserendæque pugnae opportuna; coërcitâ tamen prolixitate, nimia multitudini inutilis, & in quâ vti se toto hostis non potuit. Latus alterum ad fluuium Nestrum protendebatur: ad cuius propinqua valles & humus modò depressa, modò elata, inæqualiter sinuabatur: alterum virgulta pone inter-

internata, syluasque, & cauas etiam vias sinusque habebat, apta struendis occultandisque insidiis. Tergum tutum dabat oppidum, arxque in excelso & prærupto sita. quam Nester præterfluens, in læuum latus flectebatur. Istud Hotkeuicius sumpsit. Lubomirscius in dextro consedit. Media Vladislao relicta sedes. Ad Hotkeuicii latus fana Græca duo erant; ligno vnû, muro aliud eductum. Propius, adueniens Dinophius Præfectus Hiperbolensis, cepit, fossa que & operibus communiuit: muro eductum Kochanovius tenuit, inter quos interuallum vacuum locati Germanorum pedites insederunt, connexeruntque. Infra quicquid ad Nestrum superfuit variè, Russinoui modò cum Lissouiensibus, modò Cosacorum Zaporouiensium statio fuit. Altera Nestri ripa, ne transitus subsidii com- meatibus impediretur, a Vladislao lectis cohortibus asseruabatur, perinde aggere castrensi fossa que clausis. Positæ contra aduersa aut suspecta intentæ excubiæ & stationes; fixa opportunis in locis tormēta, & pone fossas erutamque humum, vt nunc vlitatû, defossæ curruum rotæ, iniectâ desuper terrâ pro aggeribus, laborem pari alacritate tribunis, præfectis adiuuantibus, quam militibus properantibus, sequentibusque. Promulgata etiam edicta sancienda disciplina, contra vim & iniuriam, & necubi loco quem cepissent, decederent, pabulum & ligna, nec iniussi peterent, nec passim, stationes, vigilias, diurna nocturnaque munia pariter obirent. Quibus Imperator seueram, & antiqui moris, militiam reuocans, ita mutauit milites, vt non minùs virtutes eius vererentur, quam præteritorum facilitatē amassent. Feruntque Voluntarium militem detrectantem vigilias, quod si-

*Positus castrorum.*

*Disciplina militaria.*

*Seueritas Hotkeuici.*

M

bi pu-



Pons fa-  
bricatus.

bi pugnam tantum, castrorum officia stipendiarijs con-  
uenire dixisset, morte statim punitum. Ita ex vnus  
pœnâ, metu in omnes sparso, singuli deinde obedien-  
tes facti, nec tam diu cuiquâ venia cōcessa, quoad de-  
lictum, veniam superauisset. Cæterum pons supra  
Nestrum, sæpè cœptus, sæpè ab aquis deiectus, tādū  
& moram cum summo incommodo exercitui obij-  
ciebat, in quo fabricando, & magnâ impensâ, & va-  
rijs exterorum ingenijs defudatum fuit. Repertus  
tādē, qui struxit vnus è plebe, Rūthenum fuisse alij,  
alij Lithuanū ferunt, prout quodcunq; egregium in  
humili conditione memoriam sui vix tuetur, nec ali-  
bi citius præclarè factum, contemptus & obliuio in-  
uadit; sed fortunæ magis & ambitioni, vt pleraq; alia  
cedit. Operis minimè ardua erat ratio & modus, eoq;  
apud expendentes plus admirationis adepta. Sublicæ  
structæ & dispositæ duplices, tenues satis, ne cum ra-  
piditate vndæ colluctarentur, ne uè mouerentur in  
aluei fundo, tertiâ pari prope formâ & mensurâ, publi-  
câ inuicem velut compede vinctæ. His non firmus  
modò, sed etiam carris, curribus, alijsque oneribus,  
satis fidus pons fuit.

Kantimi-  
rus pri-  
mam op-  
pugnatio-  
nem ca-  
strorum  
inchoat  
31. Aug.

Quod hostile primū apparuit, quinq; millia Tar-  
tarorum Duce Kantimiro castra aggrediuntur, non  
sicut alias prædatoria manus, sed dilecti & antecape-  
re gloriam festinantes. Duo millia, ad Nestri margi-  
nem, vallem occupare, latiusq; læuum incurrere iussi.  
Tria per inuios saltus circūducta, in syluis pone dex-  
trum latus, Kantimirus secum occultauerat. Trans-  
missâq; celeriter fossâ, Cosacis absentibus, needum  
completo illic campo, ad castra peruaserant, ni Pio-  
trovvscius tum fortè ab excubijs Nestri rediens, la-  
psus in-

psus in hostem & necessitatem pugnae, eiusdem alios  
admonuisset. Missi delecti iaculatorum peditumque,  
qui partim à fronte, partim à latere incurrentes, prō-  
ptissimo quoq; delero aut saucio, cæteros in fugam  
disiecere. Acrior in Lubomirscium vis incubuit, &  
ille impatiens oppugnationis, in apertum prorupe-  
rat. Vbi ab dextrâ parte syluæ erant, aliquot signa ar-  
ctius collocat. ab his propriam cohortem, quâ prom-  
ptam ad pericula, nec minùs ex lectissimis paratam  
habebat. Rozrazeuij, Herborti, Stanislauij, Złotnic-  
cij cohortes, in primam aciem subducit. in subsidiis  
Lesniouii esse iubet. Postquâ prælium commissum:  
non vti mos Tartarorum, assultare, dein' cedere, se-  
qui dein' refugere; sed comminus & acriter instare,  
concurrere, implicare, perturbare acies, ferocius in  
aduerso tendere, quàm semet regere, animos supra  
vires tollere. Et nimia ferociâ vnus, per confertissi-  
mos contendens, non ante prælium omisit, donec  
perfracto capite, ante ipsa munimenta caderet. Lu-  
bomirscius, vbi contra ac ratus erat prælium cresce-  
re, & Tartaros magnâ vi incumbere videt, animatis  
militibus, non tam gloriâ ex vili hoste, quàm dedeco-  
re & curâ demendæ in futurum ipsi confidetiæ, cum  
suâ cohorte in confertissimos celeriter inuolat: ali-  
as, vbi magis opportunum, inducit. Cessit statim  
pertinacia, & aciente vires irâ & indignitate, acerri-  
mus quisq; hostium fugæ vltimus fuit. Terga in syl-  
uas à Tartatis conuersâ, non vltra secutis victoribus.  
Strages tamen magna fuit, ex latè coniecto cadaue-  
ribus campo æstimata, non sine aliquo nostrorum  
detrimento. hâc certè victoriâ spe sua hostes deie-  
cti, qui-

In Lubo-  
mirscia-  
nam por-  
tam ma-  
ximè in-  
cumbit.Vbi fu-  
gatur, &  
sternitur.



et, quibus facilis ex paucitate, & tunc nondum collecto toto exercitu, victoria inhaeserat.

*Veuellius  
ludificat  
legatum.*

Veuellius certè successu legationis lætus, ac fortè vltiorem gratiam, ludibrijs legati nostri sibi parās, in suscepto cum Szembergij itinere, festinare, morari; procedere, regredi; & quā via acciderat per fagetulanas sylvas, velut errore huc illuc cum ipso ferri, remeare. Iamq; ad monasterium, Hutz nomen, est, Turcarum castra assecutus, consultò ea praterijt, idētidem legationem Szembergij praripiens, & solum sapius, locis latrocinio infestis, relinquens. Atq; ni Dij ignominiam prohibuissent, fœdum mancipiū, sacrum legatorum ius, propè in ore exercitūs nostri violāset. Nam inter nostra & Turcarum castra, sex & decem leuæ intererant, quas Veuellius suā morā & artibus, per viginti & vnum diē eundo extraxerat.

*Osmano  
ab aduen  
tu eius  
arcescit a-  
nimus.*

Sed magis aduentu Szembergij Turcæ sustulere spiritus; & Osmanus immane quantum, animo facilitatem nostram vt metum accepit. Ardescere inde magis in vltiora, non bellum, non pericula, non dubios sibi euentus; sed prompta omnia, vrbes, provincias, destinare. Ac velut peractō bello, finem inconstantia perfidiaq; vindictā facturus, Valachos, quos ex innatā ipsis leuitate contemnebat percolebatque, omnes trucidare iubet. Quadringenti fermè diuersis è tentoriis, quos simul vefcentes dies, simul quietos nox habuerat, à Turcis extracti interfectique. Quā cæde cognitā, alia multitudo certatim ex vrbibus, agris, in iuga montium, Transyluaniam versus, perfugit. Nec Alexander Princeps eorum, eandem & ante se Principum sortem euasit, nullius ausi conui-

*Valachos  
exinde  
cōtemnit  
& inter-  
fici.*

*Alexan-  
drum  
quoq; eo-  
rū prin-  
cipem.*

conuictus; fidus, innocens, & alibi quā in imperio, felicior. Nazione is Græcus fuit, diu vectigaliū exactor, eāq; causā Osmano carus. nouo deinde tunc anno, nouissimam potentiam pecuniā adeptus, non effugit paria, vt alij, odia, & consuetā illic magnæ fortunæ pericula. Exitus eius eam causam famamq; habuit, quod prohibere transitum Polonis in Valachiam, & Hotimum firmare præsidijs omisisset.

Peractā Valachorum cæde, Osmanus cuncta ita <sup>Bernaui-  
us captos  
aliquos  
Polonos  
ei offert.</sup> prona sibi ratus, ire cominus & certare pro victoriā cum Hotkeuicio, an inferre in Poloniam signa, imperiumq; perere constantius foret, agitauit. Fortetū in eius castris erat Bernauus, vetusto in nos odio, perq; latrocinia Podoliæ clarus, eoq; superstes & magnā gratiā Valachus. Is acerrimus instigator Cæsaris, adductis ei decem & aliquot Polonorum captiuis, testimonium operæ à se collatæ ad bellum, quos recens ex populatione interceptos abduxerat, ire rectā Camenecum, statimq; vacuarum vrbium, oppidorūque captiuitatibus, vt insisteret, hortabatur. <sup>Hortatus  
ut prater  
ret contra,  
et strueret  
aciem aduersus  
inualidum  
senem, semet  
cūeat ca-  
pauis cohortibus,  
castris &  
vallo occultantem?</sup> Quid enim statum iam eum <sup>stra, in-  
trectq; in  
Poloniā.</sup> esse, quod Nestrum transierit: ideòque pœnitentiā cœpti, pacem aut fugam circumspicere, ne strepitum quidem & clamorem tot millium, nedum impetum & manus perlaturum. At si aliā adhuc ex parte, ferro fameque clauderetur, procul ab annonā, auxilijs, inopiā rerum, aut in deditionem extrusum, aut è latebris suis exeuntem, quomodo hos paucos, quos adductos ad se cerneret, ita ipsum cum copiis in manus Cæsaris venturum. Et promptus ferocibus Cæsar, quo minùs quæ suadebantur arriperet, virtute tunc Cosacorum deterritus est.

Aduentabant per Valachiam quadraginta millia <sup>Cosacorum  
ad castra  
iter.</sup> eorum, subsidium bello, & debitum Imperatoribus nostris



*Cohortē  
eorum.  
Turca to-  
to exerci-  
tu circū-  
ueniunt.*

*Pars fu-  
git.*

*Pars fu-  
pra fidem  
se defen-  
dit.*

*Postea  
vincitur.*

nostris obsequiū ferētes. Quacūq; ibāt, cædes, popu-  
latio, terror: adeò latè, vt Alexander paucis ante finē  
suum diebus, vrbem Valachiaē lassum, omni fortunā  
apparatuq; belli instructā deseruerit. Sed ea à Cosacis  
intacta, ab ipsis Valachis direpta est: nam Cosacorū  
populatio cauta, intra oppidum Sorokam stetit. Vnā  
tamen cohortem, centum triginta numero Cosaco-  
rum, cupidine prædæ longius effusam, inter oppida  
Kutnerum & Sotzauam, Turcæ circumuenerunt.  
Illic diu frustra; semet pro illis afflicto, postre-  
mò desperatā victoriā, opem plurium legionū à Cæ-  
sare inuocant. Quia Cosacos esse nuntiatum est, ipse  
vniuerso cum exercitu, triginta millia passuū emen-  
sus properè adest. Septuaginta eorum, ad proximas  
montium specuumq; latebras, pauore profugos, ora  
& exitus sarmentis & virgultis complens, igni fumo-  
que enecat. alios, quos virtus & necessitas eodem lo-  
ci tenebat, in orbem circumdatos, impetu & comi-  
nus, pertinaciāque, quam tanta vis armatorum mul-  
titudoq; nimium ingens suppeditabat, viuos capere  
nititur. At illi pariter orbe facto, omnibus partibus  
se tegere, acriter vim repellere, cedere alios, alios  
obtruncare, & pernitiem in hostes vertere. Occidi-  
tur Kur-Bassa. abripiuntur aliquot vexilla. & prom-  
ptissimus quisq; cedit, aut vulneratur. Tum Osmanus  
dirigere tormenta, globos excutere, crebrisque icti-  
bus disijcere campo hostem iubet. Sustentata hæc  
quoq; à Cosacis ad noctem vis: sed confectæ paucita-  
ti, cum nihil reliquum spem faciebat, quā vt aut ca-  
teruis hostem peruaderent, aut sparsi quoquo modo  
fugā elaberentur, obscuro noctis, virtute aut fraude,  
penetrare hostes, seq; eripere volunt. Deinde cum  
pariter

pariter vtraq; sibi aduersa tentassent, retrorsum acti,  
rursusq; eodem loco conglobati, adhortari se inuicē,  
monere, non victoriam ex se sed suppliciū peti, post  
carragine sese claudere, rotas curruū defodere, terrā  
obruere, scrobes moliri, quibus tuti aduersum tor-  
mentorū ictus, & ex occulto in patescentes irruen-  
tesq; iacularentur. Quod plus famæ quā fidei ha-  
biturum fortasse est, per triduum illa manus tot mil-  
libus hominum suffecit. Vi tamen nequaquam suba-  
cti. quæsitum secundo per noctem effugium, & ob-  
structa qualibet ex parte fugiendi via, dispersos, & in-  
uicem vitabundos, vt custodias frustrarentur, in ma-  
nus hostium tulit. Tam difficili victoriā, anxius Cæ-  
sar, cupidusq; visendi, qui illi tot per annos opes suas  
spernerent fatigarentque, omnes ad se adduci iubet.  
Adducti triginta numero, tot enim à tormentorum  
globis supererant, prout nulla ipsis cultus affectatio  
est, pleriq; laceri, & tantum sagulo leues. Hinc visen-  
di pudor, deinde indignitas, ex illā ira. sed quia vir-  
tus eminebat, cupiditas quoq; talium habendi, animū  
Osmani in diuersum trahebant. Deniq; aut beneficijs  
ac promissis allicere, aut si renuerent, metu, quēcun-  
que postea adeptus, trucidando, coercere genus ho-  
minum decernit. Vicit præsens rabies odiumque,  
præcepq; ad crudelitatem Osmani animus, direptūq;  
à latere ferrum, cum denis & aliquot insuper non  
repugnantibus immerfisset, in cæteros ultionem &  
sæuitiam, quam sua manu ultra non poterat, porrecto  
alteri ferro, in conspectu suo exegit; quò aspectu, pal-  
pantium expirantiumq; frueretur. Duos tantum  
venia prioriq; consilio reliquit. Eorum vnus multis  
eum priuatim donis in spem & ostentationem cultus,  
tū,

*Suppliciū  
ex vitā.*



tum publicè magnificis pollicitationibus instructus, ad corrumpeunda Cosacorum castra missus est: alter pro emissio fide datâ, morte sua ni se sisteret compensandâ, pignori ac vadimonio pro reditu prioris seruatus.

Comitia  
Varſauie

Expedi-  
tio Gene-  
ralis.

Stanisla-  
us Witowſci-  
us arcis  
praesidi-  
um relinqui-  
tur  
V. bi Mar-  
tino Szys-  
couio.  
Eius e-  
gressus.

Per eos dies Varſauiae Comitia habebantur. Quod proximis, idem & ijs curarum publicarum caput fuit, bellum Turcicum. Sed praesentior iam res, & venientis cum Osmano immensi exercitus fama, ne quam egregij Imperatores summam belli parum tolerarent, ut intimae vires regni excirentur, eò consilia adducebant. Itaque omnium Ordinum consensu, expeditio generalis per omnes prouincias decernitur, statimque exequitur. Vocati Senatores, Nobiles, & plebeij, pro facultatibus ire cum Rege, aut dare militem coacti. Ac ne inermis, ad finitimorum tumultum metumque, Cracouia defereretur, cura arcis Stanislao Witowſcio Magno Procuratori eiusdem & redituum Regionum; vrbis, Martino Szyscouio Episcopo Cracouiensi, commissa est. qui deinde eam ingressus, insignes conscripsit propria impensâ induxitque copias: quatuor peditum vna, vnam velitum cohortem, duas equitum alas, non minus decorum, spectaculum, cultu phalerisque fulgentes, quam terribile, praes altis hastis, leopardorumque horrentes tergis, aduecta quatuor tormenta insignis magnitudinis, & dispositi per ditiones, qui ad arma subditos cogerent, si de periculo constitisset. nunquam lentus remedio in tempore, non subita & prompta in Regem Remque publicam ope. Nam ne facile hoc loco aliud eius animi factum praeterierim, quod malè, ut permulta de Principibus viris solent, intercideret, cum bellum Moscho.

Magnifi-  
centia.

Moschouiticum, ob non persoluta militi stipendia, in Confederationem erupisset, isque & à causâ, & à victoriâ ferocior, partitis suâ sibi designatione in alimenta vrbibus & ciuitatibus, donec merces repraesentaretur, reditus Regis auertisset: inter ea turbamenta, non Regem modò adiuuit optimis consilijs, sed quod pluris tunc erat, argento & suppellectile suâ oppignoratâ, opportunum subsidium Regi tulit, à pecuniâ & reditu destituto. Et sanè morum quoque eius illud non postremum fuit, cum virtute ingenioque praestantes, tum milites praecipuè effusâ sibi munificentia demereri, submittere suos, & ad humanitatē inuitare, recto mensâque accipere, praesenti alacritate hunc viatico, illum pecuniâ iuuare; vestem, equum, arma donare; neminem non aliquâ ope aspergere, si huius abundè non suppeteret, pro munere virtutem & laborem praconijs attollere, notata locis & temporibus cuiusque facta referre. Quibus artibus armatum furorem cum Reipublicæ ne fureret temperabat, tum sibi ita obnoxium reddebat, ut pedem rapinasque ab eius bonis & subditis auerteret, nec villas agrosque inuaderet.

Prodigia:

Eo quoque anno damna & prodigia homines afflixere terruereque. Strage villarum pecorumque, super ripas inflati effusique fluij, plana, edita, & secunda quoque eiusmodi casuum, saepius saepiusque repetito malo inundarunt. Caelum obscuris noctibus, plurimâ luce refulsit, viderique visa sublimè per aërem aquila, sparsi ignes facesque, corruscantes concurrentesque per in-tempestam noctem columnæ, aliaque conflagrantis cœli simulacra, & oculorum ludibria, aut imaginum variae species. Tactæ quoque cælesti tincturâ, sanguineoque

N



neoq; rubore arbores notabantur, & sub vnus prodigij cōspectum, vt sit, plura alia credita nuntiata que. Sub idem tempus Vladislaus Princeps ad oppidum Mohilovv, flumine tātū a Valachia diuisū, cōsedit.

Osmanus  
impedit  
Cosacoru  
iter ad  
castra.

At Osmanus, quanquam defessus victoriā tam parvæ manus Cosacoru, tamen quia par ferocia erat, aut utilis videbatur, vim omnem in castra nostroru, vbi nodus & morā belli erat, vertere statuit. Inde sperata pax, præsensq; eā super re ad suum Vezeriū nuntius, hinc nondum nostris coniuncti Cosaci, patere consilijs occasionem ostendebant. Eō itaque properantius vniuerso cum exercitu Cosacos anteuenit, vt si quid ad conciliandos animos perfidiamq; missi antea corruptores apud eos effecissent, occasione vteretur; aut intercepto Cosacis ad castra Hotkeuicij transitu, sola validius aggredieretur, nec vi, nec arte sibi defuturus. Interim quō per simulationem quietis destinata segregaret, remittere Szembergium iubet, spem pacis Hotkeuicio ostentans, si arma poneret, & in contrarium interiectis minis. additur simul *Veuellius* literarum comes & actor. Verum Cosaci spretis Caesaris promissis armisque, compositi munitiq; inferunt porrō se in medium ipsius agmen. Turcæ infensi circumfundi, formidinem facere, à fronte, à dextrā, à sinistrā, omni ex parte instare. Cosaci contra, modò aduersus obsistētes in gradu stare, modò impetu inuadentium, aut vi suā irruendo pellerē, disijcere, per semineces, per integros pergere, tutari agmen, donec multa eade Turcarum in liberum campum, & ad castra nostrorum emersere. Idē dies ipsos & Szembergium ad Hotkeuicium tulit. Collocati à dextra castrorum parte, qua Nester præterfluebat.

Szembergium re-  
mittit.

Aper-

Apertæ Vezeriij literæ, atq; artes quo tenderent intellectæ. Et quia Turcicæ erant, quibus animum facilitas nostra fecerat, deditā operā ad eas ab Hotkeuicio rescriptum, modicā & vulgari pacis mentione, non nullo etiam contemptu, quōd sensum literarum, qui sibi exponeret, nullus adesset, si quid communis boni gratiā tractatum cuperet, Europeo idiomate perscriberet. Hotkeuicius certē, prout erat acriter offensus, remittendum Veuellium absq; responso, sentiebat: ciuilius alijs visum, vt in illa verba rescriberet. In hoc quoq; auctorem habeo, Hotkeuicium allatis literis, quū Veuellium simul contuitus esset, reparantem, prout coniectauerat, ludificationem, succensum irā & indignitate, acceptas literas neq; resolutas, in gremium condidisse, tum quæ memorata iam sunt breuiter, qui stilus est iræ, rescripsisse. Veuellium certē irritum, & malè habitum, statim ex castris dimisit.

Ad secti-  
dō allatas  
literas à  
Veuellio  
responsum  
Hotkeuici.

Quarto Nonas Septembres, Osmanus tandem se copiasq; in conspectum dedit. Incessu hominum iumentorumque, vis primū magna pulueris propinquare procul adspiciebatur. dein' magis & magis exagitata aridā humo, prout in dimensa iam spatia ministeriaq; se diuidebant colligebantq; agmina, & ipsa in vnam nubem coacta, latè suffudit cœlum, densaq; caligine montes & plana intexuit. Reperio apud magnū auctorem, præter equorum ad pugnam adductorum vim, camelorum, qui cibaria, tentoria, globos, funes tormentarios, cæterumq; apparatus, & utensilia bello ferebant, non minùs decies mille fuisse. Duplicem tantum bubalorum numerum, ad subuehenda carra currusque, & vt copia lassitudini, variisq; simul casibus, & fami subueniret. Submittebant

Osmanus  
castra sua  
constituit  
2. Sept.

Copia iu-  
mentorum.

N 2

terga



Tormen-  
torum.Tres mō-  
des infē-  
dit.Tartari  
seorsim.

terga magnificentiae barbarae inusitati Europae qua-  
tuor elephanti, cultum & opulentiam Caesaris exci-  
pientes portantesque. Tormenta variae magnitudi-  
nis, centum & quindecim numerabantur. Horum  
maiora, (quod notatum, quibus talia curae) quinqu-  
aginta quinque librarum pondo globos impellebant.  
Quater mille passibus à Polonorum castris, spatium,  
quantum in tria eminentia iuga exurgebat expande-  
baturque; tantum supra citraque; fusis in immensum  
agminibus, insedere occupauereque. Quanquam fa-  
ma prius, quae nihil ferè non cum incremento accipit  
spargitque; percepta ea exercitus Osmani moles erat:  
tamen visa propius multitudo, quam terminare vix  
oculi poterant, simul velut à descendantibus in terras  
nubibus, trium montium plana deuexaque à summo  
ad imum operta inumbrataque; sua adhuc cum tanto  
numero pensata paucitas, prout magnus ad periculū  
est, extra periculum tantū animus, ingentem in ani-  
mis oculisque; curam & solitudinem commouere re-  
nouauereque. Paulum deinde, postquam erectum  
pratorium, & dilapsa caligine, ad acceptum signum,  
incredibili celeritate, sua omnes tentoria vndique; te-  
rendissent: haud secus ab atro nubium globo effusis  
nubiibus, perinde innumeris tabernaculis, tota castro-  
rum facies, in hybernā canitiem exalbuit cessitque.  
Seorsim Tartari castra sua bellumque; pars cū Dziam-  
bet. Gereō propius stagnum & castra nostra locauē-  
re; pars ad agros villasque; pro more suo tulere, reper-  
to vado cum Naradij Soltano transgressi Nestrum,  
agminibus ad populandam nostram terram in omnes  
partes dimissis: eō atrocius, quod arcendo malo nil  
promptum & prouisum erat, Tartaris nil remittenti-  
bus, &

bus, & domi posito metu, velut ad omnia iam cum  
Imperatoribus suffectum militis confidentia.

Sed nihil admodū id terruit Imperatores. & Hot-  
kenicius vetus non minūs periculorum, quam eorun-  
dem mirus dissimulator: vtpotè, qui nihil magis ti-  
mebat, quam ne timere videretur, adeo eum nume-  
rum speciemque; contempsit, vt ad instruendum hosti-  
terrorem, eductis seruitijs lixisque, & cetera castro-  
rum turbā, extendere & ipse, atque amplificare falso  
apparatu specieque; copias voluerit. Postquam abnuē-  
re id milites, siue calonum lixarumque sibi coequan-  
dorum confundendorumque; metu, seu æmulandi pu-  
dore: & num sine animis, sine armis, sine manibus, ad  
struendos potius vanos metus, quam ad pugnam cō-  
ferendam Imperator militem haberet? vox vna au-  
diretur, pronus & ipse ad decertandum, tantò magis  
dum impetus vigeret, expedire hanc ipsa quibus glo-  
riabantur ad certamen, & in apertum extraque; vallū  
signa efferre iubet. Mox eō equo aduectus, ad cir-  
cumfusos, in hunc modum orsus est.

Quando beneficium Reipublicae, & fortuna mea ita tulit, Mi-  
lites, vt atati, cui mors propior erat, nouum adhuc bellum & impe-  
rium imponeretur: id accepi fiducia virtutis vestrae, & vt patria  
subuenirem. Nam quò hac cuique; pluris esse, quam omnes dignita-  
tes & honores, quaque; auidè per mortales expetuntur, debet: qui me  
abundè auctum, nec alicuius amplius rei egentem sentio, ita me nūc  
ei obtuli, tanquam sanguinem & vitam poposcisset. Equidem mor-  
tem pro illa praeclaram esse fateor; & si moriendum est, mori non  
possum indecorè, vt non infeliciter; in virtute vestra est, sine qua  
egregia quamuis nec parari, nec haberi à nobis possunt. Quanquā  
nimis statim grande fama mea pretiū posco. alibi hanc, hīc fratres,  
propinquos, exercitus, Imperatores vestros mihi antepono. Neque  
enim nō propè ad ipsa sepulchra eorum constitimus, ubi fusus sapius



ciuium sanguis, tecti aceruis cadauerum campi, iacet post amissum exercitum Zotkeuius. Qui omnes non lamenta à vobis, non ut sauitiam fortuna, quā oppressi procubuerunt, lugeatis, sed idem mecū, ne inultos patiamini, orant expectantq̃. Nempe quoties hostium sanguine cruentabitis manus vestras, quoties in pugna, in acie serietis aut sistetis hostem; toties, quod honoratis funeribus impendi solet, iusta tantis Manibus persoluetis, toties litabitis ijs, quos amissus. Non apud detrectantes id loquor milites, sed si nondum satis est iusti ad vindictam doloris, quantum interest, ut etiam nunc videamus ex procumbentibus in igne oppidis villisq̃, fumum patriae flammamq̃, fugam virginum & puerorum, miseros & insepultos aceruos ciuium; ut audiamus in cadibus & direptione bachantium Tartarorum clamorem & ululatum, tum lamentationem matrum familiās, inter hostium trahentium impellentiumq̃ manus, labentium captiuorum gemitum, planctum, execrationem. Vita cum verò propono mihi ante oculos, actos ante suum queng̃ pradam captiuos, sicubi in illis maior lucrum est, rixantes Scythas, aut pretium per capita exigentes constituentesq̃, aut funera illorum vendentes, & quicquid locus hic, in quem pradas effundunt, in quem reuertuntur melius sciat; adhuc post discessum, pendentes metu ciues, computantes quot dies ad reuertendum Scythis supersint, horror cum dolore animum subit. Fera bestia, si ad catulos & cubilia earum ire pergat, immiti truculentia prorumpunt, & in quantumlibet conferta agmina, concitata furore & auditate vindictae, semet iaculantur ruuntq̃: hac quotidie nos ferimus, quotidie expectamus, videlicet de anima tantum nostrā, & reliquo imperio securi, confidentia Deorum immortalium, qui soli hostes à nobis toties arcuere auertēteq̃. Nunc propiora omnia sunt, nec agitur cuiuscunq̃ modi illa alicui videantur, sed nostrae ulterius, an nobiscum una hostium futura sunt? an continens imperium ad Vistulam hosti permittendum est? an caput nobis barbarus hostis excidat? an Turcicè loquendum? Ad id sedibus suis mota tot gentes venere, secuti sunt Turcarum lanissariorumq̃ exercitus, nescias Imperatorem, an morem suum regna occupandi euertendiq̃, stat ipse super

caput

caput nostrum Osmanus. Aut proferenda ista in aeternum, aut finienda hoc in campo sunt. In hostili nos quoq̃ sumus, ante ora ipsa, quibus nullus retro aut vspici exercitus castraq̃, à tergo Nester profundis voraginibus & impetu violentus, ac interiores Tartari, nisi vincimus, neq̃ locus, neq̃ amicus quisquam teget, si non manus, non arma nostra nos texerint. Paucis nuper cohortibus sequenti quibus Zolkeuium, per immensa hostium agmina tutum iter fuit, neq̃ ijs Skinder-Bassa, neq̃ Galga, omnem vim experti obstitere, quin dies noctesq̃, peruigilando in armis, famem, ferrum, & extrema passa, per confertos in patriam pergerent, si ad extremum discordia non interuenisset, necessitatibus prorsus & armis inuicta. Hi ipsi nunc coram sunt Milites, quos illa paruula manus sustinuit, acerrimis armis odiisq̃ in eos tantum, quibus metus est maximus, inania agmina, sonora mina, audendo, fallendo magis, quam bellis magni facti, cum his adolescentulus Imperator, quod fortuna illi in Zotkeuio adspirauerit, alimentum temeritatis. Et quid reliquum superest, nisi ut compari hostium iam strage compleatis hos campos, quā illi specie montes compleuerunt. Non enim multitudo, non numerus conficit victoriam, sed virtus paucorum. Parato modò animos, me intuemini Ducem vestrum, cum satis vobis fortibus factis cognitum, tum multorum vestrum virtutis cognoscentem. Non exemplum in me, non idem si opus moriendi deerit. Hic utrumque habebitis, allaturi mecum, aut viuus libertatem, aut mortuus ultionem.

Post quæ praesentiam Numinis veneratus, signa canere iubet, aciemq̃ in hunc modum instruit. Lubomirscio dextrum cornu permittit. Hic, obiectis aduersus sylvas leuibis cohortibus, ne quā inde erumperent hostes turbarentq̃ aciem, in frontem proprias cohortes & fortissimum quenq̃ subducit. Deinde cōmunit latera iustā hastatorum manu, cui praerant Rozrazeuius, Zlotniccius, Ianouius, Ratovvscius. Quibus aliud adhuc addit subsidium, Zorauincium, Potoccium, Lesniouium, Ferensbachium; illos cum

hastato-

Instruit  
exercitū.  
Lubomirscius  
suam partem.



hastatorum, hunc cum peditum duarum selectarum  
 turmis. præterea Stanislaium, Herbortum, & Ra-  
 phaëlis Lescinij, signa copiasque. Laevo latere pariter  
 Hotkenicius, primam aciem campumque suis tradidit  
 cohortibus. Subsidium erant plenis instructi ordi-  
 bus, Opalinscius & Zienionicius. præterea Alexan-  
 der Sapieha. Paulum ab acie, validam legionem con-  
 stantem cum proprijs, tum Thomæ Zamoscij signis,  
 Sieniauij curabant. ante cum Lermunto Præfecto &  
 Dinophijs, Germanicæ erant cum tormentis cohör-  
 tes. terga Kosakouius tuebatur. Adhæc ubi opportu-  
 num, & inæqualis aut in valles cauata capere tegereque  
 armatos poterat tellus, iaculatores conditi dispositi-  
 que. Reliquum, quantum productum ad Nestrum  
 spatium fuit, tenuit Cosacorum Zaporouiensium exer-  
 citus, carris humo onustis fossaque, providè statim ut-  
 cunque contra munitus claususque. Hos adoriri prius  
 Turcis visum, opinantibus nondum clausa commif-  
 saque cum alijs munimenta, quodque fessis acrius incum-  
 berent; & cum spes tories elusa, tum iræ pudoreque  
 obstrictus animus urgebat illic ad successum niti. Dis-  
 trahendo Lubomirscio, Dziambet Gereus & Kanti-  
 mirus cum Tartarorum exercitu oppositi. Eodem  
 igitur tormentis intendi iussis, cum pleroque exercitu  
 & fortissimis Turcæ Cosacos aggrediuntur. Nisi quod  
 frustra petiti machinis, acris erat oppugnatio; suffu-  
 so fumo cælo, & collucente à tormentis toto flam-  
 mis campo. Turcæ velut nimbo deiectioni, in aduersum  
 descendere, incurrere, proruere humum: contra Co-  
 saci se & munimenta strenuè tutari, globis glandibusque  
 vulnera spargere, occidere, sauciare, prorsus vtrinque  
 nihil reliquum fieri, glisciente per hæc iræ, Cosacis po-  
 stea

Hotkeni-  
 cius suam  
 quoque.

Turcæ  
 Cosacos  
 adoriantur.

Tartari  
 Lubomir-  
 scium.

stea cum incaustum peterentur fiducia. Addidit hanc  
 castrense vulgus, ex Hotkeuicij munimentis ad spe-  
 ctandum effusum. Rati enim in subsidium illud sibi  
 venisse, properè ex munitionibus in apertum effusi,  
 in Turcas ruunt. Tum ubi clamore concursuque inui-  
 cem consonuere arma, qui spectatum venerant fugi-  
 unt. Cosaci pellunt, deinde pelluntur. Et coeperat  
 cædes, Turcis suos colligentibus & renouantibus im-  
 petum, ni Hotkeuicius suppetias in tempore tulisset.  
 Qui celeriter pugnantium discrimen, campi hostiumque  
 positus oculis contemplatus, sclopis longioribus ar-  
 mas Dinophiorum & Lermuntij cohortes, per hia-  
 tus terræ fossasque, in hostium latera, alias aliò, diuersè  
 & occultè immittit. Postea consensu expeditiori  
 ad pugnam equo, arreptaque ab armigero galea fer-  
 roque, oculis & ore iram spirans, legionem vnam pro-  
 ut erat instructa, propius in hostem admovent. Mox  
 impetu capto immixtus lancearijs, hastas in aduersos  
 impellit. Initur atrox prælium, non succurrentium  
 more, sed quasi pro summâ rerum decernentium,  
 summis animis & ardore. modò recedere hostes, mo-  
 dò relato pede restaurare pugnam. Hotkeuicius ma-  
 nu, voce, sustentare suos; laborantibus recentes & in-  
 tegros submittere, ubi confertissimi hostes inuadere  
 manu. donec ex fossis arbustisque non infeliciter sclo-  
 petarijs collineantibus, inopinâ glandium procellâ  
 scissum hostium perruptumque agmen, ad extremum  
 magno conatu impulit disiecitque, & nouissimus sub  
 noctem campo discessit. Cæsi eo die Cosacorum tri-  
 ginta: nostrorum viginti; pauci hostium manu, plu-  
 rest tormentorum ictibus, quorum vi septem equi ex  
 Hotkeuicianâ cohorte afflictæ, cladem hominum au-  
 xere.

Cosaci  
 uis liti  
 Hotkeu-  
 cius fert.

Pugnat.

Vincit.

Quanta  
 clade suo-  
 rum.



xere. Exstinxit inter cæteros id certamen Zavvissam, Rakouium; illum, ex Kisciana cohorte, primæ ætatis face ardentem; exceptâ pilâ, violento ictu, postea & morte: hunc Præfectum cohortis, quæ stipendio Ioannis Stanislai Sapiehæ, Magni Ducatus Lithuanie Marschalci, in castris ut Kisciana merebat; nunquam sanctius pecunias deponere se posse credentibus Regni primoribus, quàm in salute & periculo patriæ. Et prout quamvis egregij eadem sorte sternuntur: sublati tunc quoque; Rusinovius, Iedrzejovius, Kluscius, Klebecus, Livvic, Ryskovius, non incelebres Præfecti & Cæturiones. Turcarum clades ingens, sed nec parva iactu ra, quia in primis fuit. Cecidit Vssaim-Bassa, Præfectus Silistrie, ex tubo militari glâde costas traiectus, non inter Turcas pluribus bellis felix clarusque; cui tunc summâ certaminis in manum datâ ferunt. Captus Asiæ minoris Præsidis cognatus, confectus vulneribus, cruore effusim perpluente in castra adductus, ibi reliquum sanguinem & vitam eiecit. Præda quoque; haud parva parta. Visebantur inter militum manus arma Turcica, tiaræ, lanceæ, conti, & cætera militaris suppellex; pro amissis concitissimi & nobiles equi ad castra duci agique. In dextro castrorum cornu, simulatum magis quam initum certamen, cum hostes truci tantum honore, obiecta vallium, & resultantes campos sylvasque; complentes bellum indicerent: siue desperato successu, & certo sui à Lubomirscio damno; siue similitate & discordiâ regentium, distractis in segnitie militum quoque studiis. Causam dedit reputatio Kantimiri apud Turcas, & intra id tempus, velut triumphalia, ob vastationes & populationes Poloniæ, Præfectura Belgradi, Tehiniæ, Kiliæ, ab Osmano ipsi collata: quia homini non est principe domo familiarius, & rara

Hostium.

Discordia  
Tur-  
corum.

& rara cum veteri novæ potestatis concordia, Dziambet Gereum velut postpositum offendebant.

Hoc primo experimento hostium, & successu, erectus maiorque; Hotkeuicius, vocat concilium, & ultiora voluens animo, de toto genere belli sententias poscit. Variè eæ à varijs dirigebantur, ut in talibus, ubi hoc magis sunt diuersi, quanto plures. Quibus non erat id ante consilium, ut promouerentur in Valachiam castra: tunc quoque, ne abripi quidem ad pugnam ullo successu, aut laceffendum irritandumque; hostem censebatur; in medijs belli ignibus, quietis & modestiæ nimium retinentes, & pessimum deinceps omne credentes, quicquid gestum esset. Contra, quibus in Hotkeuicio ingens erat fiducia, & spes victoriæ: cum summâ rerum, eius quoque rei arbitrium, ut sapienti & veteri multorumque; bellorum Duci permittendum putabant. pro decernendo prælio nonnulli addentes: *Suadent id alij.* quod venisse in Valachiam nihil attinuerit, si ostentato, atque tantum in conspectu hostis habito exercitu, intra vallum fossasque; harendum esset. Aliud inde pretium nec mora cerni, nisi venturam famem, & ubi hac diu toleraretur dissimulareturque, fœdas mortes. Ut in oculis hostium raro recedere, sequi ex acie in castra recipere exercitum sine aliquo discrimine solere; ita nec manere harereque; in loco diutius sine periculo. Ad hac detrectantes certamen, pro minoribus apud hostem haberi. qui ubi procul patere consultationibus & deliberationibus locum: ubi gladium eduxit, atque in oculis, & domi vastando vrendoque; grassatur, propter unius alteriusve imbecillum animum, malè differri dimittique; victoriam, finem omnium qua gererentur & votum, eamque gloriam, quod modicâ manu ingentis exercitus fama adipisceretur. Altijs alij exitum magis rerum introspicientes, temperando sententias, non detrectandam quidem omnino pugnam existimabant, quod famæ interesset, hostem aliquâ aggressione, subinde

Hotkeu-  
cius an-  
offerent  
prælium  
Turcis de  
liberat.Suadent  
id alij.Alij mo-  
ram &  
cunctatio-  
nem.



virtutis animiq; exercitus admonere, in cunctatione tamen & perseuerantiâ plus spei quam in victoriâ adesse, nullumq; ad vincendum potentius telum videri, quam ex necessitate hostis non pugnare, ostēdebant. Nunquam enim minùs, quam in bello fortunam respondere: & quamuis initio certa victoria prospiceretur, non propterea statim in futurum securos de constantia eius, aut magis tunc finire bellū, quam protrahi, minùsq; molis in victoriâ tuendā, quam in quarendā esse. Vim omnem, totumq; robur, iam in castris haberi: contra Turcis, tantū terrarum, tot prouincias, tot regna cum nouis exercitibus, ad iuuandum restaurandumq; bellum superesse. Equidem non vnius alteriusue praelij famam aspernandam: verum non spectandum modò, quod coram ostenderetur breue fluxumq;, sed ubi tutior exitus, ad quem porro fructus sit peruenturus, & pugna victores, bello postea ne succumbant. siquidem fortuna nunquam sincerior visa quam in fine, euentusq; praeliorum, inter initia sapius contra eos fuere, quibus victoria debebatur. Sanè paucos dies mora ac expectationi impendi; & affuturam mox hyemem, aduersus hostem suo tantum cælo & astibus suctum: affuturum Regem, quod expediret probaturum, aut si praelium placuisset, auctis viribus & copiis tutius ipsum certaturū. Vertendā quoq; mentē ad eius filium, traducem Jagellonum, veram Regum sobolem, rebus Polonis & saluti publicæ innexum, nec securitate sui fatum ipsi prouocandum. Nondum vires eius, nondum militem, aut ipsum adstrictum alterâ parte vi immodicâ aquarum fluminisq; adesse. Sic quoq; Numen orandum, ut incolumem ac saluum, & eos qui imperium auspiciumque eius sequuntur, immunes ab hostibus, quam primum ad castra sistat.

Vladislaus  
trinceps in  
castra ve-  
nit 3. Se-  
ptembr.

Et Vladislaus alterâ die traiecto Nestro, in castra venit cum paucis cohortibus, concepto ex diurnis nocturnisq; laboribus morbo, & corporis languore, qui ingrauescendo ampliùs in castris, vix ipsum cum fine belli dimisit, sibiq; reddidit. Miles, hac parte penes Ioānem Waierum Palatinum Culmensē man-  
sit. Nam

fit. Nam imbres & fluminum auctus, pontes resoluerant abstulerantq;, & quoties novos captabant, quod effectum operis, a Bernauio Valacho, omni pondere per secundam aquam labente, demissa per alueum robora, molesq; arborum, & vis citata fluminis deijciebat. inoffenso ad hæc Turcarum ponte, cuius firmitudinem sublicæ validæ, ferrum, comportatæque ad hæc insuper catenæ, continebant. Sexto deinde post die, fabricatis nauigijs, quæ hyppaga vocantur, alijq; similibus, dummodo innare aquæ, & capere onera potuerunt, in castra transuectæ Vladislai omnes copię fuerunt, relictis aliquot cohortibus ad seruandam ripam.

Dictis de bello sententijs, tandem in vnam omnes <sup>Hotkeuicio mora</sup> conspirauere, vltimaq; præpotuit, tuta magis quam <sup>ingrata.</sup> magnifica. Vni aliquantū ingratè cecidisse visa Hotkeuicio. qui quanquam non inficiaretur pro ea adduci rationes causasque probabiles; quia tamen gerere quam ducere bellum mallebat, victoriamque potius quam pacem domum referre, contra opponebat; quod annonæ necessitatibusq; castrorum, in moram & cunctationem prouisum non esset, verereturq; ne translatis propter castris, iactâq; fossâ contraherent hostes campum planitiemq;, & cum copiâ inuadēdi se & extrahendi in aciem, militem quoq; suo ardore & fortitudine priuarent. Præcisum id recitatis Regis literis, sicut non omittendam occasionem, si quando certa se daret suadentibus; ita ad cunctationem magis inclinantibus, seq; cum nouis copijs expectandum. Promptum quoq; tunc dicitur diploma, quo, multo cum honore Imperatoris, modus tamen præscribebatur id aggrediendi, in quod Commissarii, ad id bel-  
lum à



*Egritu-  
do animi.*

*Aut opi-  
ni. homi-  
num.*

*At Osma-  
nus præ-  
liū offert  
4. Sept.*

lum à Senatu dati consensissent, iuissentq; simul cum eo in suffragium. Quod quanquam ciuilitè accepit tulitq; Hotkeuicius, rem tamen eam ex ingenio, animoq; viri incitato & præliari, non perinde in opinione suâ homines habuere. Intendit eam magis secuta vis morbi, quo ingrauescente in dies, ex mæore cõtabuissè, gloriæ famæq; & exactorum temporum nimium memor Imperator credebatur. quantò acrius tormentum est, apud insolentem moderatorum, facere imperata, qui cõsuevit imperare facienda. Omisiori exinde certè velut in dolore animo, bellum ab eo tractatum: & quia vi morbi exanimabatur interdum, & instare propediem fatum suum certis incrementis sæuius morbi indicijs persentiebat: curarum molem, quam pari virium præsentia se vltra sustinere diffidebat, salutari anticipatione in æui animiq; validum Lubomirscium sæpius inclinabat. Et siue id quod credebatur, siue senectus ipsa, supremam tunc vitæ illius manum imposuit: sanè quicumq; reuocauerit in mentem, tot bella ab eo gesta confecta; à quibus nunquam victus, victor semper discessit; altitudinem animi, quâ nullum genus hostium, vel numero maximum, vel famâ formidabile vnquam expauit, cum studijs iudicia hominû, quibus amplificatis prælarge titulis dici subinde Hercules Lithuanorum inuictus, Suecorum tonitru & tempestas, hostium terror fuga; meruit: non tardum dictu crediderim, quin tunc quoq; reputatio illa viri, ad ingentem expectationem, si non præpediretur, vtereturq; ingenio suo, mentes hominum & opinionem traxisset.

Igitur postquam ex decretâ trahendi bellum sententiâ, ad tutandum vallum & stationes deductus dispositus.

positusq; miles, Osmanus parte copiarum ad distrahendos Cosacos, vt à tergo ex aduersa ipsis Nestri ripâ terrorem facerent, circummissâ, ipse instructum exercitum, ad tentandam belli aleam mouet, atq; cõtrepentibus tympanis tubisq; certamē indicit. Quântò credita in altera parte pugna impetum in Cosacos intenderat; tantò maior, modò in propius succedentes, modò ad tentandum vadum se audaciùs in flumen immittentes, è Vladislai castris eandem ripâ insidentibus, edita est strages. Alibi cùm nullis inuitamentis irritamentisque, à commissis sibi locis stationibusq; mouerentur copiae, non vltra quàm velitari subinde tentato prælio, ab Osmano in castra reditum est.

Vbi illuxit: aggressionem imperat, velut in metuentes, ad expugnanda castra ab omni parte: tantâ vi fulminantibus vndiq; machinis tormentisq;, vt sub primam lucem, cœptus acris & continuus ad mediâ diem, nunquam interquieuerit fragor. Primus impetus in Lubomirscium factus, vbi loco vallo & munitis satis munito, pedes ad ingressum portæ, velut nouis additis statiuis, leuiq; munimento carraginum septus, tormentis magis è vallo protegebatur. Quântò maior spes velut ab expositis, & aditus ad vteriora ostendebatur, hoc acrior oppugnatio fuit, non eminus à tormentis modò, quæ ab hoste in irritum, certiore perniciè in illum à Lubomirscio librabantur: sed in magna & abundanti multitudine, propius vallum fossasq; ductoribus copias admouentibus agentibusque, alibi alias submittentibus, ne desisterent cedentue, decore, spe, gentili religione, obstringētibus. Sed ea cuncta aduersus rectoros vana, & conspicuos aut propius accedentes, ad ictus nostri destinabant. Lubomir-



Deinde  
media  
• pstrorū.

Tum Co-  
sacos.

Cosaci  
strenuē  
resistant.

Deinde  
erumpūt.

Effusus  
& auda-  
cius.

bomirscius quoq; singula circumire, stationibus firmare, machinis & tormentis instruere, vbiq; mone-  
re, hortari, se suaq; munia seruarent immoti, glandes  
globosque non in falsum destinantes. Ita magnā ibi  
clade repulsi hostes, vno tātū ex Grzymaltouij co-  
horte interfecto, impetu haud dispari, fanum muro  
exstructum, neglectū adhuc, nec probè à nostris mu-  
nitum, premebant. Nec defuisset ab Ianissarijs succe-  
sus, qui valle fossiq; adrepentes propè iam illud tene-  
bant, ni animaduerso periculo peditem Vladislai Ko-  
chanouius eodem magnā vi rapuisset, & secutæ simul  
Germanorum cohortes hostem exegissent. Ita ibi  
quoq; impar hostis, sublato tormētaria glante Opo-  
rouio, ad Cosacos se recepit, infesso à Kochanouio  
loco, cui timebatur. Sed & alibi, quid virtus, quid ne-  
cessitas posset, apparuit. Non enim vallū modò mu-  
nitionesq; strenuē Cosaci tutabantur; sed multis ante  
castra in locis cauatis scrobibus, in eas se demittētes,  
modò ex hiatibus sibi factis inconspicui, scintillanti-  
bus tantū per terram sclopis, eminus hostem impe-  
tebant, modò ex ipsis in apertum exilientes cominus  
conferebant pugnam. Postea animo, quem superata  
tormentorū perniciēs faciebat, ab stationibus pro-  
currentes, magno tumultu erumpunt. dant in fugam  
statim hostes. sed quia amplius in condensos se conci-  
tauerant, periculum erat, ne à lateribus interclude-  
rentur. Quod discrimen vt visum, velitum & Ger-  
manicæ Vladislai cohortes properè capeſſunt auxili-  
um pugnamq; , vbi aperuissent receptui Cosacorum  
viam, interdicto ne vltra pergerent. Eo auxilio Co-  
sacis ad insequendum hostem maior exarsit ardor. &  
vagus, an astu vltius incitantium subditus, differtur  
rumor,

rumor, Turcarum tormenta à Cosacis capta, loco ob  
magnitudinem moueri non posse. Traxit hæc vox  
fidelq; per se concitatos vltius: tantoq; ardore cam-  
pū, nullo amplius eius defensore superarunt, vt quā  
conspexissent, non prius se procurrisse sub ipsa hosti-  
um castra compererint. Ibi constituto cursu, plenis  
se rursus in eos effundunt hostes portis. Accurrit in  
subsidiū cedentibus Morenda, cum trecentis pedi-  
tibus, sed & ipse retro actus, amissis duobus signis ad  
castra cum Cosacis compellitur. Ita maiori gloriā  
quā gaudio ad stationes reditum, acceptā, vt eue-  
nire solet, tum à receptu, tū à temerario impetu ali-  
quā clade; maiori haud dubiè secuturā, ni ab hoste in-  
sequendo & ambiguo rumore, Præfecti alias copias  
continuissent, versamq; iam in nos fortunam nox in-  
hibuisset. Nihil tristius acceptum, Cosaciq; nisi excu-  
currissent exiguum damnum Basilium, pilā traiectū  
extinctumq; habuissent. quāquam cætera immunes,  
muletati non pauci quoque militum auditu à boatu  
tormentorū. At altero die, belli cladem æquauit in  
castris facinus atrox & miserandum. eius occasio &  
initium tale exitit. Fuerunt Valachi in castris circi-  
ter ducenti, quæstum ex alimonia venditione exer-  
centes. Adeos ventitabant infimæ plebis homines,  
aleatores, lixæ, seruitia, pretium luxus, iam pecuni-  
am, iam pignora deponentes. Postea cum hæc ipsos  
per lusum & libidines defecissent, versā in crudelita-  
tem pœnitentiā, tempus condicunt, quo Valachos  
ferro inuadant, suaq; per internecionē eripiant. Igi-  
tur signo dato tabernas effringunt, protrahunt abdi-  
tos, alios trucidant, alios ex alto in flumen proijciūt.  
Nec modò hæc conscij, sed prout licentia crescit faci-  
lius

Non sine  
damno.

In castris  
tumultu  
facto, Va-  
lachi tru-  
cidantur.



lius quam incipit, orto à paucis initio, quicumq; pro-  
ximi, alij tædio cætus, alij tristitiâ ingenij, quidam fal-  
so rumore incitati, quod pleriq; in fraude cum Tur-  
cis deprehensos, & Ducum imperio id fieri clamita-  
rent. Sæua & deformis facies. hîc cruor & rapinæ:  
alibi cum paruis liberis fluitantes matres, aut si ad lit-  
tus appulerât, rursus in gurgites propellebantur; quâ-  
tùmq; sæuitia gliscebatur, miseratio arcebatur. Fuerūt-  
que ex eo mæsta castra, & acto vno tantum in pati-  
bulum, quamuis flagitium per tot mortales manauis-  
set. in quod ne exactius animaduertetur, valetudo  
intercessit Hotkeuicij, & à ministris custoditum in-  
conuenientibus eum silentium, ne cognito facto af-  
fectu & irâ, lecto affixus in morbum exacerbaretur.  
Aut parata quoq; erat animaduersio, nisi in tot inci-  
disset: sicut multitudini facilius condonatur, & cum  
omnes delinquant, nemo plectitur; ne cum par est  
delicto, alterum videatur flagitium, non pœna.

*Turca in  
excubi-  
tore Hot-  
keuicij  
dant im-  
petum  
7. Sept.*

*Cadunt.*

Sanè nec corpus, nec vires fatiscentes, Hotkeui-  
cium cohibuere, quin postridie ad demendum hosti  
gaudium ingens animi, velut derepentè sibi restitu-  
tus, in aciem prorumperet. Vigiles, more recepto  
longius ante vallum curare soliti, eo loci, vbi eius sta-  
tio parq; castrorum, quam curabat erat, fossam ante  
se, quod illos periculi in aperto taderet, dixerunt.  
Eâ confisi, delixis pro terrore vexillis, negligentius  
ipsi agere, somno per humum procubere, solita mu-  
nia & custodias remittere. Animaduersum id Turcis,  
captatoque, quo negligentiam intenderant, sub meri-  
diem tempore, solutos metu, repentè adorti, trucidati-  
bus duobus Præfectis, stragem terroremq; circumfe-  
rentes, alios inuadunt: ac priusquam ad arma concla-  
matum

matum esset, abductis duobus plostris scloporum, to-  
tidemq; vexillis, impunè abscedunt: tandem confer-  
tis & instructis agminibus, fortunâ suâ alijs exstimu-  
latis, eodem gradum referunt. Quod vbi nuntiatum  
visumq; est Hotkeuicio, vindictam cladis & dedeco-  
ris, differre vltra impotens, proripiens se è lecto, po-  
scit arma equumq; , atq; paucis verbis ad suos vsus, cū  
cohorte propriâ, quam ex fortissimis magis quam  
familiarissimis, veteranorum & multarum palmarū  
militum habebat, locum medium inter Zieniouiçiū  
Castellanum Polocensem, & Nicolaum Sieniauium  
capit: in subsidium Georgium Rodominam collo-  
cat. Et vix modico iam teli iactu Turcarum agmina  
conspicatus, frenis & calcaribus admissio magnâ vi  
equo, in aduersum fertur. Idem protinus fecere alij,  
intenti ad signum & Duci metuentes. Rarò aliàs me-  
lius compertum animo constare bella, audendoq; vi-  
ctoriam & cætera in ijs parari, nullumq; potentius te-  
lum ad vincendū esse, ipsâ necessitate vincendi. Qua-  
tuor omninò hastatorum cohortes erant, tantâ vi in  
aduersum concitata, vt à multitudine hostium velut  
vinctæ iam & haustæ viderentur; horrorq; spectan-  
tes & miseratio caperet, infelicitè & proiectè mori-  
entium. nec spes redibat, quanquam inter confertos  
& cohærentes hostes, strepitus cōferentium manus,  
agitatio telorum armorumq; , implicata aut fluitantia  
signa, mota & conuulsa agmina, superstitès testaren-  
tur: donec inchoante iam, & in omnes partes vertē-  
te se cum strage victoriâ, volui ad sua castra hostium  
signa, pandi latè campum, & in eo demum nihil præ-  
ter cædem & fugam ab Hotkeuicio edi cernerent.  
Rarò à tam paucis plus sanguinis fusum. Sesequi horæ

*Hotkeui-  
cius ani-  
mosè vin-  
dicat.*

*Cum qua-  
tuor co-  
hortibus  
hostem  
inuadit.*

*Sternit  
& disijcit*



spatio, profligata non minùs sex millia hostium. occisi in obscuro sunt, negligentia tradentium, quibus magnitudinem victoriæ, non cladis prodere magis curæ fuit. magnam tamen hanc, & ex præcipuis fuisse constat, quod & ea tota nox cum facibus, quærendis & colligendis nobiliorum per campum cadaueribus à Turcis traducta fuit; & multitudo ut sibi ipsa impedimentum ad fugam, ita copiam ex se ad cædem, cum velut vineta in angusto teneretur, non præbere non potuit. Incruenta tamen nostris victoria non fuit. Nicolaus Zieniouicius Castellanus Polocensis, vir primæ eo in bello notæ, galeâ præproperè non satis occlusâ, & in congressu deiectâ, perfractio capite ex equo prolapsus, propè non in acie statim, vngulis equorum attritus & funeratus, inter cursu suorum protectus relatusq; ad castra, tertiâ die inter curationem exspiravit. Par fatum Rudominam, iuuentæ & animi vigore in martialium virorum fama nulli secûdum, petiitum infestis vulneribus in acie excepit, non procul exspirante Vexillario Hotkeuicij, ubi ambo commortui sunt: huius vexillum in potestatem hostium deuenit. milites diuersis ex cohortibus occisi amplius triginta: vulnerati maior duplo numerus. Ferunt lætè ab omnibus victoriam eam acceptam: nonnullos tamen, prout propè periculum, & in incertâ expectatione euentus erat, haud quaquam eâ probasse, quod successu meliori quàm cõsilio, secum in casum Hotkeuicius Rempublicam, & cum tam paucis cohortibus, reliquum exercitum in exitum pariter trahendum coniecisset. Sed sicut nihil rerum mortalium non occultâ lege regitur, estque quiddam supra nos, quod minima, maxima, dirigit & pessum trahit, cuius

An Hot-  
keuicij  
audacia  
laudanda.

permis-

permisissu, alia secus quàm expectata fuere cadunt, alia vix post successum credita, ultra votum etiam spèq; prouehuntur: ita illud ipsum præcipuam in terris, qui sibi proximi sunt, eorumq; qui regunt curam, gerit, suppeditatq; præcipuè in aggrediendis rebus, mentem intelligentem, auxilium quoq; suum & opem, quibus regimen concessit. Si tamen diuinam prouidentiam iuxta humana quid industria potest, ea victoria virtuti debetur Hotkeuicij: qui à diuturno imperandi usu & experientiâ, hostium animos viresque, & singula eius belli momenta, prout attendere & obseruare ea cum primis maximis Imperatoribus fuerit, ipse quoq; non fallaci euentus consecutione præcepit præhabuitque, ac simul fiduciâ non de nihilo conceptâ, se cum suis in hostem immisit; opinor, ut ostenderet, tantum sibi animi esse, ad absoluendam victoriam, quantum tunc erat exiguâ manu ad inchoandam. Verum res humanæ ita se habent, nemo non in alieno facto abundè prudens callidusq; est, & prospera sibi quoq; vendicaturus, quia detrectauit, fortunæ aut Numini, aduersa cum contigerunt, Duci imputat.

Patuit quantum profectum altero die, quo omissa cunctatione, & cõgrediendi certus Hotkeuicius, instructis copiis egressus castris, obtulit hosti prælium. Ut nos virtutem auximus, barbari ferociam infregere. Postquam toto die expectando hostem, signa ab nulla parte efferri contra vidit, propinquo vespere cum exercitu in castra reuertit. Is finis fermè curarum eius fuit, intendente se acrius morbo & languore, à quo ne detrimenti quid Respublica pateretur, securitatem castrorum & bellum. Lubomirscio permittit commendauitque.

Hotkeu-  
cius in-  
structa a-  
cie præli-  
um offert  
8. Sept.

Detre-  
ctant Tur-  
ca.

P 3

Quic-



*Inopia in  
castris.*

*In Tur-  
carum  
pestis.*

*Cosaci ob  
famem tu-  
multu-  
tur.*

*Eius ipsi  
sibi causa.*

*Qui re-  
flore-  
sunt Co-  
sacorum.  
Borodav-  
ka.*

Quietiùs & tranquillius interea à Turcis bellatù.  
Cosaci triduum infestabatur, irritò ut antea conatu,  
& alijs cohortibus minimè se propterea commouen-  
tibus, aut sicubi se ostenderant, primus imperus &  
clamor rem decernebat. Bellorum mala grauius pe-  
riculis fatigabant, præcipuè commeatuum inopia, &  
morbi iumentis ac hominibus iuxta graues: còmunè  
id quidem postremum vtriusq; castris malum, sed eò  
Turcis funestius, quò inclinatum iam in hiemem &  
morbos tempus, ac loci vitium, in corporibus inas-  
fuetis alieno cœlo, pestem quoque mouerat, conta-  
ctusq; vulgabat morbos, in multitudine nulli magis  
numero quàm sibi graui. Apud nos, vnde maximum  
periculum parq; licentia, inter Cosacos atrocè que-  
stum fames accenderat, non sine solitudine regen-  
tium, prout in vtrumq; grande erat in ipsis momen-  
tum, seu digrederentur, seu manerent. Non frumen-  
tum sibi, non equis alimenta prouiderat, haud spera-  
tâ tam diu vno in loco morâ, promptiores ob popu-  
lationes & raptus ad bella, quàm in bellis ad perseue-  
rantiam. Dux quoq; qui ipsos in castra ducebat, satis  
factum bello credens, si in fas nefasq; licentiam pate-  
fecisset, futurorum secors, alias belli curas parcimo-  
niamq; deseruerat. Præerat tunc Borodavvka, post-  
habitis melioribus, turbidissimorum consensu ele-  
ctus. Vnde non ij in arbitrio eius, sed ipse violentiâ  
eorum trahebatur: cuncta scelera & malefacta, in ho-  
stili promiscuè quàm patrio solo impunè conflâtibus  
habentibusque. Dein adefis & defluentibus, quæ per  
scelera pepererant bonis, cum appropinquantibus ad  
castra, nec copia ampliùs prædandi, proper hostem,  
neq; ex prodigentiâ aliud, quàm inopia & sola vitia  
mansis-

mansissent, ad odium vindictamq; prorumpunt, atq;  
Ducem ipsi suum, cuius segnitia & permisso coaluif-  
sent omnium pericula, ab imperio depositum, one-  
ratum catenis, ad expianda promiscuè cum ipso cõ-  
missa flagitia, successorì tradunt. Non nouum id apud  
ipsos, quorum discrimina, tam flagitijs, quàm virtute  
constant: aduersasq; in ocio & quiete maximam licẽ-  
tiam, rursus in bellis ac necessitate maximas virtutes.  
Nam & ei qui Borodavvæ successerat, ademptum  
ante erat à Cosacis regimen, contrario affectu, non  
ob culpam, sed quia morum seueritate, aduersus de-  
licta inexorabilis, ingenia eorum irritauerat. Mane-  
bat tamen admiratio viri & industria, quibus tunc in  
necessitate ac bello monstratus, designatione Regis,  
eorumq; consensu, iterum in honorem locumq; prio-  
rem assumptus est. Viro, Petri Konaszeuicij nomen:  
aliud quanquam vulgò fuerat Cosacorum transmuta-  
tione Saydaczny vsurpabat. Plurima cum ijs contra  
Tartaros, illustriora Vladislauum Principem secutus  
in Moschouiâ gesserat. Nec tunc segnior primas pro-  
pè eo in bello partes agebat. Literarum, ut plerique  
alij Cosaci, rudis. alia à puero doctus, arcum tẽdere,  
eundem fortiter implere, arma equumq; nunquam  
manu emittere, niues, pruinas, cœli, ventorum rabi-  
em, non tam integumentis, quàm inuictâ animi tole-  
rantia arcere; duritiem, famem, laborem inter con-  
suetâ habere; hostem non expauescere, vbi periculũ  
cepit, ibi virtutem ostendere. Itaq; ad cætum delibe-  
rantium non semel vocatus, & de ratione modoque  
ducendi belli, decernendiue cum hoste, iussus dicere,  
quod alij ex literis scitè magis quàm peritè, ille natu-  
rali prudentiâ & vsu, vetus militiæ, non sine admira-  
tione

*Sayda-  
czny.*

*Virtutes  
eius.*



Discipli-  
na.

tione audientium disceptabat. Disciplinā certē inter Cosacos ita restituit, vt quicquid eius sub Borodavka prolapsū, aut à turbā contagioni obnoxia peccatum fuit, acriori obsequio & virtute deletum expiatumq; irent. Vna fames & inopia, omnia corrumpēbat, aduersā modestiæ, & tam propinquo hoste metuenda. quæ cū tolerari diutius non posset, circumuaserāt ob ipsam & nostros Imperatores Cosaci, turbidis clamoribus. Quibus anxius Lubomirscius, atq; ne ingrauius malum erumperet metuens, remedium à sua manu attulit, non notos modò, aut quoscunque militari aliquo honore inter eos insignes sciuerat, placando, deliniendo, sed propria alimenta per turmas, per cohortes distribuendo, leuandæ vt cunq; fami. Addidere Commissarij, obstringentes se fidemq; publicam, promissum donatiui quinquaginta millium florenorum, spemq; in posterum stipendij & opulentæ militiæ.

Paratur  
excursio  
nocturna  
in castra  
Turcarū,  
11. Sept.

Nec detrectatum, magis quod factum Cosaci urgebant, quā quod factum alij cupiebant, inuadere castra hostium, cū alimenta parcè concederentur, alterum hoc vt peruincerent. Crebrò ad id trahebat Kunaszeuicius, pertæsus moræ speiq; & ad facta magis, quā ad consulta intentior. Addebat animum, multorum dierum quies, ex quā abundè spei hostibus conceptum erat, quā defensionē, nihil vltra nostros moturos. & neglecta solutaq; omnia, incuriosas vigilias, transfugæ nuntiabant. Electa nox: diuisa alijs alia munia: tesseraq; datā, secūdā fermè vigilia egressum castris. Cū in eo iam essent, vt nihil sentientes sopitosq; inuaderent; repentē imber ingentibus procellis fusus, impetum prohibuit diremitque, & militē ad ca-

Quid eā  
dissoluit.

ad castra redegit. Saluti illum imbrem fuisse exercitui Turcarum, in confesso fuit. Quidam nō ab imbre, quem fluxisse, postquam euoluta nox fuisset, sed quia in tempore Germanicæ cohortes non affuerunt, quæ Cosacos sequi debebant, turbatam compositæ rei rationem ferunt. Nā primò Cosaci, per intermissa custodijs loca, præire iussi: dein' si aliqua vis coorta fuisset, ad Germanorum cohortem firmam stabileque suo & armorum pondere, resilire. Vtq; optima videntur, quorū tēpus effugerat, pœnitētia tunc emissæ è manibus opportunitatis, affirmatum audiui, repetere neglectam occasionē exercitui animū fuisse, serò iam, cū à transfuga edocti Turcæ, sibi aduersus futura prouidissent. Ego etsi nihil in hanc illam uē partem exploratum pro certo affirmare habeo, quum pleraq; nondum peracta, spe dictuq; quā re sint faciliora, & non pauca, quæ teneri manibus creduntur, mille insperatis modis fortuna eripiat eludatque: tamen cū noctem respicio, remq; ipsam tunc moderatu difficilem, & cui tenebræ non parū prouidentia eripiebant, minimè reprehendendū puto, si aliqui impressionem detrectauerint, ne obscuro cœlo, in cœcos & inobseruabiles casus, se copiasq; induerent: neq; mirum habeo, secundum duas diuersas vias, vnā, quā protinūs, alteram, quā paucos intra dies sedēdo, casurum per sese hostem, sine cuiusquā impulsu, sine inuadentium sanguine videbant, quod seram & securam cum ratione, quā dubiam & festinatam cū casu & periculo antehabuerint. Quippe manifestè conuulsum iam & fatigatum hostem, nō pauca ostendebant; sex annorum apparatus in paucissimis diebus attriti, ferocissimi per acies absumpti, & quanquam

Varia sa-  
ma.Credibile  
quod spes  
cadens is  
hostis, per  
se.

Q

supera-



Nec eam  
vanum.

Litera  
ostende-  
runt Ra-  
dulij ex  
castris O-  
smani pro  
pace, 12.  
Sept.

superaretingens adhuc multitudo, imbelles esse reli-  
quias. inter quas, gliscebatur malum haud facile sisten-  
dum, cum fame, tædio, peste, non pauci longam mi-  
feramque militiam abnuebant deserebantque. Nec  
enim uerò ea fefellit opinio. Nam Osmanus metuen-  
tior in dies, & implicatus obsidione irrita castrorum,  
cum abiretne, aut adhuc moraretur, metu, pudore,  
indigus rectoris, inops consilij, in diuersum distrahe-  
retur: tandem ad petendam pacem inclinatio, obtu-  
lit victoriæ confessionem, maioremque eius lætitiā,  
quod cogi videbatur. Delegatur ad eam conciliandā  
Radulius, Valachiæ illius, quam nos Moldauiam di-  
cimus, Princeps. Is statim ad Hotkeuicium literas  
Vngaricas, suetumque nuntium Veuellium misit, cum  
mandatis & questu: quod hætenus paci obstiterit, seq̃, quo-  
minus inter utrosque populos iam stare, opposuerit. Cur enim in suis  
ad Vezarium literis, nullam pacis curam, mentionemque fecerit?  
Non enim eā causā Casarem Danubium transgressum, ut bello Po-  
lonia peteretur, sed ne quis alius Valachiā potiretur: & quanquam  
toties laceßitum, id tantum aduentu suo quaßuisse, ut pacem pro-  
uincia tueretur. Sanè ad breue tempus, & paucos dies, Turcarum  
potentiam ferri consueuisse, qui ubi bella incipiant, non nisi integris  
subactis regnis populisque finiant. Nisi forte Poloni, altiores spiritus  
Germanis & Persis haberent; quorum pertinaciā, illud tandem  
profectum, ut postea supplices, ad accipiendam pacem, quam antea  
spreuerant, venirent. Reputaret hac, & illata hoc tempore regno  
à Tartaris, vincula, vulnera, luctus. Id conuenire ipsi, ut regnum  
pace potius seruaret, quam periculis obieceret: id Regi Regnoque,  
incolumitatem populorum sine sanguine retinerent. Rem Ottoma-  
nicam huc facietate gloria prouectam, ut laceßentibus etiam quie-  
tem velit datam. Proinde quem sinistra antea persuasio decepisset,  
mitteret nunc iterum ad Vezarium, cum illo de summa rerum con-  
ferret: si statim inciperet, cuncta secundum voluntatem; si postea,  
secundum euentum belli cessura.

Intel-

Intellectū statim ex literis, quod erat magis, quam <sup>Delibe-</sup>  
quod scribebatur, coactoque Principum virorum <sup>ratur,</sup>  
Centurionumque concilio, pacem oblatam accipe-  
re, an, postea armis facere satius esset, disceptaba-  
tur. Huc adigebat, maius si perseverarent decus, <sup>An bellū</sup>  
spes à Rege opis facta, respectus quoque eius, cui non <sup>teneret,</sup>  
modò adimi, quod proprium esset, pax, fœdus, bel-  
lumque, sed etiam fructus victoriæ videbatur, neuē  
reuerteretur, cum tanto, quæ fama differebat, omni-  
um nobilium apparatu, auxilium posthumū tantum  
& inane. Sed disflerebatur contra. Serò à Rege omnia <sup>An pax.</sup>  
prouenire, & si quid venturo agendum superesset, pacem utique  
esse & quietem. quæ & Deputatis commissa, & ubi hī regnum va-  
stationibus metuque liberauerint, totum iam haberi, quod omnes aue-  
rent. Nimirum satis exploratum, Regis aduentum sine fine pro-  
mitti, simulque illum expectari, & inopiam crescere, ubi momenta  
belli moram non admittant. Adhuc Cosacos ob famem in castris  
agrè contineri, quid si imminente breui eadem omnibus inopia, de-  
trectari militia ab alijs legionibus, pluribusque ab locis castra laxari  
incipiant & cedere, verendum, ne tanquam ruinosæ domui, serā  
postea sit occurrentium industria. Hæc sententia assensum <sup>Mittitur</sup>  
habuit, pluresque communi pacis desiderio, tunc ma- <sup>Zelensci-</sup>  
gis cum offerebatur capti, pacem prætulērunt. Mit- <sup>us ad Tur-</sup>  
tere Iacobum Zelenscium placuit, decorā procerita- <sup>cas pro</sup>  
te corporis, & vi corporis animique insignem, neque <sup>pace 14.</sup>  
impositæ profectionis periculum recusantem. Ex- <sup>Sept.</sup>  
ceptus est à primoribus Turcarum truci vultu, metū  
ultrò intentantibus, ut suum proderet, aperiretque qui  
animus esset nostrorum Imperatorum? quod consi-  
lium? num obsessi fessique bello discessum cogitarent?  
num timentes se gererent? Post ubi contra ac rati,  
nulla ad pauorem responsa inclinātia, nullum in ver-  
bis respondentis negantisque & vultu metum deprehē-  
dissent,

Q<sup>2</sup>



Minuta  
& singu-  
laria cu-  
iusq; col-  
ligere, nō  
ē digni-  
tate Hi-  
storici.

diffent, velut falsi teneretur, contra fas fidemq; datā, octo eum dies in castris suis attinuerunt, vulgato, ad metum reliqui exercitūs, aut sponte credito rumore, tanquam interemissent. Itur pro definitione iterum ad bellū, diremptisq; conditionibus pacis, vis armaq; expediuntur. Equidem possem, prout nullus erat dies, ex quo castra castris collata fuerunt, quo, non oriens sol simulq; Turcæ, non aliquid aggredientes tentantesq; videndi erant, velitationes, prælia, structas alteris ab alteris insidias denarrare, nisi ad parua & singularia toties me reuoluendo, quæ nullo sanè etiam memorando, in hanc illamue partem exitu, contigerunt, à rerum summā sæpius interisterem, obuioligentium tædio, & in nimia curā minutorum, assentationis suspicione. Sed sicut illustria & magnifica præterire nefas, ita minima conquirere procul gravitate suscepti operis habuerim, quando cuiusq; virtus, & ex conscientia pretium, & cui impenditur, ex publico, abundè suam accipit memoriam & famam: nec minùs eos qui præsunt, ex consilio, prouisu, quòd iubeant quæ expediat, gloria sequitur; sed & eos, qui vitam, sanguinem periclitati, mandata excipiunt, militumque decretoriam victoriæ manum.

Karakas-  
Bassa de-  
poscit op-  
pugnationem, ca-  
strorum.

Ergò cum pax expectaretur, atrocius quàm vnquam ante prælium commissum est. Vim ei & fiduciā Karakas-Bassa attulit, eodem quo Zelenescius die, castra Turcarum cum nouis copijs ingressus. Præfectū in Vngariā Budæ agebat, vir acer animi, & multa olim felicissimè ausum ingēs expectatio virtutis apud Turcas circumstabat, nec paruum incitamentum Osmanus erat. qui famā & aduentu eius debellatū ratus, barbaro truciq; ac implacato voto se obstrinxit, iurauitque:

uitque: *Nusquam se nisi in captis castris cœnaturum.* adhæc <sup>Oppu-  
gnat 15.  
Sept.</sup> veluti certus iam euentus, locum vnde prospectaret pugnam, sibi deligit. Cincta crastino die, haud secus ac coronā, castra. bipartitus tamen, impetus, ad Lubomirscianam portam, & Waieri stationem, acrius incumbibat. Hic tenuis porrigebatur planities, inquam simulatā fugā, ex vallo eum extrahere, postea turbatis deductisue ordinibus, in terga inuehi, reditūque claudere, captatā non procul ex opportunā syluā excursionē decreuerat. Illic sedebat in, statua Mossinij perrumpere, quæ, redactis militibus multis prælijs excursionibusq; ad paucos, minori manu seruari, a transfuga Vngaro intellexerat. Spesq; ita certa erat, vt desilientes ex equis Turcæ, suorum peditū adiuuarent vim impetumque. Adhæc Karakas, siue vt præsens acrius instaret, siue, vbi solutam turbatāq; rem vidisset, occasione non deesset, præcipuum se ad periculum & exemplum dedit. Repentina ea vis magis, quàm insperata Polonis assiduè intentis paratisq; fuit. Et Lubomirscius summæ tunc rerum pugnaq; administer, voce, manu, præsentia suis conferre, alios commonefacere beneficiorum suorum, alijs aliorum virtutem ostendere, prædicare, pro cuiusq; ingenio, pollicendo, minitendo, obtestando, aliū alio modo firmare excitareque. Clamor ingens exoritur: pugnatur vtrinque extremis viribus, nec in totā <sup>Dolum  
struit.</sup> oppugnatione atrocioribus animis. Referunt ex cōposito, in parte Waieri, pedem hostes. in quos signari doli, cum se nostri concitassent, repentè flexis ad pugnam. equis, & ex abdito proximæ syluæ, vbi latuerūt effundentibus se alijs, renouant acrius Turcæ cum <sup>Interfici-  
tur.</sup> Waiero prælium. Duplex hic fama est, alijs à parte <sup>Waie-</sup>



Waieri, alijs à Lubomirscij, Karakas-Bassam interfectum asseuerantibus, cum, quò magis agnosceretur detractò capiti tegmine, strictoq; ferro præcurrens suis, in volandia ex aduerso tela temerè illatus, patefacta vulnere simulq; morti fronte, pilâ tactus occubuit. Siue rem ambiguam, Waieri locus, in quem Karakas incurrerat, fecit; seu subsidium Lubomirscij illuc properè submissum, cum in eum ex syluis se hostes effuderant, contulit simul ad victoriam & mortem. Nam ex eadem syluâ potitus fuit Lubomirscius, tum variâ ex Turcis prædâ, tum non paucis equis, quos ipsius Centurio Fekettus adduxerat. Sensit certè utraq; acies casum viri; momentoq; temporis cœpta fuga & strages, quanta, satiantibus se cruore hostium Polonis, extendi ad noctem potuit.

*Osmanus  
abijcit bel-  
li cōsilia,  
agnoscit-  
que teme-  
ritatem  
suam.*

Iam spes toties elusa, iam conatus multo sanguine damnisq; defessi, nondum ira & pertinacia Osmanū deficiebat: qui eò quòd præsens & destinata fefellissent, ut alij secundis, ita aduersis eorūq; pudore acrius accendebatur. Et propius iam tum ipsa patebat temeritas, quantum præcipitatis consilijs peccauisset, cum nec reuocari amplius, nec restitui in integrum facta poterant: victoriæ nimia fiduciâ, victoriam corruptam: moram pariter, & quicquid nimis properū pro nobis: petita frustra & oppugnata castra, & obsidio si ulterius continuaretur, eam quoq; cœlo ipso solui. Iam fœdum & indignum, commotâ orbis propè expectatione, intētis ad exitum belli tot Regibus Principibusq; inglorio abscedere: tantum impensarum, apparatus, laborum, reuerentiam quoque & maiestatem Imperij, cū gloriâ militari, hosti largiri. Quibus curis diductus exercitusq;, nihil adhuc, quicquid vis

huma-

humana aut virtus posset linquere statuit, & quòd remittentibus cœpta temeritas iniquissima, & fiducia aderat, multa tentanti aliqua in parte victoriam affore. Sed quantò maior erat hostium feroçia, hoc nobis efficacior virtus; terror quoq;, qui in aditu & initio validus, tempore imminutus, & ad prospera magis excussus, iam in hostes se verterat.

Cosaci præcipuè, quæstu maiori prædæ, quam gloriæ, nihil tutum sibi, nihil hosti permittendo, par-<sup>Cosaci no-  
tu inua-  
dunt ca-  
stra Tur-  
carum.</sup> tes agebant suas. Ij quadriduo post, in duo agmina se diuidunt. Vtroq; nocte mediâ egressi: vnum aduersum vigilias Turcarum constituunt; altero per obseruata sibi vada, pubetenus per fluuium videntes, nullo sentiente prohibenteq; castra Turcarum incunt. Illata prius cædes quàm pugna, incisis tabernaculorum funibus, aut suis tegumentis opertos, ne sonitus acciperetur trucidant, in vastæ magnitudinis castris, sensu non pertinente ad omnia. Postquam correpta arma, & ab Turcis excitatis vulnerib<sup>9</sup> sublatus clamor, dant interiores Cosaci signum, ijs quos ante vigiles constituerant. Qui insperato tumultu clamoreque, à tergo simul, simul à fronte terri, fugientesque in diuersa, aperiunt dantque latam prædâ onustis Cosacis exeundi viam. Idem postridie ab ijs factum. quo tē-<sup>Idem fa-  
ciunt 20.  
Sept.</sup> pore, noctu reperto vado transgressi Nestrum, in Taki-Bassam alterâ parte fluminis, propter pontem castra habentem, insiluere. adeoq; intercepto à tergo fugæ nuntijsq; ponte, auxerunt non cæde solum, sed fugâ etiam stragem, ut omnes aut ferrum, aut qui ferro terga dabāt, amnis acciperet hauriretque. Vix paucis effugium patuit. ipse Taki-Bassa in lecto, artiori somno pressus, trucidatus est.

Inter



Hotkeu-  
cius spe-  
vita de-  
stitutus,  
regimen  
resignat  
Lubomir-  
scio, 22.  
Sept.

Lubomir-  
scij votū.

Templa  
ex voto  
in Wi-  
snicz.

Hotkeu-  
cius mo-  
ritur 24.  
Sept.

Inter hæc Hotkeuicius, cum nouissima iam mor-  
bus interminaretur, ex spes vitæ, depositurus huma-  
nas curas, ex castris in arcem Holinensem deferre se  
iubet. Ibi fato propinquus suo, paucis adfidentes Cō-  
missarios allocutus, dein' ad Lubomirscium versus,  
opem cælestem ipsi piè precatus, ius omne belli pa-  
cisq; in eum transfert, & regimē imperium suum ad-  
dicit. Ferunt Lubomirscium digressum à colloquio  
Imperatoris & conclavi, mæstum ac dolentem, pro-  
ut ex omnium, qui aderant oculis, & orbitas ipsa, &  
fortis humanæ miseratio lacrymas expresserat, non,  
prius ad curas opusue, se conuertisse, aut factum ali-  
quod, licet quæreretur imperasse, quàm castra & ta-  
bernaculum suum ingressus, positus humi, supra yfi-  
tatum morem, multis precibus & votis, imploratâ  
cælesti ope auxilioque, vt consilia & facta attolleret,  
salutem totius exercitus cum fortunâ suâ Deo addi-  
xit: auditus pro victoriâ Numen ita adorare, *Deus Mi-  
summe & aterne Deus, Rex omnium & Domine, cui est potestas  
nostrum hostiumq;, Tuam Maiestatem oro quæsoq;, vt quemad-  
modum Te Dominum confitemur, Dominum sentiamus: volens  
propitiusq; Tuis adsis; fugam, formidinem, terroremq;, vertas in  
eos, qui te Dominum respuunt negantq; portantibus nomen Tu-  
um & causam victoria, da ipsam quoque victoriam.* Inter hæc  
vovit templum, quod confecto feliciter bello, loca-  
uit postea in Wisnicz, eâ magnificentia, quam regiæ  
opes vix amplius ornarent augerentque; & reddidit  
dedicavitq; cum Canobio Carmelitarum Discalcea-  
torum, sacrum IESU CHRISTO SALVATORI,  
quasi commilitoni Deo stipendiū. Hotkeuicius de-  
inde, à deposito imperio, non plus biduum superstes,  
ingenti luctu totius exercitus extinguitur. Rarò mi-  
lites

lites effusiori commemoratione virtutum, defleuere  
Ducem suum, adeuntes cadauer, & cum lacrymis ac  
laudibus, manus armâq; mortui exosculantes. Cuius  
auditâ simul morte victoriâq; cum indoluisset quoq;  
Rex, auditus est dicere: *Rarò non solere consequi, immisce-  
riq; magna felicitati & gaudio, aliquod infortunium & acerbitatē.*  
Et sanè Hotkeuicius bellicâ in domo natus, patre  
Gregorio pariter Imperatore exercituū, Marschal-  
co Supremo, Castellanoq; Vilnense, militarem pru-  
dentiam penè hæreditariam habuit. Hæres postea  
paternæ virtutis & præfecturæ militaris, prælijs pares  
victorias numeravit. Cum Carolo, Patruo Sigismun-  
di Regis, collaris signis sæpius dimicavit; nec solum  
crepta ab eo recepit, sed multis locis eum fudit fuga-  
uitque: exercitu non rarò, exercitus Imperatoribus  
simul duobus, ad Volmariam exiit. Ad Kirchholmū  
suâ se virtute, non multitudine hostium metiens, per-  
paruâ trium millium & trecentorum militum manu,  
sexdecim millia hostium, luce clarâ, marte aperto,  
acie vtrinq; instructâ, inuasit, disiecit, deleuitque. Li-  
uoniam liberauit. Æstioniam aperuit. quin ultra bel-  
lum victoriâq; proferret, iussu publicum defuit;  
quò, sicut cætera apud nos, ita arma sua consiliaque  
Imperatores ad præscriptam rationem moderantur,  
primam præcipuamq; tranquillitatis publicæ haben-  
do curam. in quâ magis ad æquitatem, quàm succes-  
sum fortunamq; intenti, hoste domum & ad sua reda-  
cto, bella quæ finiri celerrimè refert, intra fines, ve-  
lut illic pericula desinant, abrumpimus deponimus-  
que. Certè tunc quoq; mors, id præmium laborum  
attulisse viro visa est, vt confecto feliciter bello, inter  
victoriæ plausus, velut in triumpho suo conderetur.  
Ætas supra sexagesimum annum processit. Corpus  
depor-

Regis  
quoque.

Elogium  
eius,

&  
Bella.



*Sepultus in Ostrog.* deportatum in patriam, ab vxore, quam ex familia Ducum in Ostrog acceperat, inſtauratâ exequiali pōpâ, peractisq̃ue magnificentissimis parentalibus, in vrbe id nominis conditum est, decimoquarto post obitum mense, relicto ad posteros monumento.

*Suprema vires à Turcis effunduntur ad opugnanda castra. 28. Sept.* At audita mors Hotkeuicij, Turcarum iterū erexit spem animumq̃ue. Nec mora admissa, prout vires morientium postremo & in nouissimis intenduntur, quicquid virorum copiarumq̃, in castris erat, ante lucem eductum. Quinq; & viginti tormenta, in alterâ Nestri ripam aduersus Cosacos deportata, diducēdis perturbandisq̃, simul ac metus occasionē admisisset, ad traiciendum flumen, additis Tartarorum circiter triginta millibus. Alia tormēta, in castra obuersa. Sed globorum terror detrimentum haud æquauit, vitatâ pernicie munimentis latibulisq̃; sibi constructis à militibus, & quod extrorsum castra, locus leniter deuexus in planum erat, ex quo excussi globi, intactis etiam munimentis superuo labant. Ex alto plus demittebantur, facili velut à fulmine, quicquid cōtigissent periculo. Constat è custodiâ Vladislai Principis, vnū propè tabernaculum, tormenti ictu sublatum, ad cuius quoq; pedes, non paucas prolapsas pilas, propitiū numen stitit arcuitq̃ue. Post tentatum supremum ignem, machinarumq̃; nihil interquiescentium tonitrua, quas ampliùs mille ictibus, eo die exsonuisse ferunt; admota, quæ laborem, sed & gloriam maiorem habet, manuum vis, cum in omnes partes, tum maxime intento in Lissouiensium & Dinophiorum stationes insultu. Et is quidem aduersus Germanicas cohortes acris, sed irritus fuit, instructas longioribus sclopis, & nunquam sine clade tentatas. Lissouiensium & breuiorestubi, & locus infirmior erat. Illuc torren-

*Et vix vitatum periculi Vladislao Principi. Deinde caminus.*

*In Germanicas cohortes. Lissouienses,*

torrentis instar extremo conatu illati, pulsi, pellētes, nullo suorum cadentium metu, vt Turcis negligentia vitæ virtus habetur, contendere, conserere pugnam, munitiones perrumpere, ascendere, milites conturbare: arma, tela, hostes, ciues permixti. *Vbiq̃, repellitur.* Lubomirscius, (cū nutantibus pariter animis & munimentis, auxilium facile præ paucitate militū, ob quâ castra quoq; arctiùs statuerat, ferri non posset, omnibus æquē ad periculum suum in stationibus intentis) decimum quenq; ex omnibus cohortibus abstrahit: deinde in vnum coactos & ordinatos, acceptâ etiam è Vladislai Principis custodiâ cohorte, vbi laborabatur in hostes immittit. simul orare, hortari ne deficerent, neq; illis alia castra, neq; munimentum vllum, quo cedentes tenderēt, esse; in manu & armis locoq̃; retento omnia sita. Vbi eâ parte fusi hostes, omnibus auertuntur. Sed non parua victoriæ appendix tum *Munitio Szembergii.* Szembergus erat. Is haud procul vallo, repentinam munitionem editiori solo, vt totus campus ad ictus pateret, exstruxit, septam leui aggere fossâq̃, tectam vndiq; frondibus arboribusq̃, vt obiecta hostiū oculis, internatorum virgultorum speciem redderet, & simul certam à conditis illic tormentis militibusq̃ue cladem. Tormenta duo habebat, & aliquoties denos pedites è signis Lubomirscij & Zamoscij. Atq; noua loci facies principio Turcis suspicionem mouebat: deinde cum diu obequantibus, quies & silentium metum insidiarum eximerent, quoties aut receptus, aut impressio in castra repetenda erat, velut se illic tecturi, totis agminibus congregabantur. Enimuerò *Et strages notabilis, quæ edidit.* propiùs nactus confertos Szembergus, effusâ pilarū glandiumq̃; ingenti tempestate, fudit toto, quantum ante castra erat, spatio. Erumpunt in tēpore vndiq; ex ca.



ex castris alij. Tum verò spectaculum horribile in campis parentibus, sequi, vulnerare, occidere. equi traiectione glandibus alios ex se excutere, cum alijs procumbere: truncato corpore per humum alij colluctari, alij viribus deficientibus morti se offerre. Passim, quâ visus erat, arma, semineces, mortui, laceri artus, stratus cadaueribus campus, & cruenta humus.

*Serid Turca pacem petunt.*

Hac demum strage, intrauit Osmani animum ultima desperatio: & prout solenne Turcis, ad superstitiones fortunam trahere, inauspicato se mouisse bellum questus, simul intutam sibi eo loci moram videns, altero die per Veuellium, & remissum ad castra Zelenescium, pacem & ad disceptandas cum Vezerijs

*Mittuntur legati, 29. Septembris.*

conditiones, legatos poscit. Profecti Stanislaus Zorauinscius Castellanus Belzensis, & Iacobus Sobiescius Palatinus Lublinensis. quia in celeritate multum momenti erat, deposito instrumeto, in quo condi-

*Conditiones pacis depositae apud Andream Soldatium.*

tiones conceptae erant, ut seruaret, signandasque Senatoribus & Commissarijs offerret, apud Andreâ Soldatium Secretarium Regis, & Principis Vladislai Cancellarium, virum ingenio prompto & praesenti, ex quo alijsque virtutibus, & meritis postea transijt in eundem Episcopalis honor, & ex solertia introspecti sensa Principis, mandata eius, priusquam voce ederetur, ex vultu coniiciendi, dexteritate exequendi, beneuolentia & gratia Principis. Disceptatio diu tenuit, circa coercitionem poenamque Cosacorum, paripertinaciâ, quod in Cosacos Turcae cupiebant, id in Tartaros ut fieret, nostris postulantibus. Quae controversia cum utrinque exitus inexplicabiles haberet, oblivione condonatis conscriptisque utrinque iniuriis, quadriduum post, Sobiescius rediens ad castra, instrumentum à Soldatiscio, & à Lubomirscio literas, ad Osmanum

acce-

accepit. ad quem admissi ambo legati, post officia solita & venerationes, literas Lubomirscii obtulere. Pax in antiquas condiciones conuenit: adiectumque,

*10. Octob. admissi ad Osmanum legati, & approbata pax. Quibus conditionibus.*

I. Legati utrinque Magni, à Rege ad Casarem, à Casare ad Regem, ad probanda utrinque, quae in castris concepta, expediuntur.

II. Constantinopoli Rex, unum more aliorum Regum Principumque perpetuum habeto.

III. Interea Osmanum Stanislaus Sulisewius, donec à Rege is veniat, comitator, quem humanè comiterque Turca habento.

IV. Vtriusque populi subditi, ab utrisque tuti sunt.

V. Negotiationes, mercaturae, alteri apud alteros exercent, ac perinde ut ante receptum, inter se agunt.

VI. Qui homines, quae oppida, agri, vici, castella Valachorum fuerant, ut Hotim arx oppidumque, ea Valachis sine mora reddunt.

VII. Valachia uterque exercitus excedito.

VIII. Cosacos Zaporouienfes, navigatione Boristhenis Rex arceto: Casar quoque Tartaros Bietogrodienses, Tehinenses, Kilienses, Dobrucenses, Cremenses, ab incursionibus abstinet, ultra Otchakouum exire ne permittito.

IX. Desertos campos, vacuaque loca, quae alteris ab alteris intercedunt, neuter inuadunt adeuntoque, extra quam venationis & piscationis causa.

X. Nec castellum ullum urbemue ijs in locis condunt, aut praesidium imposito.

XI. Si qua iniuria damnaque facta fuerint, alteri alteris vindicato restituitoque.

XII. Si quid horum Tartari admiserint, nec vindicatum fuerit, Chami crimen, isque reus apud Casarem esto.

XIII. Stipendia Tartaris, prout ab alijs Regibus admissa patet, Rex exhibeto.

XIV. Tartari vicissim pro ijs obsequium Regi prabento, & ubi opus fuerit auxiliantor.

XV. Ad Valachia Principatum, ut antea, ita deinceps, nisi initiali fidei lauacro tincti euehantor, neque Turcica religionis admittuntur.



Poloni  
13. Octob.Turca 12.  
Octob.Dies fe-  
stus & sa-  
cer victo-  
ria Polo-  
nia.Moschi  
& Sueci  
mouent  
bellum.Moschi  
deponūt.

Sueci nō.

His vtrinq; conscriptis consignatisq;, tradito Ho-  
timo, ambo exercitus è Valachia exiure. Ibant pri-  
mi Turcæ, quàm latis, quoad adspici ex vallo, sequē-  
tibus eos Polonorum oculis, poterant, tam ipsi tri-  
stes & offensi spectantibus, Dijs suis querelas intentā-  
tes. minæ aliorum iræq;, aliorum etiam gaudia ex re-  
ditu ad suos eminebant. Nam ad æstimationem com-  
positi belli, illud ab hoste nobis decus additum, quod  
& pontem documentum victoriæ, per quem copias  
traduceremus, reliquerunt: & quanquam multum  
nobiscum disceptati, priores tamē castris egressi, ma-  
gno strepitu & tumultu, cum sibi quisq; primum iti-  
neris locū peteret, domumq; peruenire properaret,  
fecerunt, vt consimilis fugæ profectio fieret. Gaudiū  
deinde in castris actum, militari gratulatione explosis  
machinis tormentisq;. & Vladislaus peracto bello,  
Andream Solāscium ad Sigismundum Patrē misit,  
qui victoriam bellumq; confectum nuntiaret. Ob quē  
domi Deo Immortali gratiæ actæ. Egit & ipse Gre-  
gorius Decimus quintus Pontifex, instituta supplica-  
tione grates, ac edicto solenni, incolis populisq;  
Poloniæ, Diem decimum Octobris festum sacrum-  
que, in perpetuum esse iussit.

Interea dum id bellum transigeretur, duo alij po-  
puli Moschorum & Suecorum, sumpsere in nos ar-  
ma. Moschis causæ fuerunt, damna accepta, adem-  
ptæq; haud pridem à Vladislao Principe, Seueria &  
Czernihouia Prouinciæ: Suecis Adolphi Gustauī li-  
bido, deq; regno Sueciæ vetus à Carolo patre relicta  
contentio. Sed Moschi, per latrocinia tantum vagi,  
mox terrore nominis nostri, fama que depositi vtrin-  
que belli, statim cessere. Gustauus pro regno acriter  
institit. Nam is, quanquam in eo à Carolo patre reli-  
ctus,

ctus, confirmatisq; iam populi animis, ambiguus ta-  
men agebat, viuentē Sigismundo, quem à patre re-  
gno exutum, tunc quoque auctum liberis, validius ti-  
mebat. Atq; Gustauus initio, conscientiam malè à pa-  
tre parti relictisq; regni, & metu, locū magis dolo que-  
rebat. quoties Polonos cum eo belli taderet, induci-  
as nō aliter, quàm vt Regis Senatûsq; nomine, in per-  
petuū postea pax firmaretur, cōcedens. Eius nomine  
adijiebat arces, prouincias, & quæcunq; Poloniæ ad-  
nexa essent. velut ita iniuriæ pro regno satisfactorius,  
aut hoc pacto illectis ad pacē nostris, infirmū Regē si  
quid vlteriù tētare, sine cōsensu Senatûs redditurus.  
Itaq; bienniū ante vtrinque, per Iacobū de Gardic, &  
Hotkeuiciū, Duces, hanc pactione inducię cōuenerūt.  
atq; cum ea hoc anno exspirasset, paci ex cōdicto sta-  
tuendæ dies Kalendæ Maij, locus inter Oberpahlū & Al-  
bū-Lapidem erat. Quo cum nostri venissent, inducias  
repetituri, neq; Regis & Senatus, vt cōuentū fuit, sed  
Ducū & exercitū nomine, infectis rebus discessū est.  
Tū Gustauus, damnis promptius quod cuperet posse  
impetrari, vt edūq; occasione ratus, dū bello Turcico  
destineremur, instructā classe, cum eā ipse ad ostium  
Dunæ appulit: ibique copijs expositis, parū ad Muhl-  
grabiū moratus, Rigā deflexit. Validissima hæc Liuo-  
nię vrbs, terrestri ac maritimo situ, & naturā & opere  
munita, nulli⁹ idoneæ rei egēs, armis virisq; instructa,  
tūc nō prouiso metu, trecentorū præfidiariorū manu  
tenebatur. Hæc igitur Gustau⁹ circūuenit. ac primum  
per colloquia & pmissa tētatā ciuiū fide, vbi cōstātes  
sensit, magno terrore in oppugnationē eius cōuersus  
est. Itaque machinas, tormenta obuertere, cuniculos  
ducere, & quicquid expugnandis vrbibus idoneū ad-  
mouere. Rigenses cōtra, quāquam numero dispares,  
saxa,

Cur.

Rigam  
obsident.Inuitant  
ad dedi-  
tionem.



Deinde  
operum  
& cuni-  
culi ter-  
rore ca-  
piunt.

saxa, trabes, regulas expedire, manibus tormēta, fer-  
reas fistulas tubosq; inducere, aliaq; defendēdis vrbi-  
bus apta opponere. Sed maximū Gustavi operū cu-  
niculus fuit, ad mænia, præcipuēq; Hospitale Geor-  
gianum agi cœptus, neq; ante die nocteq; omissus, do-  
nec egesta humo, plurimis locis dolia pyrio puluere  
plena supponerētur. Tūc vbi iā in manibus vrbs & vi-  
ctoria erat, quò in futurum fama clementiæ, & obse-  
quium aliorum pararetur, aliquot Rigenſium à Gu-  
stavo euocati, mox ad suffosa loca deducti, statimque  
ad suos dimissi, enuntiato alijs periculo, sponte por-  
tas aperuere. Eādē arte nihil vrbi detractum est;  
insuper quibus nouus Dominus displicebat, aliò mi-  
grandi facultas concessa. Capta tam properè Rigā  
(neq; enim ampliùs mensem obsidionē tolerauerat)  
metus ceteris iniectus; moxq; Dinametū, Nitaua, Ko-  
konus, aliaq; arces & oppida, in deditiōē venēre.

Cum Ri-  
ga ali a-  
ppida.


Osmani  
Casaris  
exitu vi-  
ta, Anna  
1632.

Sed quanquam ad finem propositi mei peruenerim: nequeo tamen  
mihī temperare, quin, quod sequenti anno successerat, fatum Osmani  
ad finem belli apponam. Is vt composita turbarentur, desperatioq;  
nobis mittendi Constantinopolim legati, illicq; habendi infereretur, abi-  
re penitus in Arabiam, eoq; sedem Imperij transferre parabat. Id in-  
suspicionem Turcis, metumque maiorum bellorum, mox iram, tandem  
tumultum eualuit. Rapta arma, nudati gladij, impetus ne foribus qui-  
dem palatij coercitus. At ille per auersam palatij partem, ad Ager-  
Bassam fugā elapsus, haud multum imminens exitium latebrā distu-  
lit. Statim inuentus protractusque, plurimis vulneribus concisus con-

Cui suc-  
cedit Pa-  
trius Ma-  
stapha.

fossusq; est. Haftenus quoq; tumultus fuit. Mox Patrum, eius  
Mustapham Casarem consalutatam, frequens populus miles-  
que, prout erat in armis, in penates fratris nepotisq; re-  
duxit. Sed ego narrationem meam, hic S E C O,

& FINIO.





Hist. Polon.

b. spec.



